

DOMINICCI CYRKLE

M. D. ET IN NEAPOLITANO GYMNASIO  
MEDICINÆ PROF. &c.

MATERIA MEDICA  
REGNI  
MINERALIS.

Audendo agendoque.



NEAPOLI.

M D C C X C I I.



# MEDICINÆ STUDIOSIS

## DOMINICUS CYRILLUS.

**D**E materia medica Regni mineralis dissere-  
e, elementa hujus disciplinæ medicinæ stu-  
diosis proponere in splendidissima scientia-  
rum nostri temporis luce, satis arduum,  
ac multiplici difficultate plenum opus existimari de-  
bet. Et profecto dum perspicua veritate monstrante  
viam, hinc Historia naturalis necessitatem in mul-  
tiplicium substantiarum intelligentia, hinc chemie  
profundam reconditamque scientiam, ( hac enim oportet  
ut omnino ad manus sit ), aliarumque utilium quoque  
doctrinarum opportunam notitiam, intuemur, tanto  
oneri sustinendo tenues ingenii vires nullo modo pa-  
res esse manifeste apparobit. Sunat deinde & novi  
generis difficultates, quarum accessione priores in im-  
mensum crescunt. Nam 1. Materia medica non so-  
lit medicamentosas diversorum corporum qualitates  
descriptione accurata persequitur, & præcipuam iliorum  
actionem in corpore humano investigare conatur, veruno  
m sit, quomodo, quando, quibusve in morbis varia pos-  
sint ac debeat aptari remedia indicare debet. Hinc  
si uberrimo fundamentalium doctrinarum apparatu in-  
dgit pro remediorum historia, statim ac de usu ad-  
versus immensam agitudinem cohortem, serio agitur,  
simplex materia medica intelligentia, cum diagnosi,  
mutationum & accidentium morbosorum signis, atque

qum obscurissimis sanæ œconomia perturbationibus in-  
time conjugenda. Etenim quamvis medicamenti indoles  
perspecta sit, & tamen natura morbi aut ex parte,  
aut penitus ignoratur in principio, -sive cruditate re-  
media, quæ coctionis & remissionis tempore oppor-  
tuna sunt, inopportune propinantr. Hoc certe in  
loco apprime adnotanda magni Hippocratis sententia,  
in qua medico jubet, ut a quocumque remedio, immo  
& a clystere etiam abstineat, si æger simplici usitetur  
pisana. Naturæ motus, & salutares perturbationes,  
quæ in morbis eveniunt, nunquam medicamentis re-  
zardari aut probberi debent. Igitur pratico tantum  
accuratissimo, qui materiam medicam diligenter per-  
sequutus est, remediorum administratio tuto & abso-  
lute permitenda. Qui deinde hac nostra æstate ad  
scientiam medicamentorum enucleandam accedunt, no-  
nis deterriti difficultatibus ab opere abstinent. Nam  
ut recentiorum chemicorum doctrinas se recte intelli-  
gere ostendant, nova nomina addibere, nova addi-  
scere vocabula, recentissimæque theoriæ dogmata in  
medium afferre debent. Hoc scribentibus ingratum;  
ingratissimum legentibus est. Sed de hoc argumen-  
to mox breviter disputabimus. Nil denique adeo in  
hac provincia arduum, quam post doctissima excel-  
lentium virorum scripta, & una cum laudatissimis  
Europæ medicis in scenam prodire. Quomodo enim  
cum Murrayo, Cullenio, cum Edinburgensibus &  
Londinensibus materiæ medicæ scriptoribus, Italus ul-  
timi subselli, infimæque classis medicus poterit  
comparari?

In tanta rerum difficultate, atque in utilissimo stu-  
dio, ut artis salutaris obscuritas, dñsissimæque te-  
ne-

nebræ, quæ curationi morborum opponuntur, quantum fieri poterit dissipentur, nil præstantius nihilque expeditius, quam junctis viribus, cumulatoque labore rem tanti momenti suscipere. Fortasse practicorum accuratiores observationes, chemicorum inventis innixa, & in solidam massam redactæ, generi humano emolumentum afferre facillime poterunt. Nostri vero in hoc opere suscipiendo conatus non adeo levibus inituntur fundamentis; nam materiae medicæ elementa printi in hoc Gymnasio tradidimus, atque incognitam prorsus pharmaceuticam eruditionem, pathologię copulatam publice ex hoc loco illustravimus; medicamenta quæ e vegetabilibus medicina mutuantur, & dogmata pharmaceutica typis inandare curavimus: oportebat modo & alteram operis partem pertractare, ut incubatum opus minime negligeretur. Superest & postrema hujus disciplinæ particula, nempe remediorum ab animalium classe depromptorum historia, quæ proximo anno lucem videbit.

In celerrimo chemicarum doctrinam progressu, & post stupendas admodum chemiæ pneumaticæ observationes, quæ a Cel. Black inventis, usque ad Priestley experimenta, junctis immortalis Bergman, ingeniosissimi Sheelee, Fontana aliorumque laboribus, multum disputarunt doctiores scientiæ cultores, atque observando investigandoque, quæ erronea atque dubia emendatione atque illustratione indigebant ad examen revocarunt viri de chemica disciplina optime meriti. Investigacionum fructus profecto uberrimi, non solum in soliditate doctrinarum versantur, sed fundamenta theoretica novam formam assumpserunt, novisque nominibus modo designantur. Celeberrimus inter Pa-

visienses chemiae philosophicae cultores D. Lavoisier, qui principii inflammabilis, sive phlogisti theoriam a Sthalio propositam reliquisque subsequentium temporum observatoribus confirmatam, falsam esse existimavit, atque imaginarias phlogisti proprietates omnino contemnendas esse credidit, nova excogitavit nomina rerum & objectorum nature, juxta propriam theoriā, magis convenientia. Lavoiserii dogmata sequuti sunt omnes in Gallia chemici novarum rerum amatores Fourcroy, Morveau, aliisque, Cl. La Mesherie excepto. Multi inter Italos nova nomina probarunt, improbarunt alii. Angliae doctissimi Philosophi, acerrime primum, D. Kirwan ducente agmine, pro phlogisto pugnarunt. Sed a recentissimis scriptis modo eruitur invictos phlogisti propugnatores, atzamen divinae veritatis vindices, more magnorum virorum, ( ut Celsus de Hippocrate, qui se deceptum fuisse ingenue declaravit, eleganter scriptum reliquit ), inter quos ipse Kirwan ipseque Black numerantur, proselytorum numerum auxerunt. Atque ut res tanti momenti, brevi accurataque narrazione oculis vestris subiiciatur, operæpretum duxi historiam novæ theorizæ, quæ in ultima Pharmacopæja Edinburgensis editone exstat, in latinum sermonem versam hoc in loco, eruditonis gratia, apponere. Diligentissimus itaque D. Duncan in hujusce operis introductione hæc habet.

## E P I T O M E

## NOVARUM CHEMICARUM DOCTRINARUM.

**Q**uemadmodum novæ doctrinæ chemicæ, nomine theoriæ antiphlogisticæ, magnam celebritatem adeptæ sunt, atque pro extensa phlogisti theoria a chemicis philosophis per longum tempus exulta, rapidissime progrediuntur; procul dubio existimandum, quod generalis prospectus principiorum novæ doctrinæ, majori lectorum numero acceptus esse poterit; & quod horum principiorum explicatio, recte poterit partem introductionis pro tractatu artis, quæ a scientia chemica absolute pendet, constituere.

Generalis historia chemiæ philosophicæ, nulla alia ratione melius assequi poterit, quam proponendo epitomen elementorum chemiæ, a D. LAVOISIER recenter editorum; regularem enim continent novarum doctrinarum historiam. Systema majori ex parte proprium est; formam suam & integrum compositionem propriæ investigationi accuratisque observationibus debet; atque quoad maximam partem propriis Auctoris inventis inniritur. Quamvis ob inventorum celebritatem, novæ hujusmodi doctrinæ celeriter per Europam propagatae sunt, tamen rapidus illarum progressus in Anglia adjuvabatur elegantissima versione D. Kerr in anglicam linguam; hic enim ob perfectam argumenti intelligentiam quidquid laudis a traductore portat, operi D. LAVOISIER conciliavit.

Princeps differentia , quæ interest inter D.LA-  
VOISIER philosophiam chemicam , & theoriam  
Stahlianam in hoc præsertim versatur, quod a D.LA-  
VOISIER hypotheticum elementum phlogiston di-  
ctum integre refutatur , tamquam nullo innixum  
fundamento, & tamquam factis & observationibus  
oppositum ; quum contra phænomena omnia, quæ  
vulgo phlogistica appellantur , manifeste pendere  
ostenduntur , ab absorptione vel evolutione aëris  
vitalis , aut solidæ ejus basis , quæ in nova no-  
menclatura dicitur *Oxygene* . Valde singulare , sed  
simil apriſſimum est , quod omnes sere phæno-  
menorum chemicorum explicationes , quæ a ve-  
teris theorieſ fautoribus proponuntur , in novas  
doctrinas mutari possunt, posthabito tantum vo-  
cabulo phlogiston , atque assumpto elemento oxy-  
genes, levissima tantum idiomatis inversione . Ubi-  
cumque corpus aliquod a Stahlianis phlogistica-  
tum esse dicitur , vel mutatis vocabulis , cum  
imaginario phlogisti elemento combinatum , D.LA-  
VOISIER ejusque sequaces manifeste ostendunt oxy-  
genis , vel baseos aëris vitalis evolutionem eve-  
nisse ; contra vero ubi corpus phlogiston amisisse  
supponitur , vel dephlogisticatum esse , revera hoc  
accidit q̄b absorptionem & combinationem aëris  
vitalis.

D. LAVOISIER in explicatione suarum idearum  
circa compositionem fluidorum ætiformium ela-  
sticorum , qui *gas* dicuntur , auspicatur demon-  
strando , vel saltem solidis argumentis probare  
nititur , quod constent solida basi , combinata  
cum materia caloris , quæ in recenti nomencla-  
tura

( ix )

tura appellatur, *caloricum*. Hanc hypothesim effectibus generaliter observatis, temperiei incremento in corporibus superstruere nititur; peculiariter vero hæc probatur doctrina a constanti illo effectu, nempe quia horum corporum dimensiones in quamcumque directionem augentur, statim ac tempieres crescit. Atque ab analogia concludit, quod omnia corpora sunt vel *solida*, *fluida*, aut *aëris formia*, juxta proportionem, quæ reperitur inter vires attractivas, quæ illorum particulis inhærent, & vim expulsivam quam, ut illas separet, *caloricum* exeritur. Sequitur ab hac theoria, corpora omnia naturaliter *solida* esse si calor, sive *caloricum*, nempe causa caloris secedit; ac proinde liquida omnia, & fluida *aëris formia* constant basi peculiari naturaliter *solida*, sive *principio proprio*, cuius particulæ ob combinationem cum calorico, tamquam principio communī prohibentur ut generali attractionis legi obsequantur. Hac hypothesi & certis observationibus absorptionis *aëris vitalis*, explicat apparentiam caloris in combustionē, demonstrando quod *vitalis aës*, qui ab ipso appellatur *gas oxygenum* quemadmodum componitur a basi *solida*, nempe ab *oxgene*, cum calorico conjuncto, procul dubio *caloricum* dimittere debet, dum formam *aëris* relinquit, ut combinetur cum corpore solidō combustibili, atque ubi transire debet a statu rarioris, in statum densioris aggregationis; ac proinde quod hæc phænomena pendent a variis attractionibus electivis calorici, quantum caloris in hac operatione partes sunt. Ait deinde quod *caloricum* ubi che-

mice

mice combinatur cum quocumque corpore , hujus substantiæ aggrégationem in majoris raritatis statum mutat , a solido in liquidum , vel a liquido in aërisformem , juxta præcedentes proportiones ; & quod ubi a combinatione liberatur , gignit incrementum temperiei , cum flamma vel igne coniunctum , juxta varium concentrationis gradum .

Nonnulli reperiuntur simpliciter elastici aërisformes vapores , qui in omni cognita temperie in statu *gas* permanent , verum cum aliis corporibus combinantur , & solidam vel liquidam formam aggregationis assumunt . Facilioris intelligentiæ gratia distinctionem instituit , inter basim solidam , quæ has efformat combinationes , & *gas* , in quo combinantur cum calorico . Præceps *gas* , a longo jam tempore appellatur aër vitalis : verum D.LAVOISIER existimat melius esse vocabulum aër fluido tantum atmosphærico designando inserviat , qui diversorum *gas* mixtura est ; atque ut species distinguantur , addit genericæ voci *gas* nomen specificum depromptum ab eminenti aliqua proprietate solidæ basis , quæ præcipuum elementum efformat . Hinc aëri vitali *gas oxygenis* nomen tribuit , ab essentiali baseos proprietate , quam *oxygenum* appellat , quia est caula universalis aciditatis .

Manifeste ostendit omnia combustionis exempla certe nihil aliud esse nisi hujus oxygenis combinationem cum corpore combustibili , atque in majori horum casuum parte hanc combinationem evenire posse juxta varios saturationis gradus . In genere ubi haec saturatio completa est , com-

compositum a combinatione corporis, est acidum; atque juxta novum idioma, substantiam combustibilem oxygenatam esse dicitur. Hinc quo ad majorem partem corpora combustibilia sunt bases acidificabiles, vel substantiae, quae mediante combinatione cum oxygene, in acida mutari possunt. Ubi saturatio corporis combustibilis minor est ac requiritur pro compositione acidi, compositum appellatur *oxydes*. Processus in primo casu appellatur *oxygenatio*, & basis *oxygenata* esse dicitur; in secundo casu basis *oxydata* dicitur, atque actus operationis appellatur *oxydatio*. Hujusmodi nomina arbitraria sunt; sed quemadmodum chemico idiomati perspicuitatem insinuam communicant, absque longa explicatione, ideo magni usus sunt.

Unicum vero reperitur exemplum corporis combustibilis, qui combinatur cum oxygene & tamen numquam efformat acidum aut oxydem acido proximam. Aër inflammabilis; uti antea appellabatur est gas simplex qui mediante combustionem cum oxygene uniri potest; ambo gas caloricum deponunt, qui appareat in igne, vel calore & lumine; atque substantia, quae ab hac unione oritur est aqua. Ab hac circumstantia basis solida gas combustibilis *hydrogenis* nomen in nova nomenclatura accepit; atque in statu suo aeriformi, cum calorico combinata, appellatur *gas hydrogene*.

Una aeriformium fluidorum species, qua componitur mixtura aër atmosphaericus dicta, virtus animali lethalis est, atque flamمام extinguit.

Hæc

Hæc diversa antea obtinuit nomina, juxta diversorum philosophorum imaginationem, quemadmodum mephitis atmosphærica, noxius aër, aër phlogisticatus, &c. In nova nomenclatura appellatur *gas azoticum*, & basis sua, a mortifera qualitate, *azotes*. Hæc basis ad varium diversumque saturationis gradum cum oxygene conjungitur & oxydes vel acida efformat juxta proportionem oxygenis, quo compositum saturatur. In minimo saturationis gradu cum oxygene, compositum adhuc aëriformem statum retinet; atque in aqua non dissolvitur: Hoc compositum, secundum principia generalia novæ nomenclaturæ, appellari deberet *gas azoticum oxydatum*; verum quemadmodum vetus appellatio, *gas nitrosum*, admodum communis est, neque ullam contradictionem aut ambiguitatem gignit, ideo retinetur. Ulteriori saturatione cum oxygene, gas nitrosum mutatur in acidum, atque si per se existit aëriformem aggregationem retinet; verum ad magnam quantitatem solvit, mediante aqua. Pro hoc acido antiquum nomen acidi nitrosi retinetur ob easdem rationes, quæ gas nitrosum respiciunt; verum status duo hujus acidi a longo jam tempore cogniti distinguuntur variando terminationem nominis specifici: Acidum valde coloratum, rubrum & fumans, antea, phlogisticatum dictum, nunc appellatur acidum *nitrosum*, atque pallidum vehementius acidum, qui rubros vapores non emitit, & qui antea dicebatur acidum *nitrosum* dephlogisticatum, dicitur moco acidum *nitricum*. Differentia inter duos hujus acidi status pendet a dif.

differenti quantitate oxygenis saturantis, cum eadem basi acidificante conjuncta; nam secunda species, nempe acidum nitricum magis perfectum integre saturata est cum oxygene, dum in priori, acido scilicet nitri fumante, adest superabundans proportio azotis. Acida hujusmodi mutuo converti vel mutari ab uno in alterum possunt; nitricum in nitrosum, vel additione azotis, vel detractione, oxygenis; & vice versa.

AZOTES & hydrogene, si simul combinantur, efformant alcali volatile causticum, *vel ammonia*, uti appellatur in nova nomenclatura. Ratio mutati nominis hujus substantiae est ad vitandam superfluam periphrasim in idiomate chemico, atque ut, quantum possibile erit singulis peculiariibus substantiis perspicua & unica vox tribuatur. Magnae utilitates generalis hujus principii in nomenclatura, apparebunt, si comparantur nova nomina salium neutrorum, cum vetustis arbitrariis denominationibus.

NONNULLAE substantiae combustibles simplices, persistente combustione, combinantur cum oxygene, atque oxydes nempe acida efformant, uti azotes. Sulphur dum lente comburitur, cum minori quantitate oxygenis saturantis conjungitur atque efformat acidum volatile debile & insigniter odorum, acidum vitriolicum phlogisticaum, vel sulphureum antea etum, & qui modo appellatur acidum sulphureum. Ubi celerius comburitur, majori quantitate oxygenis saturatur, & compositum inde proveniens est acidum ponderosum, fortius & inodorum atque appellatur acidum lalrophicum, antea vitriolicum. Mu-

pari similiter inter se possunt, addendo oxygēnem sulphureo, vel detrahendo ab acido sulphurico.

**PHOSPHORUS** simplex est combustibilis substantia, quæ, ut sulphur, combinatur cum oxygene ad duos saturationis gradus; combinatio minus oxygenata appellatur phosphorus, perfectius vero oxygenata, acidum phosphoricum. Carbo, vel potius ipsius elementaris & simplex pars combustibilis, quæ appellatur carbon vel char, quo distinguatur a miscela impura carbonis nomine dicta, conjungitur cum oxygene combustinis, atque efformat acidum carbonicum vel carbicum, antea distinctum nomine aëris fixi, aëris fixabilis, acidi aërei &c.

**MULTA** etiam reperiuntur cognita acida, quæ adhuc non fuerunt decomposita, ipsorumque ideo basis acidificabilis incognita remanet. Hæc sunt acidum muriaticum, acidum boracinum, & acidum fluoricum; sed a generali analogia, supponi potest componi acida hæc peculiaribus basibus combustibilibus, quæ combinaantur cum oxygene, tanquam peculiari illarum acidificante elemento. Quamvis acidum muriaticum in actuali statu chemicæ scientiæ, nequeat adeo decomponi, ut ejus basis detegatur, potest vero copulari cum insigni superabundanti quantitate oxygenis, & hac ratione proprietates assumit ab illis, quas in statu communi possidebat, valde diversas. In novo hoc statu, juxta novam nomenclaturam appellatur, acidum muriaticum oxygenatum. Fortasse

se aptius appellari posset acidum muriaticum *su-*  
*peroxygenatum.*

PRÆTER acida hæc simplicia , sive acida basi simplici , multa acida bases habent compositas , sive duas vel ultra , bases acidificabiles simul junctas , atque hujusmodi radicalia composita in acida mutantur , vel oxygenantur combinatione cum oxygene . Acidum compositum a longo jam tempore nomine *Aqua Regie* cognitum , hujus generis est , atque manifestum est , ab attractiōnibus electivis aliisque phænomenis , quod acidum nitricum & muriaticum , a quibus efformatur , simul chemice sunt combinata ; nempe , horum acidorum bases acidificabiles conjunguntur ad efformandum compositum radicalem , pro cuius acidificatione utriusque acidi oxygene in usum revocatur . Aliæ acidificabiles & oxydabiles compositæ bases a vegetabilibus & animalibus substantiis obtinentur , & constant variis proportionibus carbonis & hydrogenis , simul junctis , aliquando cum additione azotis , vel phosphori , aut utriusque . In statu oxydarum , composita hæc radicalia ab oxygene habent additionem in gradu tamen minori , quam requiritur pro acidi perfecti compositione : saccharum , amylum , gummi , mucus , gluten , oleum , resina , alkohol , æther &c. sunt bases acidificabiles compositæ tantum cum proportione oxydante oxygenis coniunctæ . Acida hujus ordinis sunt .

<b>Acidum Tartareum</b>	<b>Acidum Tartari</b>
<b>Acidum Malicum</b>	Recenter cognitum :
<b>Acidum Citricum</b>	<b>Acidum Limonum</b>
<b>Acidum Pyro-lignicum</b>	<b>Acidum Empyreuma-</b>
<b>Acidum Pyro-mycosum</b>	ticum ligni.
	<b>Acidum Empy, fac-</b>
	chari.
<b>Acidum Pyro-tartaro-</b>	<b>Acidum Empyr. tarta-</b>
sum	ri.
<b>Acidum Oxalinum</b>	<b>Acidum Acetosæ.</b>
<b>Acidum Acetosum</b>	<b>Acetum, vel acidum A-</b>
	ceti
<b>Acidum Aceticum</b>	<b>Acetum, radicale</b>
<b>Acidum Succinicum</b>	<b>Sal volatile succini</b>
<b>Acidum Benzoticum</b>	<b>Flores benzoini</b>
<b>Acidum Camphoricum.</b>	Recenter detectum.
<b>Acidum Gallicum</b>	<b>Principium astrin-</b>
	gens vegetabilium.
<b>Acidum Lacticum</b>	<b>Acidum feri acefentis</b>
<b>Acidum Saccholacticum</b>	<b>Antea incognitum.</b>
<b>Acidum Formicum</b>	<b>Acidum Formicarum</b>
<b>Acidum Bombicum</b>	<b>Antea incognitum.</b>
<b>Acidum Sebacicum</b>	<b>Idem,</b>
<b>Acidum Lithicum</b>	<b>Calculus Urinarius</b>
<b>Acidum Prussicum</b>	<b>Materia colorans ca-</b>
	<b>ruelei Berolinensis.</b>

NEQUIT certe contendi, quod hæc acida effor-  
formari possint combinando elementa simplicia  
basium & addendo oxygenem composito radicali,  
atque ita syntheticum de ilorum natura & con-  
stitutione argumentum exhibere: verum median-  
te destructiva distillatione in vase clauso, atque  
aliis accuratis analyticis operationibus, varia il-  
lorum elementa a se invicem separari possunt,  
& peculiares proportiones tolerabili certitudine  
affignari,

METALLA aliam constituunt seriem basium  
oxydabilem vel acidificabilem; atque adnotatio-  
ne dignum est, quod in statu oxydarum, omni-  
no convenient cum generalibus phænomenis cor-  
porum alcalinorum; nam multa inter metalla  
ulteriori oxygenis additione in acida mutantur.  
Omnia sunt corpora combustibilia, & quoad maxi-  
mam partem excessivum temperiei gradum requi-  
runt, ut via sicca combinentur cum oxygene;  
omnia vero combinari possunt cum oxygene via  
humida, exhibitis attractionibus electivis. Quod  
antea appellabatur forma regulina metallorum, est  
simplicissimus illorum status, in quo cum pul-  
la adhuc cognita substantia combinantur; con-  
tra vero status calcis, in quo tanquam genuina  
corpora elementaria esse credebantur, ille est in  
quo addendo quantitatem, saturantem oxygenis,  
minus quam requiritur pro statu acidi, conver-  
tuntur in oxydes metallicas, quæ antea calces  
denominabantur. Hujus status oxydationis, in  
multis metallis, reperiuntur multi diversi gra-  
duis, atque in nova nomenclatura hujusmodi di-

versi oxydationis gradus a colore distinguuntur; vel a peculiaribus circumstantiis in quibus oxydatio producitur.

**A**BOLUTE necessarium est pro solutione metalli in aliquo acido, ut metallum in statu oxydis reperiatur, ante actum solutionis, vel ut durante processu oxydatum reddatur, aut decomponendo partem acidi pro solutione adhibiti, aut aquæ cum qua acidum dilutum est. Hinc semper accidit, quod ubi metalla non prius oxydata dissolvuntur in acido nitrico, aut in acido sulphurico concentrato, acidi pars decomponitur; quia azotes vel gas nitrosum, vel ambo emitunt partem oxygenis acidificantis, quæ detrahitur a basi oxydis metallicæ: vel acidum sulphureum, aut ipsum etiam sulphur evoluitur, a simili decompositione perfecti acidi sulphurici, ubi hoc acidum pro solutione fuit adhibitum. Quando acidum sulphuricum dilutum adhibetur, aqua solutionis decomponitur pro oxydatione metalli, quia elementa acidi simul retinentur a fortiori attractione electiva, quam est illa quæ exeritur inter particulas aquam constituentes; sequitur ideo, quod in hoc casu, gas hydrogene liberum evadit, & metallum dum in acido dissolvitur, oxydatur a parte oxygenis ipsius aquæ.

**H**ÆC magna ex parte est summa novarum doctrinarum chemicarum; quod supereft, fere nihil aliud est quam nomenclaturæ mutatio, pro simplici proprietate & accurata methodo, ad vitandam ambiguitatem, vel uti auctori videtur, ad er-

( xix )

eriores in phænomenis & factis chemicis eliminandos.

NOMINA omnia metallorum latine terminantur genere neutro ; & singula vox usurpatur ad indicandum singulum metallum , in perfectissimo puritatis statu , quantum licet in actuali chemicæ intelligentiæ statu . Hinc Platinum , Aurum , Argentum , &c. denotant perfectum metallicum aut regulinum statum Platinæ , Auri , Argenti &c. Alcalina & terræ sequenti ratione denominantur :

*Nomina nova.*

*Nomina vetusta.*

Potaſſa	Alcali vegetabile fixum purum , vel cauſticum .
Soda	— — — idem minerales .
Ammoniaca	Alcali volatile ex calce via paratum .
Calx	Terra calcarea pura .
Magnesia	Magnesia calcinata .
Barytes	Terra ponderosa pura .
Creta	Terra argillacea pura .
Terra silicea	Terra silicea pura .

COMBINATIONES alcalinorum , terratum & oxydarum metallicarum cum acidis , quemadmodum efformant sales neutros , medios , terreos & metallicos , ideo in genera dividuntur juxta acidum a quo pars constitutionis componitur ; atque basis peculiaris , cum qua acidum combinatur in singulo peculiari sale , compositi nomen

specificum constituit. Hac ratione antiqua inintelligibilia, vel falsa nomina horum salium delentur, atque vocabula adhibentur, quæ non solum indicant salem, qui' peculiariter designari debet, verum etiam enumerant ingredientia, atque denotant statum substantiarum, quæ in composite reperiuntur. Hinc sales omnes, in quibus acciōnē sulphuricū combinatur cum basi alcalina, terrea aut metallica, appellantur *sulfata*; dum illi, in quibus acidum sulphureum cum iisdem basibus combinatur, *sulfites* denominantur: atque ita de aliis acidis, ut in sequenti tabula:

*Nomina novæ.*

Sulfas barytis

Potassa

Calcareus

Magnesia

Ammoniacalis

Argillæ

Zinci

*Nomina vetusta.*

Spatum ponderosum, vitriolum terræ ponderosæ.

{ Tartarum vitriolatum, sal de duobus, arcanum duplicatum.

Selenite, gypsum, vitriolum calcareum,

{ Sal epsomense, sal fedlitz, vitriolum magnesiae.

Sal ammoniacum secretum Glauberi,

Alumen,

{ Vitriolum album, vitriolum goslar, copperas alba, vitriolum zinci.

No-

*Nomina nova.*

Sulfas Ferri

Mangnesii

Cobalti

Niccoli

Plumbi

Stanni

Cupri

Bismuthi

Antimonii

Arsenici

Mercurii

Argenti

Auri

Platini

*Nomina vetusta.*

*Copperas viridis*, vitriolum  
viride, vitriolum martia-  
le, vitriolum ferri.

Vitriolum manganeſe.

Vitriolum cobalti,

Vitriolum nickelii,

Vitriolum plumbi.

Vitriolum flanni.

*Copperas cœrulea*, vitriolum  
cœruleum, vitriolum Ro-  
manum, vitriolum cupri.

Vitriolum bismuthi.

Vitriolum antimonii.

Vitriolum arsenici.

Vitriolum mercurii.

Vitriolum argenti.

Vitriolum auri.

Vitriolum platine.

IN nonnullis casibus, hujusmodi sales efforma-  
ri possunt cum fixa & permanenti semper pro-  
portione acidi supersaturante, vel cum opposito  
excessu teræ & calinæ, vel metallicæ basi: in  
duplici hoc celo peculiaris saturationis status de-  
signatur præmisso priribus nominibus vocabulo  
*acidum vel alcalinum*. Ita cremor, vel crystalla  
tartari, quæ compositio utri notissimum est con-  
stat potash, vel alcali vegetabili fixo, cum ex-  
cessu acidi tartarei, appellatur *Tartaris potassa aci-*  
*dulus* atque ita de reliquis.

HÆC

HAC est ampla satis historia doctrinarum & nomenclaturæ novæ philosophiæ chemicæ, quantum a præfationis limitibus permitti potest; ad reliqua magis peculiaria quod attinet, lectores adire debent elementa D. LAVOISIER, in quibus uberes distinctionesque proponuntur explicaciones præcipuarum systematis partium; atque ubi principes difficultates a veteris theoriæ sectatoribus propositæ dissipantur & explanantur.

CERTE non parum confert ad confirmandam probabilitatem, majoremque evidentiā novæ chemicæ philosophiæ, quod D. BLACK, qui per longum tempus chemiam in hac universitate docuit, cum maxima meritisque debita aximinatione, & qui ipsemet chemicas magni momenti doctrinas detexit, fatetur phlogisti theoriam, qua duce omnes ipse doctrinas proposuit cum primum lectiones tradidit, admodum obscuram evasisse post numerosas observationes recenter factas; atque explications non adeo planas manifestasque, chemicorum experimentorum suppeditare, quam theoria LAVOISIERII, quæ simplior est, facilius assequi potest, atque strictius cum novis chemicis factis connectitur.

D. KIRWAN quoque, qui per longum tempus strenue pugnavit pro doctrina Sthaliana, atque etiam, ut hanc tueretur doctrinam, tractatum evulgavit adversus D. LAVOISIERII opiniones, recenter & admodum ingenue, quod rarum in majori hominum parte est, sincere atque aperte proprium fassus est errorem, atque veritatibus quas  
pu-

publice postremo admodum tempore improbare conatus est assentire non dubitavit.

*Quid sentiendum sit de nova chemicorum theoria, longum profecto esset in praesentia disputare. Multum certe recentiores observatores receptis antea doctrinis addicierunt, & potius essentialis disciplina utilitates, quam nova nomina a philosophis respicienda sunt. In praesenti tractatu veterum nomenclaturam, cognitamque phlogisti theoriam adhibuimus, nam perspicuitati non novitati consulendum, & priusquam novis vocabulis novisque doctrinis mens & animus, auresque juvenum assuecant, melius erit debilem lucem incommodo splendori proponere, turpe enim esset in magna luce cæcutire.*

MA.



# MATERIA MEDICA

## REGNI MINERALIS.

 Nemadmodum ab Anatome corporis humani fabrica accurate describitur ; sanas integrasque functiones Physiologia per sequitur , &c a Pathologia sanitatis perturbations designantur ; ita opportuniora adversus morbos prælia a Materia Medica declarantur . Hoc itaque nomine intelligitur peculiaris illa disciplina , in qua remediorum præsidiorumque omnium Historia , natura , præparata , præcipueque facultates diligenter illustrantur . Tanti momenti scientia , quæ a medicis omnibus pro Artis salutaris fundamento haberi debet varias , ab universis corporibus naturalibus substantias mutuatur , ac modo plantis , modo mineralibus fossilibus & metallicis , modo animalibus utitur . Hinc a triplici naturæ Regno triplex materia medica divisio desumitur . Primam partem medicamenta vegetabilia , secundam mineralia , tertiam denique animalia componunt . Plantarum vires , actionem , usum sive administrationem in peculiari tractatu nuperime evulgavimus . Nunc majori diligentia , fuisseque ad præsidia e Regno minerali deponenda devenimus ; quod certe annis superioribus desiderabatur .

A

tur.

**2**  
tur. Animalium medicamentofas qualitates postremo loco enucleare conabimur, hac præsertim ætate, in qua & ipsæ lacertarum carnes recentes inter specifica adversus gravissimos morbos auxilia collocantur.

Ad materiam vero medicinalem Regni mineralis quod attinet, chemiz Pharmaceuticæ elementa in ipso limine illustranda sunt, ideoque corpora omnia in sex generales classes distinguere oportet. Primum tenent locum Sales, secundum Inflammabilia; sequuntur Metallica, Terra, Aquola, Aërea. A prioribus quinque vestitiores medici non pauca desumebant præsidia; at recentiores substantias aëriformes summa etiam cum utilitate exhibere solent, uti evincitur acidæ aërei, aërisque dephlogisticati administratione in gravissimis etiam morbis. Aëris ideo atmosphæri, sive respirabilis proprietates in hac quoque materiæ medicæ parte accurate sunt considerandæ.

## PARS I.

## P A R S I.

## DE SUBSTANTIIS SALINIS.

**C**orpora naturalia, quæ determinata, unifor- Substantiæ  
mi, regularique structura vel penitus ca- salinæ.  
rent, vel tantum organica gaudent levi appa-  
rentia Fossilia, vulgariorique vocabulo Minera-  
lia nuncupantur. *Fossilium* in tellure obvio-  
rum complexus vulgo Regnum audit fossile, vel  
minerale juxta eel. Bergman definitionem, qui  
hæc addit, ut fundamentalis fossilium natura  
intelligatur. In hoc tertio regno naturæ, gene-  
ratio longe aliter peragitur, ac in organicis. Nu-  
lum ovum vel semen, fossile futurum in minis-  
tum coarctatum complicatumque spatum fovet;  
nulla fecundatio, nullus humorum nutrientium sta-  
bilitus motus, nulla evolutio beic locum ba-  
bet. Moleculæ sibi invicem occurrentes, sola  
attractione coalescent. Fossilium facultates, sive  
mineralium vires medicamentosæ dignosci neque-  
unt, nisi prius, characteres externi & interni  
horum corporum perfecte innotescant. Quemad-  
modum vero recepto ab omnibus scriptoribus  
ordine incedendum, ideo a salium descriptione  
ordiendum.

Sales dicuntur substantiæ illæ fossiles, quæ Sales.  
in lingua plus minus saporis excitant, & subti-  
lissime pulverati, aqua ebulliente millies ponde-

rosiore solvuntur . Igne liquefcunt , & plerique mutantur vel deſtruuntur . Salinam vero qualitatem , quæ in determinata ſapiditate verſatur a phlogiſto , mediante materia caloris attenuato mutuantur ; ſolubilitatem vero a calore omnino pendere multa fuadent . Corpora omnia phlogiſto deſtituta in calcem abeunt penitus inſipidam , & phlogiſtum proprie diſtum ope caloris omnino amittunt . Resinosa , omnia quæ ſalinam naturam habent , calore attenuata ſaporis intensitatē declarant . Caloris activitate calx uita ſalinam ſolubilitatem adiſpicitur ; nam ignis actione lapides calcarei non modo ſolubilitatem acquirunt ſed ſimil in calcem tranſeunt penitus cauſticam . Sed in hoc caſu quæ evpiunt mutationes magni momenti do- trinam alio magis opportuno tempore enuclean- dam includunt . Salinæ rurſum particulae , ſive ſalium moleculæ primitivæ , in omnium ſere corporum fun- damentalī compositione commixtae reperiuntur . Sed ſapor p̄cipiū ſalinis elementis primario inhaerens , acidum vel alcali pro fundamento agno- ſcit , quandoquidem hoc principio quamvis diversi- modo modificato , ſales proprie dicti componun- tur . Quamvis enim duas ſimpliciorum ſalium ſpecies generales exiſtant , atque acidi primam , alcalini ſecundam componant ; ſalimum proprium acidum dici meretur ; alcalinum enim potius acre eſt & acutum . In majori corporum natu- lium numero ſalimum & p̄cipue acidum exi- ſtit elementum , quamvis modo magis , modo minus evolutum ſit , prout a diuersis aliis ſub- ſtantiiis occultatur & abſconditur . Ita acidum fac-

Sacchari in vegetabilibus copiosissimum, a quo fructuum & plantarum sapor repetendus est, cum glutine mucilaginosisque elementis adeo stricte combinatur, ut acido nitroso opus sit pro integrâ absolutaque separatione. Insipide admodum substantiaz salinum sive acidum elementum habent admixtum; a subere enim siccissimo omnisque saporis experte, nuper trimi chemici acidum peculiaris naturaz obtinuerunt.

Præcipui characteres salibus simplicioribus proprias duas suppeditant harum substantiarum Clases. Nam uti accuratiiores Chemici existimant, characteres specifici inter sales simplices, quas pars nondum ex suis principiis componere valet, ab indolis diversitate unice sunt petendi. Horum duo innotuerunt distincta genera; Acidum nempe & Alcali. Ad acidum enim quod attinet, et si hæc substantia, ubi de fossilibus agitur, triplici generis antea esse existimabatur, veteres enim descripsierunt tantummodo Acidum Vitriolicum, Nitrosum & Muriaticum; recentiores contra addiderunt Acidum Fluoratum, Boracinum, Arsenicale, Sideri, Molybdæ, & lapidis ponderosi. Regnum vegetabile majorem acidorum varietatem exhibet; vix tamen crederem inter species omnium distinctas collocari debere, acidum Sacchari, Acetosellæ, Tartari, Benzoinum, Citrinum, Succineum & alia hujusmodi. Regnum animale suppeditat Acidum Formicale, Sebaceum; immo reperitur etiam peculiare acidum Larvæ phalenæ Vinulæ, peculiari volatilitate præditum. Denique acidum Phosphoreum,

Sodium characteres generales.

& æreum continent etiam animalia & vegetabilia corpora. Cl. Bergman non solum de descripbris modo genuinis ac manifestis acidis loquitur, verum metalla probabiliter suis etiam constare radicalibus acidis existimat, ignotaque etiam diversi generis acida in animalibus non adhuc detecta reperiri suspicatur, ait enim: *Metalla in statu completo sunt acida metallica phlogisto satiata, vel sulphuris metallici species, que interdum distincte inflammari possunt, ut zincum & arsenicum. Vestigia quoque flaminæ sed magis obscuræ sub fusione præbent aurum & cuprum, nimbo virescente; ferrum candescens scintillas evibrat; & stannum quoque idonea encbeiresi, ascendi posset.* Demum nonnulla corpora phlogistica, & fortasse omnia cum acidis intime combinantur; quod de sulphureis & resinosis certissimum est. Acidorum in omnibus fere corporibus naturalibus existentia magnam hujus principii necessitatem utilitatemque in universali œconomia naturæ declarat. Quænam sit acidorum activitas in œconomia animali inferius patebit. Plantæ quæ in genere acido copiosissimo sunt referæ, si hoc privantur elemento, statim corrumpuntur; atque vegetabilium exhalationes, quæ corruptelam afferunt, tenuissimo acido componuntur. Transpirationem animalem, quam alcali phlogisticato magna ex parte compositam esse Pathologi contendunt, acidum satis copiosum, acido aëro simillimum, semper adjunctum habere, nostræ evincunt luculentissimas observationes. Hinc morbi omnes corruptorii

7

ab acidi defectu pendentes, acidorum medicamentorum administratione curantur. Sed de his fusius suo loco.

Sales nativi, qui scilicet a natura ipsa compo- Sales acidi,  
ponuntur, sunt vel acidi vel alcalini, vel neu- & alcalini.  
trales, vel medii terrestres, vel denique metalli-  
ci. Acida proprio distinguuntur sapore acuto, &  
in statu puritatis minime ingrato; amara dein  
redduntur, magisque adstringentia dum aut sim-  
pli phlogisto scatent aut metallicis elementis,  
quod idem fere est, saturantur; quamadmodum  
observatur in acido muriatico, phlogisti tenaci-  
simo, atque in vitriolo martis. Secundo loco  
acida, cum insigni effervescentia solvunt alcalia  
aerata, nempe alcalia quae acido aereo abundant,  
ideoque aerata dicuntur. Hoc autem accidit,  
quia acida omnia majorem cum alcalinis affini-  
tatem habent, quam acidum aereum, hinc al-  
calina reliquo acido aereo cum reliquis acidis con-  
junguntur. Interim acidum aereum summa vo-  
latilitate praeditum celeriter aereoque excitato  
trepitu in auras dissipatur. Alcali vero cauti-  
cum, nempe acido aereo spoliatum nullam cum  
acidis quibuscumque effervescentiam gignit. Ter-  
tio loco acida tinturas cæruleas vegetabilium  
rufas reddunt, præsertim vero tinturam Helio-  
tropii cæruleam in rubrum colorem mutant:  
Juxta variam tamen acidi speciem, vario mo-  
do tintura Heliotropii mutatur. Ab acidis  
enim mineralibus dilute tantum rufa redditur,  
& contra ab acido aereo in elegantissimum pur-  
pureum colorem vertitur. Hac profecto diversi-

rate accurati observatores, primo intuitu de acidi aërei in aliquo corpore existentia judicare possunt. Cæterum acida omnia concentrata cum oleis combinantur; aquæ tenacissima sunt, quam ab aëre utcumque sicco attrahunt; corpora animalia ac vegetabilia dissolvunt; cum aqua calorem, cum glacie frigus producunt; fluida animalia & vegetabilia, quæ coagulabilia sunt, coagulant. Difficillimum tamen semper erit hujus mutationis causam determinare. Hisce addendum; quod acida multa aqua diluta si a corpore humano suscipiuntur sitim extingunt; calorem imminuunt, æstum compescunt, ideoque motum sanguinis circulatorium retardant; & utriusque secretionem adaugent. Contra vero acida concentrata, nempe aquosis particulis spoliata sitim, calorem, ariditatem adaugent, pulsus durissimum, & insigniter vibratum reddunt, uirinatque parciorem rufamque efficiunt. In primo etenim casu acidorum particulæ magnopere divisæ, atque ob aquæ interpositionem multum a se invicem sejunetæ, caloris sensibiliis magnam copiam attrahunt, adeoque frigoris sensationem inducunt. At in secundo casu ob concentrationem peculiarem a phlogisto acceptant acutiem sive præcipuam causticitatem exercent. Hujusmodi qualitates generales magis ad materiam medicam accedentes, hoc in loco collocauti debebant.

---

## DE ACIDO VITRIOLICO.

**A**CIDA nativa et si raro in maximo puritate statu in terra sinu occurunt, quia cum variis substantiis combinata reperiuntur, in peculiares tamen species dividi consueverunt. Primum tenet locum acidum vitriolicum; ejus synonyma sunt Acidum primigenium, carbolicum, etherum, sulphureum, aluminosum, oleum vitrioli, spiritus vitrioli, spiritus sulphuris per campam.

Acidum vitriolicum.

Præter qualitates; quas cum reliquis acidis communes possidet, acidum vitriolicum purum odore & colore caret. Rarissime in formam solidam frigore concrecit, sed aere nitroso coagulari potest; & connubiis optime dignoscendum, uti alia acida. Berg. Scia. Acidum vitriolicum cum spiritibus ardentibus unitum, aciditatem deposit, unde oritur æther vitriolicus, usitatissima illa præparatio, cui insignis antispasmodica facultas tribuitur. Vetustioribus chemicis æther tantum vitriolicus innotuit; nostra vero æate a reliquis etiam acidis æther paratur. Acidum vitrioli Ferrum, Zincum & Cuprum dissolvit. Per caloris gradum ebullientem cum metallis omnibus uniri potest. Corpora animalia, aut vegetabilia corrodit. Fermentationem prohibet. Cum alcalinitate neutra facit, inferius describenda. Acidum deinde vitriolicum principio inflammabili copulatum &

& calore attenuatum in vapores attollitur, &  
 acidi vitriolici volatilis vel phlogisticati nomen  
 acquirit. Acidum vitrioli phlogisticatum non  
 raro eructant Vulcanorum voragine, odore in-  
 structum penetrantissimo, suffocante. Phlogiston  
 inquinans, & caloris ligata materia aëream im-  
 pertiunt formam, quæ tamen aquæ conubium  
 non impediunt. Berg. Sciagr. Dum in hoc re-  
 peritur statu, difficulter concentratur; aliquid  
 alienum, nempe phlogiston adjunctum habet.  
 Majori proportione alcalia saturat, ut & terras  
 quoque absorbentes, quamvis minus acidi conti-  
 net; nam ob summam particularum tenuitatem,  
 majorem penetrabilitatem assumit. Corpora ani-  
 malia ac vegetabilia minus afficit, metallica  
 vero magis, quia corpora humida tenues acidi  
 volatilis particulas absuntunt, contra vero me-  
 tallicorum corporum soliditas facilius a volatili,  
 quam a densiori crassiorique acido penetratur.  
 Affinitatem habet cum alcalicis minorem, servat  
 enim primariam, quam cum phlogisto habet.  
 Minus generat caloris cum aqua, & frigoris ni-  
 ve commixtum. Vaporem denique sulphureum  
 emittit. Acidi vitriolici volatilis, sive vaporis  
 sulphurei magnam profecto copiam suppeditante  
 montes ignivomi, vel loca ab antiquissimis vulca-  
 nis quondam conflagrata. In fudatoriis calidissimis  
 agri Neapolitani acidum vitriolicum valde volatile  
 exhalat, atque ubi frigidioris aëris actionem ex-  
 peritur, generat purissimos flores sulphuris; ubi  
 vicinam subiectamque terram argillaceam offen-  
 dit alumnen gignit. Tineturam cæruleam He-  
 lios.

2

lio tropii rubram reddit; ob copiosum phlogistum aërem respirabilem inertissimum reddit, & suffocationem afferit. Lapidés vulcanicos durissimos in Argillem vertit; unde in nostris vulcanicis vétustioribus regionibus, colles terræque omnes argillaceæ sunt. Ideo etiam loca vaporibus sulphureis referta valde insalubria sunt, quia acidum sulphureum volatile phlogisticationem aëris atmosphærici valde periculosam efficit.

Corpora nativa in quibus acidum vitriolicum reperiuntur sunt sal Glauberi natus, quemadmodum species illa, quæ abundantanter occurrit in nostra Calabria, atque sal Seiliæ nuncupatur. Vitrioli acidum continent etiam sales Metallici, qui Ferrum, Cuprum & Zincum pro basi habent, uti sunt vitriolum martis nempe viride, vitriolum veneris, sive cæruleum, & Zinci, scilicet album. Adebat quoque in salibus terreis, qui vel alumine, vel terra calcarea sunt uniti; quemadmodum in alumine & sale cathartico amaro. In aquis variis, in atmosphæra, in aura electrica detegitur quoque acidum vitrioli. Aquæ aluminosæ omnes hoc acido abundant, & procul dubio acidi vestigia in scintilla electrica deprehenduntur. Inter omnia vero corpora, quæ acidum vitrioli suppeditant, non modo pro medicina sed maxime pro civili œconomia sunt vitriolum & sulphur; in decompositione enim harum substantiarum obtinetur, atque ejus puritas per specificam gravitatem & pelluciditatem determinatur. De acido vitriolico libero loquitur Cl. Bergm. in Scigraphia R. Mineralis, tr. liberum.

Acidum vi-  
ubi

ubi ait: *In viciniis Senarum & Viterbiis aqua dilutum inter collium lapides nonnunquam effluere narrat D. Vandelli, igne subterraneo sine dubio excussum, sed alias fere sensper nuptum alcali, terræ, metallo, vel phlogisto.* Hæc ad historiam acidi vitriolici generalem valde necessaria, dum hujus substantiæ naturam nobis appetiunt, præcipuas quoque medicas facultates declarant. Recentiores itaque Practici, utilissimis chemiæ principiis imbuti acida omnia per se, & præsertim acidum vitriolicum purissimum inter præsidia antiseptica, nempe corruptioni opposita, antiscorbutica, antiphlogistica, sive inflammatio- ni contraria collocare consueverunt. Et quemadmodum ubi acidum vitrioli inflammationem avertit, acutissimas simul inflammatorias febres, nempe necessarios essentialis causæ effectus tollit, ideo huic substantiæ antifebrilem quoque facultatem Medici tribuerunt. Gravissimi rursus pectoris morbi, uti sanguinis sputus, ulcera pulmo- num, hydro-thoracis periculosa initia, vomicæ pulmonales, acidi vitriolici administratione magnopere sublevantur. In quocumque demum sanguinis fluxu hoc præsidio utiliter utimur. Sed sigillatim de propositis modo doctrinis differendum. Et primo quidem merito acidum vitriolicum antisepticum & antiscorbuticum esse existimandum est, quandoquidem in morbis febrilibus cum magna virium prostratione, cum lividis petechiis, & atri sanguinis eruptione per varia corporis emunctoria, nihil utilius acido vitriolico, multa aqua diluto & copiosius ingurgitato. In ipsis etiam

etiam sanguineis lethalibus variolis, in quibus omnia incassum praesidia administrantur, juvat ad acidum vitriolicum confugere. Vidimus saepe extreum scorbuti venerei statum, in quo & gingivæ copiosum foetidumque sanguinem emitterebant, & dentes decidebant, non modo acido acreo, sed vitriolico etiam eradicative sanatum. In pustulis venereis pravæ indolis, admodum profundis, & quæ foetidum ichorem emittunt, uti nunquam medicamenta mercurialia sunt adhibentia, sic contra acidum vitriolicum, cum infuso vel pulvere corticis peruviani copulatum, curationem absolvit. In hisce casibus, uti & in reliquis omnibus spiritu vitrioli tenui, potius quam spiritu dulci utendum, juxta formulae inferius adnotandas. Ubi cumque agitur de ulcere aliquo externo admodum folido, ac corrupto pure referto, nil acido vitriolico interne usurpato utilius reperiri potest. Sepissime in Erysipelite maligno, quæ superveniunt suppurationes profundæ sinuosæque sunt, quia a tenui acerrimo- que pure proveniunt. Hic morbus diuturnus nec raro periculosus, saepe eodem praesidio debellatur. Idem dicendum de gangrena externa, ab interna corruptoria causa proveniente. His positis antiseptica acidi vitriolici facultas solido admodum innititur fundamento. Sed unde nam vis antiseptica acidi hujus repetenda est? In septicis sive corruptoriis affectibus debita ac naturalis solidorum ac fluidorum componentium cohaesio imminuitur, atque lethalis resolutio sequitur. Hinc acida quæ adstringentem primo facultatem posse

possident, hūc degenerationi opponuntur, quia coagulandi atque inspissandi proprietatem possident. Rursum in scorbutico affectu, in Lue Venerea diurna, in confirmatis inflammationibus causa morbosæ densitatis, quæ præcipuam ægritudinem efficiebat, in eodem semper statu manere nequit, ideoque vitæ ipsius activitate in motum cietur; & quemadmodum causa hæc neque vitam communem vivere potest, neque peculiari motu propriaque uti in statu sanitatis œconomia fruitur, in corruptionem vergit. Generales illæ causæ morbificæ, quæ attenuari sive corrupti debent, si nulla actione nullaque aut naturæ, aut artis operatione corriguntur, propriam degenerationem & corruptelam sanis partibus, sanisque etiam humoribus communicant. Acidum itaque vitriolicum nullo modo concentratum, immo contra valde dilutum, copioaque aqua attenuatum morbosam dissolucionem mitigat, particulique jam separatis naturalem cohæsionem denuo restituit. Putrescentia rursum, corruptio & colliquatio in corpore humano semper alcalescentia sive alcali caustico, vel juxta nostram doctrinam, phlogisto salino componitur. Igitur acidum vitriolicum propria affinitate cum in memorato principio conjungitur & vehementissimam corruptionem, hac ratione avertit. Hoc in loco magni facienda difficultas illa, qua contenditur acida omnia primariam actionem in primis viis exercere, atque vehementem tantummodo corrugationem gignere. A ventriculo etiam penitus mutari acida multi contendunt. Prima  
ve-

vero difficultas respicit acida valde concentrata, quæ nullum internum usum habere debent, quia insigniter styptica sunt. Verum acida magnopere attenuata primarum viarum immediatam perficit. Etiamque actionem effugiunt, internasque sedes facile subeunt; urinæ enim profusissimæ obtinentur post acidi administrationem, atque immediata inde utilitas in morbis deprehenditur, uti inferius patebit. Scio atque in praxi observavi, immoderatum acidi concentrati usum vomitum lethalem, insuperabilem alvi stypticitatem, & cachexiam attulisse. Sed acidi concentrati urens, stimulans, & caustica efficacia a nitissa, refrigeratoria, & antiseptica acidi attenuati actione magnopere differt. Huic denique observationi adiiciendum, quod fortasse acidum æreum magnum scorbuticis emolumentum ideo affert, quia particulis constat tenuissimis, coprofæ aquæ immixtis, ut alibi etiam a nobis adnotatum fuit. In inflammatoriis rursum morbis, in quibus universi corporis calor sensibilis ultra modum augetur, & cutis accenditur, & lingua ruberrima statim arescit, & sitis oritur intolerabilis, ac urinæ rufæ excernuntur, & caput vehementer dolet, nil acido hoc utilius; etiam si memorata accidentia in aliqua tantum peculiari externa sede deprehenduntur: in hisce etenim morbis acidum dilutum principio inflammabili opponitur, & caloris dissipationem prohibet. Sæpe etiam universalis inflammationis symptomata ab essentiali organi alicuius inflammatione ortum ducunt, uti accidit in Pleuritide, Hepatitide, aliisque hujusmodi.

fene-

Inflammationis causa sentia genuini morbi inflammatorii duplici constat præcipuo effectu, caloris nempe sensibiliis superabundanti evolutione ac dissipatione, atque tenacissimarum substantiarum generatione celerique incremento. Causa etenim quæcumque stimulandi, irritandique activitate praedita, si universo corpori applicatur, & per vasa fertur, vel si peculiari aliquo adhaeret organo, statim corrugationis, rigiditatis ac proinde doloris signa affert. Naturæ tunc vires aduersus causam morbosam insurgunt, & calore, nempe vitalitatis instrumento armatae, ægritudinis incommoda superare nituntur. Sæpe tanta est cause irritantis validitas, ac rursus sæpe tanta cum celeritate fluida inspissantur, ut caloris primo sensibilis, deinde etiam latentis magna eveniente jaætura, simplices inflammations, in genuinoç phlogisticoç morbos transeant; unde Pleuritis inflammatoria in veram Peripneumoniam mutatur. Causæ quoque generales inflammationuç ut plurimum acerrimis, urentibus & salinis particulis, sive potius alcali phlogisticato componuntur. E. g. insensibiliç perspirationis & sudoris materia, insigniter acris, dum a frigore externo intropellitur, dolores rheumaticos, nempe acutissimam articulorum inflammationem gignit. Bilis acrior facta & ad summum phlogistica, inflammationem erysipelaceam affert. Frigida tempestate pulmones facilius quam reliquæ partes inflammantur, non solum quia prohibita perspirationis moleculæ facile ad pulmones feruntur; verum etiam quia magna phlogisticati-

are.

aëris quantitas in pulmonibus accumulatur, morbique inflammatorii generationem accelerat. Si igitur in inflammationibus generalis calor animadvertisit, si acre phlogisticum abundantem generatur, nil mirum si acido vitriolico, & nitroso etiam, aut vegetabili inflammatoriis affectibus occurritur. Non Pleuritides modo & Peripneumonizæ nothæ acido vitriolico feliciter tractantur, verum & Hydro-thorax & vomicae pulmonales & sanguinis sputus periculosissimi, hoc praesidio magna ex parte mitigantur, & sanguinum numero etiam eradicative curantur. Ulcera profundissima in cruribus hominis hydrope pulmonali affecti, cum immani artuum cedemate, penitus sanata fuere urinæ profluvio copiosissimo, ab acido vitriolico procurato. Sanguinis sputum brevi in foetidissimi puris spumam transeuntem sanavit affida ejusdem praesidii administratio. Hisce in casibus, quemadmodum etiam in haemorrhagiis omnibus, acida mineralia valde attenuata magnum afforunt emolumentum, quia dum phlogisticationem humorum emendant, lentis congestionibus, syderationibus & gangrenis opponuntur. Haemoptoycos vero, reliquosque ægrotos præternaturali sanguinis fluxu laborantes, phlogisticam sanguinis, nempe densam satisque tenacem diathesim possidere probat crusta illa inflammatoria, qua horum ægrotantium sanguis obducitur. Immo ubicumque sanguis a vasis pulmonalibus laceratis egreditur phlogisticam indolem habere procul dubio debet. Et enim dum per longum tempus vel in vase yaricata,

vel in tuberculari congeſtione retinetur, phlogiſticam qualitatem acquirit, quia aëris respirabilis ſive dephlogistiſati commercio privatur. In morbis pectoris ab ulcere pulmonum pendebitibus, ob reſpirationis brevitatem, ob impeditam pulmoriſis naturalem expansionem phlogiſton accumulatur, & contra respirabilis & dephlogistiſicati aëris absorptio imminuitur. En quare in ſanguinis ſputo, in catarro diurno, in vomica pulmonali & iſpa phthiſi magnam aſſert utilitatem acidum vitriolicum dilutum, quia principii phlogiſtici vim frangit, & morboſe tenacitati opponitur. In uterino vero ſanguinis fluxu immoderato, in quo morbus ab acri pungenti que muliebri ſanguine ſuſtinetur, nil prætantius acido nitroſo. Acidum enim nitri cum acri alcalino, ſive alcali phlogiſtico facillime combi- natur, unde morbus ſtatim compescitur, uti mox oſtendemus.

Ratio admi-  
nistrandi aci-  
dum vitr.

Methodus propinandi acidum vitrioli parum in diuersis morbis ita proſecto ſe habet. In acutis inflammatoriis guttae decem aut quindecim omni bihorio, cum largioribus aqua dosibus propinantur, uſque ad ſitis extinctionem, & febris imminutionem. In Pleuride, in morbis hepatis inflammatoriis aliisque, eadem ratione hoc remedio utimur. Verum ſi tuffis poſt ſanguinis ſputum perſiſtens, & cum expectoratione coniuncta, traſtanda eſt, ſpiritus vitrioli uncia di- micia, aut integra propinanda eſt, ne ſcilicet puri moleculæ, que jugiter ſanguini communi- cantur generali corruptionem afferant. Hęc ve-

vero acidi quantitas quotidie administrata nullum certe damnum inducit, uti vulgus existimat; immo contra phthisim pulmonalem incipientem unico hoc praesidio curatam vidimus. Sunt qui in morbis pectoris utuntur non modo simplici spiritu virrioli tenui, aut spiritu sulphuris per campanam, sed adhibent etiam composita ex acido vitriolico, uti sunt vitriolum viride, liquor analynus mineralis dictus, & aether. Qui vomitus utilitatem in Phthisi pulmonali experti sunt, drachmam unam vitrioli viridis sive martis, frequenter exhibent, & hac ratione yomitum excitant. Sed nulla adeo vehementi operatione hoc in casu opus est, ideoque potius Tartarum emeticum ad grani dimidium exhiberi potest; nam mitissime hoc emetico stomachus evacuat, & pulmones repurgantur. Hanc methodum felicissimam semper in praxi expertus sum. Sunt & alii qui magis refractam actionem vitrioli martis phthisicis commendant, & ideo sequenti formula, magna cum utilitate utuntur:

R. Vitrioli Martis &  
Terebinth. Venet. singulorum drachmam  
unam;

Terantur simul in mortar. marmor. & dein diff. in aqu. lib. quinque. Post dissolut. aqua per charam traiicienda & usui servanda est.

Aqua haec vitriolata pro potu communi ab agroto adhibenda. Ab acidi antiseptica facultate, atque a tonica ferri activitate non mediocris certe utilitas expectanda. Nam martialia praesidia in mor-

bis pectoris confirmatis, fere semper cum aliquo emolumento adhibentur. De usu acidi vitriolici in pustularum venearum & bubonum curatione, aliquid superius innuimus. Certissimum etenim est hoc praesidio corrupto pure refertas pustulas sanari, ac proinde ad drachmam unam aut alteram propinari debet, una cum decocto Corticis Peruviani admodum attenuato. Dosis haec quotidie usurpata eradicativæ curationis fundamentum constituit. Eadem ratione incedendum ubi Bubones venerei inopportuna damnosaque chirurgica operatione admodum irritati, acutissimæ febri originem sive occasionem suppeditant. Tunc uberrimæ acidi vitriolici doses, utpote trium vel quatuor drachmarum quotidie cum cortice antiseptico administrandæ sunt; constanterque etiam ad balneum tepidiusculum deveniendum est. Preparata salina, quo acidum vitrioli præbasi habent in tractatu de sалиum neutrorum & terreorum proprietatibus illustranda sunt.

---

### DE ACIDO NITROSO .

**A**CIDUM Nitrosum non esse Regni fossilis Acidum nisi substantiam nonnulli contendunt, atque a trosum corruptione & decompositione corporum organicorum ortum ducere existimant. Sed ipsa hæc corpora in fossilium etiam compositione reperiuntur, unde potius de promiscua origine dubitandum. Certissimum tamen est substantiam nitri purioris, sive salis neutri cuius basim constituit acidum nitrosum in terræ tantum superficie reperiri, quandoquidem pro nitri generatione aër atmosphæricus admodum necessarius evadit. Acidum nitrosum appellatur quoque *spiritus nitri*, *aqua fortis*, & *spiritus nitri Glauberi*. Obtinetur ex salibus sativis nitrosis, vel a terris animali & vegetabili materia saturatis. Huic œconomia innixi, qui nitri præparationem suscipiunt semper corpora nitrosis elementis referta aëri expolnunt, pluviam tantum vitantes. Proprietates acidi nitrosi generales diversæ a reliquis sunt. Acidum enim nitri primum omnium volatile est, atque rubri coloris; color vero pendet a phlogisto, nam quo magis hoc principio saturatur, magis rufum colorem assunit. Maximam post acidum vitriolicum volatilitatem habet. Cum oleis & spiritibus vinosis violenter effervescit, quia principium inflammabile summa cum aviditate attrahit. Ob eandem rationem

corpora plurima metallica dissolvit, atque stanum & antimonium peculiariter corrodit. Ubi cum metallis conjugitur & inflammabili principio saturatur; in vapores vitae admodum inimicos dividitur, & aerem componit respirationi valdenoxium. Hoc fluido aeriformi, cui nomen aeris nitrofi tribuerunt chemici; aeris respirabilis sive dephlogisticati quantitas facile determinatur; quo enim major aeris imminutio accidit cum aere nitroso & major erit semper aeris respirabilis copia. Acidum deinde nitrosum minus generat caloris cum aqua; sed plus frigoris si cum glacie miscetur. Phlogisti avidissimum est, hinc inflammationem majorem reddere existimat. Sed in vapore nitri purioris; qui combustionis & detonationis opera obtinetur, vis peculiarii impurum & respirationi ineptum aerem corrigendi reperitur. Saluberrimum inde chemicum processum instituit D. Achard, quo mediante noxii Nosocomiorum vapores; nitri conflagratione & fusione corrigitur. Magnam etenim purissimi ac penitus dephlogisticati aeris copiam continet nitrum; atque haec ignis; sive potius caloris opera educitur. Hoc autem accidit, quia in conflagratione acidum nitri omne phlogistum ad se attrahit, unde aer dephlogisticatus, quod idem est ac aer ignis, sive materia caloris, abundantevolvitur, & vitalem aerem constituit. Hanc doctrinam evidenter probant experimenta Pyleiana, in quibus calces plumbi acido nitroso madefactae & campana vitrea inclusae, dum lente ustoria comburuntur plumbi regenera.

### Usus Acidi Nitrosi.

rationem efficiunt; & magnam purissimam respirabilis aeris copiam suppeditant. In hoc certe experimento acidum nitrosum cum phlogisto solari conjunctum calcem, nempe terram metallicam plumbi in genuinum plumbum vertit; materia vero caloris, nempe aer vitalis, omni phlogistica coquinatione spoliatus suam respirabilitatem manifestam reddit. Si igitur acidum nitrosum principium inflammabile concretum: adeo violenter attrahit; poterit certe in multis morbis mere phlogisticis magnam utilitatem afferre. Verum non idem est in inflammatione, aut in phlogistico morbo acidum nitri adhibere; in inflammatione enim prodest, quia caloris imminutionem gignit, sed uberrimae doses acidi semper vitandae sunt, ne scilicet hoc praesidio phlogisti quantitas augeatur. Rursum si de calore morbo: so ad sumnum aucto, & acidi nitrosi activitate dissipando agitur, distinguendae etiam sunt variae morbos caloris species. Et sane simplicissimi caloris vitiosa evolutio, quaeconomias animali valde incommoda est, ab acido nitroso copiosius assumto imminuitur. Sed contra urentissimus calor putridorum morborum, & qui a principio inflammabili, acerrimo & fere caustico penderet, raro compescitur ab acido nitri purissimo & urentissimo. Specificam deinde facultatem exercet acidum nitrosum in sanguinis fluxu & praesertim in haemorrhagia uterina, quae aut post partum laboriosum, & lochiorum suppressione accidit, aut deficiente menstrua evacuatione in mulieribus proiectioris aetatis observatur. Incommoda

hæc & sœpè etiam periculosa ægritudō sœpiissime  
 vincitur spiritu nitri tenui ad guttas decem con-  
 servæ Rosarum incompletarum immixto, & omni  
 trihorio propinato. Sunt qui loco simplicis spi-  
 ritus nitri, utuntur elixire nitri acido, cujus  
 compositio in formulis medicamentorum extat.  
 Acido deinde nitroso facultas diuretica præstan-  
 tissima tribuitur, & ideo in leucophlegma-  
 tia, calculo, œdemate aliisque a colluvie ferofa  
 pendentibus morbis commendatur, & spatio 24  
 horarum ad drachmas duas, cum decocto aliquo  
 diureticō administratur. Verum in hisce casibus  
 mera nitri aciditas, sive principium acidum  
 tanti momenti efficaciam non habet; siquidem  
 diuresis potius augetur salibus alcalinis, quam  
 omnino acidis. Immo acidum nitrosum inter  
 præstantiora diuretica collocatur, quia nitrum  
 depuratum urinas abundanter educit. Sed in ni-  
 tro sive sale neutro alcalinæ copiosissimæ particu-  
 læ, quæ attenuantes, stimulantesque sunt, & cer-  
 tum resolutionis sive corruptionis gradum in flui-  
 dis inducunt, principes diureticas vires possident.  
 Hoc ulterius probatur exemplo nitri fixi, &  
 tremoris tartari. Etenim nitrum fixum, nempe  
 substantia salina ab alcalica nitri basi composita,  
 magni momenti, diureticum acido nitri procul  
 dubio anteferendum præbet. Diuretica tremoris  
 tartari facultas alcalinis elementis omnino debe-  
 tur; hinc acidi nitrosi vires diureticæ nullam  
 primariam hujus acidi proprietatem constituant.

## DE ACIDO MURIATICO.

**T**ertia acidi mineralis species, nempe Acidum muriatum muriaticum, diversa obtinuit nomina; dicitur enim *spiritus salis marini*, *spiritus salis gemmæ*, *spiritus acidus salis ammoniaci*, & *spiritus salis Glauberi*. Juxta descriptionem cl. Bergman; in cortice Telluris uberrime hospitatur. Aerarium est, admodum volatile, atque peculiari nauseoso odore gaudet. Præter aciditatem insigniter stypticam, summam quoque tenacitatem habet; hanc vero mutuatur a principio inflammabili, cum quo intime coniunctum est. Superflua spoliatum aqua, aëream induit formam; nam phlogiston instar principii compaginem intrat. Liberum nunquam fortasse occurrit, nisi in aquis meteoricis; Obtinetur vero ex animalibus, vegetabilibus, fossilibus: a fuligine, sale gemmæ vel sale communi. Concentrationis sive signa sunt, color flavus, & particulæ oleosæ supernatantes. Ad proprietates vero generales hujus acidi, quod attinet: I. unc. 22. alcali vegetabilis unc. 1. saturat: II. oleis difficillime jungitur, cum spiritibus vinosis facilime. In corpora metallica promite agit. Cum aqua & glacie eisdem, ac alia acida, gradutamen minori, producit effectus.

Recentiores practici, qui de viribus medicis usus acidi mineralibus acidi muriatici loquuntur, illius qualitates refrigeratorias, temperantes, diureticas, leviter

viter laxativas, & antisepticas commendant. Hinc in febribus malignis, ac biliosis, in renum ac vesicæ morbis; cum urinæ difficultate coniunctis, exhibent guttas aliquot; ab octo usque ad 20 in juscule aliquo; vel jalapio dulci. Verum tanta est hujus acidi difficillime mitiganda phlogisticatio; ut saepe caustici, sive corrosivi medicamenti vices gerat. Febricitantes enim, qui acido muriatico simplici utuntur molestam fitim, nimirumque calorem experiuntur. Ab hoc vehementi titulo pendent emolumenta, quæ obtinetur ab acido muriatico cum melle Rosaceo, aut decocto hordei, gargarismatis forma usurpato in maligna sive ulcerosa angina, atque in folidis faucium & oris ulceribus. Cum aqua mixtum vesiculos oris sanat, & cum spiritu vini concentratissimo confert ad ulcera cancrosa. Hic vero insanabilis morbus non sine magno celerioris mortis periculo, hoc medicamento externe tractatur. Spiritus salis communis dulcis, sive acidum muriaticum dulcificatum aut vinorum; ex spiritu salis & spiritu vini rectificatissimo, destillationis opera paratum, acido muriatico simplici semper anteferri debeat, atque in morbis putridis summo cum emolumento usurpatur. Utilitatem quoque summam affert in alvi fluxu, dysenteria, nephritide, omnibusque ventriculi atque intestinorum affectibus, qui a debilitate & laxitate partium, aut a facili humorum corruptione oriuntur. Dosis variat juxta morbi indolem, agrotantium constitutionem, ac reliqua accidentia; potest vero adhiberi

beri ab uno usque ad duos scrupulos , sive ad drachmam unam spatio 24. horarum . De aere Aer muria- muriatico , sive de acido muriatico volatili lo- ticus : quuntur nuperissimi formularum medicinalium scri- ptores . Fluidum hoc aeriforme ait D. Reuss ex- pellitur a sale culinari ; ope acidi vitriolici con- centrati cum odore croceo : Vis antiseptica ae- rem corrigens putridis effluviis impletum ; phlo- gisti autem accessu corruptum nequaquam emen- dat . Usus in statu putrido humorum corporis humani . Nos vero qui acido aereo & vitriolico specificam vim antisepticam inesse ; observatio- nibus innixi contendere possumus ; de aere mu- riatico antiseptico minime solliciti sumus .

### DE RELIQUIS ACIDIS MINERALIBUS.

**D**E reliquis peculiaribus Regni mineralis acidis Novæ aci- vel imperfete cognitis , vel noviter tantum dorum spe- detectis breviter modo differendum est : Acidum primo fluoris mineralisatum ; sive fluoratum valde volatile est . Vapores emitit calidos ; qui vi- trum corrodunt , & humido occurrentes terram silicem generant , vel saltem deponunt . Super- flua separatum aqua hoc acidum aereum adipi- scitur formam . Sponte liberum adhuc invenit nemo , sed calci nuptum adest in fluore mine- rali & ni fallor ; omne quoquo siliceum intrat . Hæc e chemicorum libris de prompta naturam , hujus acidi declarant . A medicis vero non adhuc usus-

usurpatur, noxiasque potius qualitates possidere videtur.

Acidum arsenicale.

Majoris momenti est intelligentia acidi Arsenicalis; oportet enim ut medicus non medicamentosas modo & salutares, sed noxias quoque & venenatas substantias perspectas habeat. Acidum itaque Arseniti siccum arte paratur, igne fusibile & fixum, donec materiae caloris tantum abstulerit phlogisti, ut formam acquirat arsenici albi. In aere humido deliquescit. Liberum sponte non occurrit, sed ligatum invenitur calce cobalti, & praesertim phlogisto in arsenico metallo fragili ejusdemque calce. Deleteria & indubitate mortem afferens arsenici acticitas ab acido pendet; nam adeo strictum cum phlogisto connubium habet, atque adeo abundantiter hoc principio saturatur, ut nihil cum ipsius corrosiva acticitate, comparari possit. Fuerunt tamen & Practici, qui tenues arsenici doses in diuturnis intermittentibus & obstinatis viscerum naturalium obstructionibus commendarunt. Nec desunt nonnulli inter nostrates, qui in pertinaci quartana arsenici granum semis quotidie propinare audent, atque de salutari tanti veneni effectu summa impudentia gloriantur. Accidentia vero gravissima sunt vel febres lentae, lethales, vel sanguinis sputus irreparabiles, vel horrida ventriculi ulcera. Ab acido itaque arsenicali, tamquam a lethali veneno abstinendum.

De acido Molybdendico, de acido calcis, ponderosae, atque acido phosphorico nihil adiiciam, nullum enim præcipuum in medicina usum habent;

bent. Acidum tamen phosphoricum a limatura cornu cervi eductum vel potius terram absorbentem in compositione pulveris antifebrilis *D. James* reperiri multi existimant. Contra vero de acido Boracis nonnulla accuratius sunt adnotanda. Hæc acidi fossilis species, juxta chemicorum definitionem vulgo salis sedativi nomine distinguitur: In lacu prope Senas in magno Hetruriæ Ducatu liberum invenit *D. Hoefer* an. 1778., & in Borace nativo ligatum alcali minerali, longe aethea cognitum fuit. Instar acidi agit, sed admodum debilis. Igne funditur, & aqua volatilisari potest. Obtinetur facile ope acidi vitriolici, quo alcali fossile separatur ab acido boracis. Substantia hæc salina passim dignoscitur in officinis nomine salis sedativi *D. Hombergii*, atque in omnibus convulsivis morbis, passione præsertim hysterica, & hypochondriaca administratur. In febribus etiam, convulsionibus existentibus, commendatur. Dosis est a gravis quinque usque ad quindecim aut vingt. Quamvis vero multa de sale sedativo a practicis soleant prædicari, nullam tamen essentiam ab hoc medicamento utilitatem expertus sum. Et sane qua ratione acidum concretum & valde debile magnam in nervos actionem exercere valeat ignoro!

Acidum aëreum, aëris fixi nomine antea insignitum, aquis mineralibus acidulis, & maritimalibus magna satis proportione continetur; pluribus fossilibus, præsertim alcalibus & terris inhaeret. In atmosphæra liberum adest, atque ab animali-

animalibus & vegetabilibus jugiter emititur. Acidum deinde aëreum est causa immediata effervescentiaz inter acida reliqua cum alcalicis combinata; nam ob levissimam quam cum alcalinis affinitatem habet, ab acidis omnibus suam basim relinquere cogitur. Ubi cum calcareis, & alcalinis jungitur, substantias quas occupat dulces reddit; & contra si illas deserit causticatem gignit. A præsentia igitur & absentia hujus acidii alcali mite, vel causticum redditur; immo corporum cohæsio secedente acido aëreo amittitur. Ob hanc rationem marmora calcarea, durissima dulcis saporis terra composita, dum ignis actione acido aëreo privantur, in friabilem & causticam calcem vertuntur. Substantiarum animalium & vegetabilium corruptio, a dissipazione acidii aëri primario oritur. Ideo quia restituto hoc principio putrescentia emendatur, acidum aëreum inter antiseptica præsidia collocari meretur; atque ideo nos peculiari diligentia aëris fixi qualitates, quarum intelligentia medico valde necessaria est, hoc in loco adnotavimus. Reliqua ad chemiam tantummodo spectantia libenter prætermittimus. Acidii aëri existentiam indicarunt veteres obscure, Helmontius perspicue, nomine *Gas sylvestris*. Accuratus descripsit Leonardus a Capua, dum de aëre mephitico sermonem instituit. Integrali vero doctrinam primus chemice demonstravit Black in Dissertatione de magnesia, ulterius illustravit Priestleyus, atque ad umbilicum perduxit Bergman in peculiari dissertatione, atque nomen acidii aërei primus imposuit. Reliqui, qui

qui de eodem argumento scripsierunt imitatorum tantummodo, non inventorum nomine sunt designandi. Pharmaciam hoc augerunt praesidio, imperfete Pringle, felicissimo vero cum successu cl. Percival & reliqui scholæ Anglicæ sectatores. Ipse primus inter nostrates aere fixo eradicativas multorum morborum curationes institui, & in fundamentoq; Botanicorum secunda parte adnotavi. Methodus exhibitionis simplicissimus est, quandoquidem sales omnes alkalini mites, & qui ob magnam quam continent acidi aerei copiam aerati dicuntur, cum acido quocumque conjuncti, & tempore siue ipso effervescentia momento propinati, magnam acidi aerei copiam corpori superpeditant. Iterato igitur agrotantibus exhibentur grana decem salis tartari, vel absinthii, dum substantiae hujusmodi salinæ cum succo limonum, aut acido quocumque fossili conjunctæ insignem effervescientiam generant.

Diverse modo indicande sunt formulae acidum aereum exhibendi in morbis superius adnotatis. A cl. enim Priestleyo prescribitur sequens mixtura:

R. Sal. Tartar. scrup. j.

Aqu. font. unc. sem.

Sacchari alb. scrup. j.

M. cum succ. limon. unc. sem. incipiente ebullitione propinetur, & omni hora repetatur.

Secundo loco adiicienda est aqua aeris fixa ex Dispensatorio universali D. Reuss excerpta: nempe:

R. Aqu. fluvialis quantum libet, quæ probe est saturanda aëre fixo, e solutione Crtæ in acido vitrioli prodeunte, aut alia simili, vel cum aëre fixo e fermentantibus liquoribus prodeunte. Vis ecidum involvens. Usus in faburra acida humorum in primis viarum primarum, asthmate, dispnoea.

Huic præparationi adnequititur aqua aëris fixi martialis dicta, quæ non mediocrem utilitatem afferre potest in morbis a debilitate ortum ducentibus. Aquis martialibus nativis præparatio ferri in acido aëreo soluti procul dubio anteferenda est, quandoquidem aquæ naturales ferro saturatae non mediocrem quoque alicujus salinæ substantiæ quantitatem continent. Nequeunt ideo corroborantem simpliciter qualitatem a chartica sejunctam exercere. Ob hanc igitur rationem sequentem formulam adjungendam censui; eo magis quia non raro hoc medicamento indigent ægrotantes a foetibus martialibus longe dissipiti,

#### In aqua aeris fixi

Fila ferrea suspenduntur, donec

Aqua a soluto ferro saturetur;

Hæc dupla, aut ubi exigitur, tripla portione simplicis aquæ aëris fixi diluitur.

Vis fortior, magis roborans, tonica. Usus in debilitate partium, & præsertim viscerum abdominalium. Glysteres etiam ex aquis acido aëreo saturatis parati magnopere commendantur in putridis ac revera dissolutoriis morbis; verum incerto huic, ac saepè inefficaci præsidio usus internus ejusdem substantiæ anteferendus.

Pauca

Pauca demum de acido succini, juxta chemi-  
corum nuperrimas observationes apponam. Aci-  
dum itaque succini, uti loquitur Cl. Bergman  
vocari potest sal concretus ab electro elicitus, nam  
instar acidi debilis se gerit. Num regno vegetabili  
ortum debeat succinum, adhuc disceptatur, interea  
fossilis adnumerant haud pauci. Rursus ubi de  
Petroleo loquitur haec de succino scribit: *Petroleum*  
*acido succini adunatum, idem est ac succinum. Multis*  
*e regno vegetabilium ortum contendunt; interea quum*  
*inter fossilia reperiatur, & origo nondum satis sit illua-*  
*strata, buc refero. Petroleum vero sequentibus prin-*  
*cipiis constare certum est. Phlogiston in nexus oleosus*  
*etiam inter fossilia occurrit, sed e Regno vege-*  
*tabili illud haud pauci derivant: haec est Petro-*  
*lei definitio. His positis facillimum erit intelli-*  
*geri naturam olei & tinturæ spirituosaæ suc-*  
*cini; haec enim preparata passim administra-*  
*tur externe aut interne in morbis omnibus con-*  
*vulsivis, & praesertim in mulierum passione hy-*  
*sterica, & motibus convulsivis puerorum: confri-*  
*cantur etiam tinctura succini loca contusa, aut*  
*lymphaticis congestionibus affecta. Quoad notis-*  
*simam qualitatem antispasmodicam tinctura*  
*succini, hanc ab oleosis phlogisticis elementis*  
*pendere procul dubio existimandum, principium*  
*enim phlogisticum præternaturalem, nimiam &*  
*ideo morbosam succi nervei activitatem valde*  
*imminuit. Hinc hystericae mulieres tempore pa-*  
*roxyfmi, simplici odore memoratae tinturæ, aut*  
*a moderatis dosibus intus assumatis mirifice sub-*  
*levantur; excepto tantum casu illo, in quo con-*

vulsones hystericae cum vehementi capitis dolore, validoque capitali pulsu copulantur . Tunc enim tintura succini noxia potius deprehenditur. Dosis pro usu interno est a guttis decem , usque ad triginta . Sunt qui eodem remedio utuntur in menstruationis defectu , dum de mulieribus agitur admodum valido corporis habitu praeditis; tunc enim juvat debilitando nervorum actionem, admodum necessariam vasorum uteri relaxationem procurare . Oleum succini ad guttas tantum tres vel quatuor ad uitis mulieribus propinatur , atque infantes motibus convulsivis correpti supra articulationes , & circa nares eodem oleo inunguntur . Præparata igitur ex succino vim antispasmodicam non ab acido succini , sed a principio oleoso mutuantur , nunquam ideo in morbis phlogisticis adhibenda . Longam usque adhuc acidorum historiam chemico-medicam persequiti sumus , non solum quia acida simplicissima per se insignes possident vires , sed etiam quia aliarum compositarum substantiarum basim constituant .

---

### DE SALIBUS ALCALINIS.

**D**efinitio alcalinorum ex Scatalogia Regni Sales alcali-mineralis deprompta; ita se habet: *Alcalini.*  
*lia sapore lizivioso proprio, acidorum vehementi attractione & cæruleos vegetabilium succos virescendi facultate dignoscuntur.* De illis solitariis alioquin illud fere valet, quod de acidis antea notavi, eorum nempe tantam esse attractionis virtutem, ut diu vivida esse nequeant. Ambiens atmosphæra acidum saltim aereum exhibet, si aliud potentius desideratur.  
*Hinc semper nupta occurunt, nisi arte preparata.* Connubium acidi aërei cum alcali præbet alcali mite, sive aëratum; atque ab hac combinatione, uti supra dictum est, effervescentia facultas, ubi cum aliis acidis conjungitur, essentialiter pendet.  
*Si alcali acido aëreo spoliatum atmosphæræ, nempe aëri libero exponitur, summa rapiditate acidum attrahit & causticitate amissa mite redditur.* Sales igitur alcalini in statu solido sunt mites, a combinatione cum aère mephitico, sive acido aëreo. Mites effervescentiam cum acidis carent, caustici nullam. Cum oleis saponem, cum sulphure hepar sulphuris formant. Cum acidis calorem generant, itemque cum aqua, si sicca & caustica sint, & crystallati frigus. Alcalia usque adhuc cognita tria sunt. Alcali vegetabile, fossile & volatile. Alcalini vegetabilis synonyma sunt, *cineres clavellati, cineres rufi.*

*saci, sal tartari, sal absintii, nitrum fixum, fluxum fixum, lapis infernalis.* Obtinetur a calcinatione vegetabilium integrorum. Alcali fixum vegetabile omni orbatum acido, telluris crusta non promit, interdum vero ligatum foveat vel vitriolico, vel muriatico; saepissime nitroso, rarissime aereo. Neque alcali fixum minerale viduum prostat, sed semper maritatum acido, rarius vitriolico vel nitroso, plerumque muriatico vel aereo. Alcali vegetable in statu causticitatis aquam ab aere avidissime attrahit & deliquescit. Causticum & mite, eadem producunt neutra. Causticum cum spiritibus vinosis se se conjungit, in quibus tamen si sit aqua, eam attrahit & fundum petit. Phlogistico coniunctum, corporum metallicorum fusionem promovet, & plurima eorum dissolvit. Cum terris in universum vitrescit. Causticum corpora animalia & vegetabilia dissolvit.

Altera alcali species alcali fossile dicitur, ac verum nitrum vel natrum antiquorum esse existimatur, est productio naturalis, quae in Asia & Africa ut plurimum invenitur. Obtinetur a sale marino, sale Glauberi, Borace; ex aquis mineralibus & plantis marinis; etiam a quadam efflorescentia, quae super muros cryptarum subterranearum saepe apparet: Ab alcali, vegetabili parum discrepat, praeter quod, aquam ab aere minime attrahit, & acidis commixtum, alia producit neutra. Tertio denique loco alcali volatile argillis saepe inhæret, sine dubio aeratum; nam causticum, artis auxilium postulat. Præterea &

mu-

muriatico unitum reperitur. Obtinetur per distillationem ex omnibus corporibus animalibus & vegetabilibus; ex his tamen parce, nisi post putrefactionem, a sale etiam ammoniaco. Aquam avidissime attrahit; hinc plerumque in forma crystallina est, ergo mite, namque ubi causticum sit, semper fluit. Cum sulphure distillatum dat Tincturam sulphuris Hoffmanni. Mite cum spiritibus vinosis, dat offam Helmontii; cum oleis essentialibus & spiritibus vinosis saltem volatilem oleosum: causticum, cum sulphure, tincturam volatilem: causticum cum oleis essentialibus, & oleo succini in spiritu vini solutis, dat *eas de luce*. Causticum calclum humanum dissolvit. Alcalinorum indoles praetipua usus. versatur in diuretica, attenuante, ac resolutoria activitate, quae dum intra certos continetur limites multorum morborum curationem efficit. Sed alcali suam actionem ab acutis, urentibus igneisque particulis defumit, hinc inter substantias stimulantes & quidem vehementiores colligari meretur. Majorem semper, at fere sempernoxium effectum gignit alcali causticum, quia igneis activissimis elementis magna ex parte componitur. Mea quidem sententia alcali substantia est phlogistica, quae si acido aereo saturata reperitur mitissimam exercebit actionem; sed acido suo viduata & igneis elementis per superabundantiam combinata causticandi vim adipsicetur. Hanc doctrinam multis observationibus superstructam, in materia medica Regni vegetabilis illustrare conati sumus. Alcalina omnia

etiam mitissima saporem habent acutum, immo urentem, ideoque stimulantia & irritantia esse debent. Nil itaque mirum si multæ secretiones a morbo aliquæ causa interruptæ, alcalinorum usq; statim abundantter eveniunt. Et sane natura ipsa indolem stimulantem, certo gradu corruptoriam, ac proinde resolventem manifeste ostendit, Nam ut variæ excrementiaz substantiaz, vel naturaliter evacuandæ, vel post morborum subactionem pro sanitatis incolumentate eliminandæ sunt omnes aut in alcalinum mutatae, aut cum acuto tenuique alcalino principio conjunctæ emittuntur. Hoc probatur odore alcalino fæcum alvinarum, sensibiliis atque insensibiliis transpirationis, urinæ, sanguinis menstrui, aliorumque excretorum. Uteri ac penis glandulæ acerrimum effundunt alcali, ut exquisito sensu percellantur partes venereis usibus dicatae. Saliva quæ digestioni, nempe comminutioni & dissolutioni ciborum inseruit, & quæ corruptionis speciem in alimentis inducit, alcalinis abundat particulis; neque succus gastricus, eodem principio destituitur; nam præter salis marini non spernendam, quam continet copiam, acidum verum nunquam fere in ventriculo reperitur. Immo aciditates yulgo dictæ nullum accidi, sed contra alcalini saporem præseferunt. Hoc etiam confirmatur specifica fere acidorum activitate adversus imaginarias aciditates primæ yiarum. Alcalinum itaque in corpore abundant, pro actione & motu, ac pro secretionibus admodum necessarium; atque eodem principio cor-

pns

pus indiget ne acidum valde tenax & imme-  
abile cum magno œconomia animalis incremen-  
to augeatur. Multi deinde sunt morbi, qui al-  
calinis, semper tamen mitioribus, nempe æratis  
tractari debent, quia a nimia humorum tenaci-  
te, atque ab adaucta cohærentia ortum ducunt.  
Hujus classis sunt lentæ & diuturnæ organorum  
abdominalium, Hepatis scilicet, Lienis, Mesenter-  
rii, Uterique obſtructions; prælertim illæ, quæ  
febribus intermittentibus superveniunt. Colluvies  
ferosa non solum illa, quæ adnotatis obſtructio-  
nibus adjungi consuevit, verum & illa, quæ a  
tenacibus, lentis, viscidisque humoribus gignit  
ur, alcalinis copiosissimas urinas stimulo exci-  
tato educentibus, facile superatur. Sanguinis  
menstrui defectus alcalinis vincitur, atque non  
modo regulares menstruationes hac methodo ob-  
tinentur, verum etiam si lochiorum repurga-  
tio in puerperis ab accidentalí aliqua causa in-  
tercipitur, alcalinis restituitur. Quo pačo in-  
signis ab alcalinorum utru obtineatur utilitas  
ignorant qui attenuantem stimulantemque il-  
lorum qualitatem minime intelligunt. Simpli-  
cissima methodus exhibendi alcaninum præsidium  
ſe te offert in administratione Cremoris tartari,  
quo cum insigni emolumento utimur in collu-  
vie ferosa, & prælertim in Anasarca & Ascite.  
Primi omnium Itali, Academiæ Bononiensis  
ſocii uberiores tremoris tartari doſes hydropi-  
cis propinarunt, atque eradicativam inde cura-  
tionem obtinuerunt. Pafsim modo utimur tri-  
bus vel quatuor hujus medicamenti drachnis.

quotidie una cum decocto chamæmeli, aut infuso vel aqua distillata florum verbasci, Uriæ hac ratione copiosissimæ & sedimentosæ evanescuntur, atque alvus etiam mediocriter subducitur. Utilitas tremoris tartari in colluvie secura non modo pendet a stimulo illo alcalinis substantiis inhærente, quo renes sollicitantur & vesica stimulatur, sed etiam in hoc casu ab acido tartari non mediocriter corrigitur calefaciens, urens & caustica alcalini facultas. Contrarium enim accidit ubi alcalina simpliciora, quæ non modo acido peculiari privantur, sed ob parsimiam acidi etiam ærei quantitatem, ad causticorum naturam proprius accedunt. Non mirum ideo si plantæ diureticæ, ut plurimum, internum generant ardorem, linguam inflammant, & urinas valde rufas educunt. Hoc fere semper accedit, dum imprudenter medici largiores pulveris radicis scilicet doses exibent. Ejusdem naturæ damna deprehenduntur in administratione extraeti circuæ, a quo juxta recentissimas observationes non convulsiones modo, sed lethales syderationes ortæ sunt. Alcali etenim phlogisticato procul dubio hæc planta saturatur. Tumidissimum itaque erit tremorem tartari cum infusa memoratarum plantarum, aut cum decocto salani officinalis, vel S. sodomæi exhibere, mane & vespere. Alterum alcali quo feliciter in praxi utimur est nitrum fixum, sive pars alcalina nitri, quæ continent alcalinum vegetable, fortasse cum tenuissimo post detonationem superstite acido nitroso coniunctum; unde majorem quoque activitatem adi-

adipiscitur. Immo non raro hydropticis nitrum fixum cum nitro depurato propinare soleo, ut alcali semper cum tenui quamvis acidi quantitate copulatum mitissimo stimulo operetur. Duæ nitri fixi drachmæ spatio 24. horarum per intervalla administrantur in lochiōrum defectu; atque eadem dosi uti possimus pro evocanda menstruatione. Sunt qui inter emmenagoga primi ordinis boracem Venetum collöcare solent; & quidem merito, nam borax alcali fossili abundantissimo & sale sedativo, nempe acido Boracis componitur. Non spernenda ideo formula illa communis, quæ simul conjungit boracis scrupulum unum cum semidrachma myrræ lucidæ. Hoc remedio quotidie administrato in chloroticis sanguis menstruus educitur. In eadem formula adiicitur non raro extractum cicutaæ sed admodum parce; nam si ultra dosim granorum quindecim aut viginti propinatur, molestum ventris fluxum inducit. Oculi, ita dicti, cancrorum, terræ absorbentes, magnesia alba, pulveres diversi aerati, & alia ejusdem naturæ alcalina mitiora commendantur in stomachi aciditate, in morbis renum & vesicæ, ac præferatim adversus calculum summis laudibus extoluntur; quia lithontripicam facultatem, juxta medicorum sententiam, possidere creduntur. Celeberrimum Dominæ Stephens remedium pro calculi dissolutione calce ostrearum, aliorumque testaceorum componebatur. Sed decantati adeo specifici activitas a sua inventrice proposita omnidein frustrabatur successu. De sale absinthii alijs.

que

que similibus alcalinis nihil profecto adiiciant, quandoquidem in quotidiana praxi, non ob alcalinam intrinsecam qualitatem, sed ob acidum pecten, cuius insignem continent copiam, variis in casibus usurpantur. Quod vero attinet ad uberiorem salis tartari alcalini usum, ab hoc remedio semper abstinenter esse censerem, nam ob praecipuam causticatem suam, periculosa accidentia, & quae nullo modo superari possunt, afferre consuevit. Et sane agrotantes qui duas aut tres hujuscce salis drachmas ingurgitarunt, gravissimis correpti convulsionibus, brevi obierunt. Alcalina enim caustica tanquam venena sunt a nobis consideranda. Sed frequenter a Medicis in morbis diuturnis magnopere commendatur aqua calcis vive, quae ob suam causticatem oeconomicæ animali infesta esse deberet; videndum ideo cur, quomodo, quando praesidium hoc possit adhiberi,

*Aqua calcis.* utpote unius vel duarum unciarum, aquæ libris puta tribus immittitur, ibique per 24. horas detinetur. Postea per chartam traiicitur & pro usu servatur, in vase bene clauso. Hæc præparatio exhibet genuinam aquam calcis, amaram, stypticam, nauseolam & certo causticatis gradu præditam. Sed medici nostrates primæ infusionis activitatem reformidant, hinc priori rejecta novam affundunt aquam, atque post secundam tertiam quoque infusionem componunt. Tertiam infusionem paucim interne adhibent in morbis pectoris diuturnis, præsertim. ubi febris hectica-

nocturnos affert sudores & maciem extremam gignit. Eodem utuntur remedio in Diabete , gravissimo illo morbo , in quo semper urinæ inconcoctæ profluvium ab hepatis duritie oritur , Tertio loco aqua calcis inter specifica præsidia aduersus nephritidem calculosam , & yesicas ipsius calcylum collocatur. In omnibus vero modo adnotatis affectibus fere semper aqua calcis cum lacte copulatur , quia juxta communem sententiam causticitas calcis a dulcibus glutinosisque lactis particulis corrigitur . Fortasse hoc verum est , sed animadvertisendum quoque quod si aqua calcis cum lacte miscetur , lac per plures dies a corruptione immunis servabitur. Hæc summa est doctrinæ Neapolitanorum circa administrationem & efficaciam aquæ calcis , si non nullos excipias qui tonicam quoque , huic præsidio facultatem tribuunt , ac proinde tres vel quatuor uncias aquæ calcis statim ante prandium haustas commendare solent . Nos vero nonnulla primum , quæ ad præparationem hujus remedii pertinent , deinde quæ usum medicum respiciunt , breviter adnotabimus . Et sane si aqua calcis adhibenda , & inter remedia recensenda est , non secunda tertia aut quarta infusio , ex eadem calce elicita administranda est , quandoquidem hæc substantia post certum tempus æti atmosphærico exposita omnem amittit causticatem ; nam magna acidi aërei copia saturatur ac proinde in mitissimum alcali transit . Prima igitur infusio reliquis semper anteferenda , atque si debilissima aqua calcis requiritur satis erit parvam

vam calcis proportionem, copiosæ aquæ immittere; hac ratione aquæ qualitates immutatæ servantur, ac simul nullum a vehementiori actione medicamenti damnum oritur. Rursum chirurgi maxime huic regulæ inhærente debent, quia si pro celeriori ulcerum curatione hoc præsidio utuntur, necesse est ut aquam calcis causticam & detergendi ideo qualitate præditam, non vero inertissimum alcali adhibeant. Aquam calcis & nos quoque in praxi særissime ægrotantibus commendare assueti, nunquam magni momenti utilitatem observavimus. Hinc remedii vires ad examen serio revocare conati sumus. In Phthisi itaque pulmonali, si copiosus sudor nocturno tempore remittente febre oboritur & insignem virium prostrationem gignit, aqua calcis ad uncias quatuor vel quinque una cum laetè quotidie propinatur. Hac ratione laetis corruptela avertitur, sed magnam irritationem solida experiuntur, lingua ruberrima fit, & pulmones exsiccati in aridam inflammationem incidunt. Urinæ etiam, quæ per se in hoc casu saturæ esse solent, rufæ evadunt. In diabete tanta est partium ariditas, tanta oritur a tenuissimo alcali animali irritatio, ut lingua fere semper inflammatoria siccitatem afficiatur. Rursum hepatis in diabete sicca obstruens ut plurimum deprehenditur, hinc exsiccantia omnia huic morbo omnino contraria sunt; nam siccatorum partium inflammationem efficiunt, humorumque acrimoniam phlogisticam adaugent. Ab usu aquæ calcis in diabete lingua magnopere exsiccatur, &

& moderata ante sitis intolerabilis redditur. Idem profecto accidit si in morbis vesicæ copiose administratur; continuo enim stimulo excitata vesica urinaria, non lotum modo sed naturales etiam suorum parietum mucositates sedimenti speciem præferentes emittit. Hac ratione falluntur medici, qui mucum vesicæ pro calcili comminutis particulis assumunt, & ita aquæ calcis lithontripticam facultatem se confirmare posse existimant. Sæpe etiam aquæ calcis doses copiosissimæ cum multo lacte, & per longum tempus cæculosis propinantr, nullo tamen felici respondente successu; hinc ab hoc præsidio decantatæ illæ utilitates, nunquam sunt expectandæ. Velle potius ut peculiaria instuerentur experimenta cum aqua calcis in polysarchia, nempe obesitate, colluvie serosa, omnibusque morbis a fluidiorum præternaturali redundantia ortis. Hisce enim in casibus, stimulans, exsiccans & calefaciens aquæ calcis activitas, posset certe magnum afferre emolumentum. Chirurgi sæpiissime aqua calcis, modo simplici, modo aliis remediis copulata utuntur in sordidorum ulcerum curatione sive exsiccatione. Et profecto variis in casibus simplex aqua calcis vivæ aliquam assert utilitatem, dummodo nulla in ulceribus molestæ inflammationis signa apparet. Adhibent rursum aquam phagædenicam, ita dictam quia ulcerum phagædenicorum, curationem procurat, corruptique admodum puris generationem profibet. Componitur lotio phagædanica ab aqua calcis & mercurio sublimato

cor.

46.

corrosivo : Verum ubi binæ substantiæ miscentur, utriusque decompositio nascitur, ac proinde nulla ab aqua phægadenica peculiaris utilitas poterit expectari ; uti abunde alio in loco dictum est. Mitto usum frequentissimum aquæ calcis in gonorrhæa, scabie fluore albo , fluxu ventrali aliquaque morbis, in quibus exsiccantia & adstringentia utilia sunt. Sæpe in gonorrhæa virulenta, post certum tempus injectiones ex aqua calcis cum lacte usurpantur ; atque ita relaxationi partium medetur . Superest ut variæ memoratam aquam parandi formulæ adnectantur, ut hæc tractatio absolute videatur, & primo pro compositione aquæ calcis vivæ simplicis

R. Calcis vivæ recentis probe vistæ unc. xij.

Patinæ terreæ vitreatæ vel ligneæ immittatur, affundatur desuper sensim

Aqu. fontanæ puriss. unc. 96. ebullitione, quæ inde oritur, peracta, vas agitetur. Misceantur interdum spathula lignea ; post 12 fere horas, vel simulac calx subfederit, aqua decantetur limpida, filtretur, asservetur in vase bene clauso. Debiliorem magisque proficuam præparationem proposuerunt Angli nomine aquæ benedictæ compositæ Bateanae .

R. Cortic. radic Glycyrrhizæ unc. un.

Cortic. saffufras unc. sem.

Aqua calc. simpl. unc. 72

Macera sine calore per biduum & colatur.

Mitissima deinde omnium sequenti ratione paratur.

R.

**R. Aqu. calc. e. conch. ostreor. rec. paratae unc. duodecim.**

Ceræ flavæ drachmas tres.

Post sufficientem triturationem, digere leni arenæ calore, dein coletur.

Componitur demuta aqua ad cariem di<sup>git</sup>z miscendo aquæ cal. viv. unc. 2. cum aquæ fort. mercurialis drach. 1.. Hęc præparatio commendatur in carie ossium & ulceribus phagedænicis.

De reliquis alcalini causticis pauca ad materiam medicam spectantia dicenda supersunt, quandoquidem tanta penetrandi, irritandique activitate donantur, ut sere semper externis usibus addicta esse soleant. Alcali enim ammoniacale volatile, alcali ammoniacum causticum, sales omnes alcalini volatiles, aqua lucis, adeo decantatum adversus convulsiones hystericas præsidium, & similia particulas nobis offerunt volatiles, quæ per narē suscepτæ proficuum multis in casib⁹ sternutationem movent, adeoque lypothymia affectis, mulieribus hysteria laborantibus, submersis vel fumo carbonum stupefactis temporarium levamen afferunt, languentesque nimium vitæ vires revocare valent. Descriptis usibus, aptissima est præparatio illa, quæ appellatur sal ammoniacum siccum, sive anglicanum extemporaneum vel sal volatile ammoniacale. Paratur vero sequenti methodo.

**R. Sal. ammoniac. depurat. drach. 1.**

Ciner. clavellat. depurat. vel sal tartar. drach. 2.

Subito iavicem misceantur, & in vitris epiphormiis probe munitis serventur. Olei cuiusdam destil-

48

destillati ex. gr. Lavendulæ guttæ aliquot com-mode , pro lubitu quoque addi possunt . Vis valde penetrabilis , tonica , stimulans , nervina , excitans , exhilarans , resolvens , antipasmódica , diaphoretica , *antiseptica* . Reuss . Recentiores medici in Gallia præsertim mognopere utuntur spiritu salis ammoniaci lacteo , succinato , cui aquæ luciæ nomen imposuerunt . Pro compositione :

R. Sal. Tartar. 3ij. Ol. succin. rectific. 3j. Terantur in mortario vitro ; guttatum suc-  
five instillando spirit. vin. rectific. unc. 4.

Infundantur in lagenam vitream leviter ob-turatam . Detineantur per quadrantem horæ super cineribus calidis . Liquor supernatans , dein pro-vide decantetur & servetur usui , dein :

R. Spiritus sal. ammon. cum calce viva pa-  
ati unt. un. & sem.

Instillentur liquoris antea parati gutt. 60.

Usurpatur externe in omnibus morbis nervi-nis , languore , animi deliquio , & visionis im-becillitate , quo in casu manus aqua luciæ con-fricata oculis appropinquatur . In hydrophobia etiam laudatur intus assumpta ad gutt. 15. & ul-tra. Alcali causticum externe applicatum , & multa aqua dilutum veneni venerei contagium prohibere contendunt multi , quia hæc substantia cum cel-tici veneni particulis commixta novam qualitatem causæ huic morbificæ conciliat . Adnotanda hoc in loco ; quæ in nuperissimo cl. Hunteri tractatu de Lue venerea prostant , ubi de remediis præservativis loquitur : *Omnia quæ cum materia venerea mi-scend*

sceri possunt, illamque a partibus quibus inhæret, abradere valent, præservativi remedii vi-ces gerere possunt. Ob hanc rationem alcali causticum reliquias est anteferendum; miscetur enim cum materia morbosa, cum qua saponis speciem constituit; tunc levissima adhibita lotione vene-ni particulae dissipantur. Huius indicationi mīri-  
fice favet spiritus salis ammoniaci volatilis urinosus, sive alcali fluor volatile causticum. Guttæ aliquot hujuscē vehementissimi caustici multa aqua diluta, pro lotione & injectione post veneros concubitus utiliter adhibentur. Fortasse hūc doctrinæ primario innititur usus internus potentiorum alcalinorum in curatione luis vene-  
ræ confirmatæ. Fortasse etiam ob stipositam veneni certi aciditatem alcali commendatur, quia acidi neutralisationem sive destructionem procurat. Quidquid de memorata praxi sentien-  
dum sit, variæ tamen observationes usum internum alcalinorum causticorum suspectum reddunt. Nam data etiam causæ aciditate, alcalina priusquam lymphaticos canales subire poterunt, gravissima re-liquis partibus, præsertim stomacho & intesti-  
nis damna afferunt. Melius itaque erit tūtiora & longo usu probata remedia, potius quam du-  
bia & incerta administrare.

## DE SALIBUS NEUTRIS.

**S. Neutri,**

**D**Escrip̄ta usque adhuc acida cum diverso alcali conjuncta, sive a varijs alcalinis substantiis saturata Neutra' gignunt salina corpora, quæ medium quasi locum tenent, & utriusque principii activitatem retineret prima facie videntur. Verum quamvis hoc verum sit, facultates neutrorum salium ab activitate præsertim acidorum omnino differre videntur; & contra virium diversitatem & salium actionem magis ab alcali, vel alio terreo aut metallico elemento, quam ab acido ipso pendere existimaverim. Ex. gr. quoad primam propositæ doctrinæ partem acidum vitriolicum simplex, & omni alia mixtura liberum, non modo alvum non movet, immo contra adstringendi vim exercet. Alcali fossile quamvis urinam moveat, nunquam vero, nisi ad magnam dosim augeatur, purgat per inferiora. Attamen sale mirabili Glauberiano, nempe substantia acido vitriolico & alcali fossili composita uberrima ipercatharsis obtinetur. Alcali vegetabile non est catharticum nisi addito acido vitriolico, cum quo tartarum vitriolatum constituit. Idem dicendum de sale cathartico amaro, sive sale epsomensi, aliisque salibus neutrīs vitriolicis. Qualitatem tamen solutivam potius ab alcali, quam ab acido esse repetendam probat primo debilis quamvis, sed tamen certa & essentialis vis cathartica alealina-

linorum simplicium, sive omni vehementiorum acidorum confortio carentium. Et sane alcali fossile, & reliqua alcalina aërata, non autem simpliciter calcarea, tremor tartari, & alia hujusmodi, alvum mediocriter moyent. Sed in ipsis alcalinis aëratis vis cathartica pendere potest ab acido aëreo cujus opera alcalina æta in certo neutralisationis statu reperiuntur, atque in cremore tartari vehementior solutiva facultas ab acido tartari, cum alcali vegetabili combinato procul dubio oritur. Rursum a diversitate elementorum cum quibus acida copulantur, quæ inde nascuntur substantiæ minime catharticæ, sed diversæ prorsus naturæ activitatem adipiscuntur. Et sane yttrium ab acido yttriolico & ferro compositum, yaude irritantem, emeticam, adstringentem, vel potius corrosivam, non vero catharticam facultatem assumit. Ab acidi muratici combinatione cum mercurio oritur mercurius sublimatus corrosivus venenata non solutiva qualitate praeditus; contra ab eodem acido cum alcali fossili copulato nascitur sal marinus vehementer catharticus. Peculiarem igitur indolem acida alcalicis, cum quibus intime conjuguntur ope neutralisationis communicant, vel potius, mea quidem sententia, catharticam alcalinorum fundamentalem proprietatem adaugent, ob manifestam quam in alcalicis mutationem inducunt.

Quomodo vero hæc mutatio eveniat, & unde qualitatis catharticæ in alcalinis incrementum oriatur, breviter explicare conabimur. Modera te omnes, leves, minimeque molestæ irritatio-

nes, intestinorum evacuationes gignunt, quidquid contra insigni vehementia alvum sollicitat, vel tenesraum, dysenteriam, vel absolutam stypticitatem affert, scida enim concentrata, & alcalina volatilia insuperabilem alvi silentium generant, Et contra alcali volatile, quamvis cum acido fortiori conjungatur, nunquam tamen vim catharticae acquirit, ut manifeste deprehenditur in sa-  
 le ammoniaco communis. Stimulum quotidianum, pro excrementorum evacuatione naturae suppeditat principium alcalinum, cui inopportunam volatilitatem, quam a circulationis viribus mutuat, in intestinis aufert bilis mixtio. Alimenta quae ob propriam indolem, aut ob nimiam quantitatem, corruptiuntur, evacuationes alcalinum fatidissimum odorem emitentes gignunt. Hinc si artis opera naturam imitari condepneret medici, ad substantias alcalinas configere debent. Sed alcalina primigenia vel aerata sunt, & ideo vel debilissimi stimuli vices gerunt & parce admodum, alvum mouent, vel deaerata sunt, & causticorum activitatem possident. Adhibenda igitur sunt alcalina acidis saturatae, & quae hac in forma neutrorum salium nomine distinguuntur. Alcalina hac tempore neutralisationis debilissimum acidum aereum amittunt, atque eodem momento acidum majori activitate prædirunt, assumunt. Hac ratione acidi vires stimulantes alcalinorum vires catharticas adaugent, & tamen moderate operantur, nam si acidi integra potentia intestina sollicitentur, effectus erit proflus contrarius & loco evacuationis stypticitas obtinebitur. Ex dictis mani-

manifesto sequitur qualitates salium neutrorum magna ex parte inter se similes esse, quia alcalina eandem fere similitatemque inter se naturam habent. Numerosis tamen experimentis evincitur alcali minerales majorem quam reliqua alcalica, neutrals activitatem communicare. Vehementius enim purgatur alvus sale glauberiano, & marino, quam sale digestivo simplici, aut tartaro vitriolato. His positis satis erit salium neutrorum enumerationem & usum generalem afferre; reliqua enim & formulis medicamentorum facile deponuntur. Ab acido itaque vitriolico cum diverso alcali, quæ continentur neutra sunt I. Tattarum vitriolatum ab acido vitriolico & alcali vegetabili compositum. Hujus synonymia sunt *Sal enixum paracelsi*, *sal de duobus, arcanum duplicatum sal polychrestum*, *nitrum stibiatum*, *panacea Ducis Holstiae*, *nitrum vitriolatum*. Crystalla hexagona pyramidalia utplutinum exhibet. Siccitas tem servat in aere etiam humido. Magnam aquæ portionem requirit, ut dissolvatur. In spiritibus vinolis solubile non est. Modus preparationis ex pharmacia eruendus. Secundo loco ab acido vitriolito, & alcali fossili oritur sal Glauberi. Ejus synonymon est *Sal sellæ* in Calabria nativus. A D. Bergman appellatur alcali minerales vitriolatum; in aquis (cribit) interdum adest. In Siberia & Regno Astracano nonnulli lacus illud vehunt, pluresque alibi fontes. Crystalla hexagona exhibet. In aere siccus evadit, pelluciditer amittit. Solvitur in aqua calidae pondere æquali. Fusilis temperato calo-

re; unde a sale epsomensi discrepat, quod nullo caloris gradu fundi potest. Tertium occupat locum alcali volatile vitriolatum, sive sal ammoniacus vitriolicus, ab acido vitriolico & alcali volatili compositus. Salibus vitriolicis perfecte neutrīs, ab acido nempe & alcali compositis, usque adhuc descriptis adiungī debet sal catharticus amarus, sive anglitus; vel epsomensis, qui quamvis ad sales medios terrestres pertineat, nam magnesiam acido vitrioli copulatam pro basi habet, tamen quia a vitrioli acido gignitur, & vulgatissimum catharticum in praxi præbet, ideo hoc in loco adnotari debebat. Appellatur aptissima definitione a D. Bergmān *Magnesia vitriolata*. In aquis Angliæ; Bohemiæ; aliarumque regionum non raro hospitatur. Hic sal aquæ calcis immersus mox decomponitur, quo ab alcali minerali vitriolato facillime distinguitur.

**S. neutrōrum** me in praxi medici utuntur ob solutivam, incisivam & resolventem qualitatēm, ab omni irritatione sejunctam. Tartari vero vitriolati sive salis polychresti vires incisivæ; deobstruentes & antifebriles, catharticæ qualitati anteferuntur, quia tartarum vitriolatum ob debilissimum vegetabile alcali, etiam ad magnam dosim exhibitum, vix tamen alvum purgat. Dosis ideo est a granis viginti, usque ad drachmas duas; quia hac ratione humorum spissitudinem imminuit, primarum viarum debilitatem roborat, vitiōsam bilis phlogisticationem emendat, & simul criticos naturæ conatus in primo & secundo morborum

rum febrilium studio, salutaresque causarum mor-  
 bificarum coctiones minime perturbat. Moderat  
 etiam tartari vitriolati doses possunt puerperis  
 & mulieribus menstruorum defectu laborantibus,  
 utiliter propinari. Juvat demum eodem neutrō  
 uti in puerorum cruditatibus, & præsertim in  
 depravata lactis digestione; & tunc dosis erit a  
 granis decem, usque ad viginti. Cæterum nun-  
 quam aut pro valde efficaci, aut pro eradicative  
 remedio haberi debet. Inter cathartica salina,  
 primarium certe meretur locum sal mirabilis  
 Glauberi, quia dum mitissimas minimeque stu-  
 mulantes possidet qualitates, majori activitate  
 alvum dicit, nam componitur substantia alcali-  
 na magis per se laxativa, & quæ ideo majorem  
 ab acido incidendi proprietatem mutuatur. Hoc  
 neutro paſſim utimur loco salis epsomensis na-  
 tivi, quamvis non semper sal Glauberianus quoque  
 purus obtinetur; sed species illa, quæ post salis ma-  
 rini compositionem obtinetur venalis prostat, ne-  
 que quoad effectum tutissima est. In nostris regioni-  
 bus ob abundantiam salis sellize, nempe salis Glaube-  
 riani nativi, hujus neutri usus minime semper suspe-  
 catus est. Dosis hujuscce salis est a ſemuncia, usque  
 ad unciam unam & ſemis, atque reiterari potest  
 per intervalla, pro re nata. Non raro uncia una  
 salis Glauberiani, copiosissima aqua diluta, di-  
 versis horis propinatur, ut actio medicamenti mi-  
 tissima evadat. In acutorum principiis, post  
 emeticī administrationem ſolet adhiberi. Verum  
 in primo septenario ab primarum viarum reple-  
 tionem, ob generalem ſolidorum corrugationem,

afque ob vehementissimam ventriculi constrictio-  
nem, etiam a salibus neutrī omnibus abstinen-  
dūm. Contra post absolutam coctionēm, si purgat  
per inferiora oportebit, optimum certe consilium  
erit uti sale Glauberiano. Magnopere ab exteris  
medicis laudatyr laxativa hujus neutri facultas,  
adversus colicām, & iliacam passionem. Sed in  
memoratis affectibus, qui specifica fere actiuitate  
olei seminum Ricini curantur, inutile profet-  
eo erit ad cathartica salina confugere. Qui  
pperientēm & diureticam efficaciam salis Glaube-  
rianī summis extollunt laudibus, parvas doses  
trium vēl quatuor drachmarum exhibent nephri-  
tis, cālculosis & mulieribus diffici li menstrua-  
tionē vexatis: neutra reliqua ab acido vitrioli-  
co parata libenter prætermittimus, quia nullum  
præcipuum in medicina usum habent.

## Nitri usus.

Ab acido nitroso, & alcali vegetabili oritur  
nitrum commune, sive alcali vegetabile nitratum,  
de cuius origine nonnulla dicta sunt ubi de aci-  
do nitroso sermonem instituimus. Cæterum ni-  
trum commune, uti loquitur Cl. Bergman,  
in superficie telluris oritur, ubi vegetabilia, præ-  
sertim partibus animalibus mixta, putredendo  
destruuntur. Nitrum crystalla prismatica hexago-  
na assumit. Non facile dēliquecit. Per phlo-  
giston expeditissime decomponitur, atque opera-  
tio hæc appellatur proprie nitri detonatio. Est  
fusile modico in calore. Cum aqua maximum  
frigoris gradum excitat. Ab acido rursum, ni-  
troso, & alcali fossili oritur nitrum cubicum,  
quoad vires a nitro communi parum diversum.

Cry.

Crystallis potius rhomboides consistat. Vires nitri, juxta communem sententiam sunt primo refrigerantes, dein diureticæ, apertientes, ueriant; id est que multorum medicamentorum antisecherisium basim constituit nitrum deparatum. In febribus ideo inflammatoriis passim propinuantur milderatæ nitri doses cum cœpiosa aqua: Ad duas ex grachmas quotidie usurpatur & per intervalla. Non nulli in mere inflammatoriis nitrum purificatum potionibus agendis, gelideque aquæ adiiciunt, et in magno equidem ægrotantiam emolumento. Facultas antiphlogistica, neutri hujus in morbis mere inflammatoriis pendet, ab acido nitroso, cujus particulæ propriam cum phlogisti merbolo actionem exerecent, simulque præter naturalem calorem summopere imminuunt. Inflammationes ideo adhibito nitro comuni, vel acido nitroso sunt placi, ut supra dictum est, mitescunt quia incipienti fluidorum phlogisticationi acidum nitrosum opponitur, unde phlogisti quantitatem, quam ad se attrahit, ab humoribus separat, & propositam indicationem absolvit. Caloris simul latentis evolutio, quæ phlogisti operæ eveniebat, & ejusdem principii periculosa exhalatio, hoc remedio prohibetur, & ita primarium vitæ fundamentum minime a corpore secedit. Magna vero prudentia, diligentiaque opus est, ut nitri operatio in morbis inflammatoriis, intra certos limites coegeretur; nam si per longum tempus, abundantiter que admodum substantia phlogisti avidissima corpori committitur in quo causa ejusdem naturæ, nempe cœusa phlogistica, primam activitatis sua

gra-

gradum offendit & per stadium inflammatorium excurrit , a phlogisti incremento novaque substantia phlogisticantis accessione mōrbus inflammatoria defissa indole, in affectum mere phlogisticum mutatur : Hinc in erysipelate & anthracte maligno nitrum potius noxiūm quam bonum effectum gignit ; atque deleteriam prorsus activitatem ostendit in morbis omnino phlogisticis ; uti sunt acutissimi malignique affectus a paludum exhalationibus æstivo tempore pendentes . Ubique nitrom gelidæ aquæ immixtum administratur , urinas vehementer movet , & calculosis & nephriticis efficaciter opitulatur . Hisce in easib[us] ad drachmam unam aut alteram quotidie exhiberi potest cum decocto foliorum *solani* , cum sero lactis , aliisque aptioribus vehiculis . Hydropici s[ecundu]m numero sublevantur exhibito nitro , aut simpliciter , aut cum cremore tartari , vel sale polychresto . Sæpe nitri drachmas duas cum æquali salis polychresti quantitate in tres doses divisa propinare singulis diebus consuevimus leucophlegmaticis & asciticis . Doses ubiores semper vitandæ , quia periculosum frigus inducunt , ob rationes superius allatas . Frigore lethali corripiebatur mulier , quæ integrum nitri depurati unciam loco salis Glauberiani assumpserat ; testante in suis doctissimis observationibus Cl. Edinburgensi medico Alexandro . Nitro passim utuntur in gonorrhœa virulenta medici illi , qui fluxum mōrbosum in principiis semper augendum esse contendunt . Revera tamen nitrum in hoc casu non solum diureticam , verum etiam

etiam antiphlogisticam facultatem exercet, nam in hac ægritudine canalis urinarii præcipua inflammatio adest. Medicamenta quæ in Icteri curatione usurpantur, sæpen numero nitrum pro basi habent; quia per urinæ vias non raro morbus judicatur, atque urinæ admodum rufæ refrigeratorium remedium postulare videntur. Pilulae ideo saponaceæ, cum terra foliata tartari, & nitro parantur; atque potionēs refrigerantes Ictericorum nitro constant, uti ex. gr. est aqua et albo nibi dicta, quæ componitur sequenti ratione:

R. Aqu. Gramin. offic. unc. quinque;

Sapon. hispan. grana quinque,

Nitr. depurat. scrupulum unum,

Sacchar. alb. drachm. duas. M.

Hæc portio refrigerans & diuretica; per plures dies Ietricis propinatur, cum aliqua certe utilitate. Remedia emmenagogæ, quæ scilicet in defectu sanguinis menstrui coimpendiantur, aperientibus vegetabilibus, simulque nitratis parantur. Nitri enim parcibes doses, iterato exhibetæ sanguis nem uterinum cum aliqua efficacia evocare valent. Atque hæc de hitri communis usu dicta sint satis; superest ut nonnulla adiiciamus de nitro stibiato, in tetenti Neapolitanorum praxi usitatissimo certe præsidio. Aquæ quæ pro repetitis antimonii diaphoretici nitrati lotionibus adhibetur, per filtrum traducta & lento igne evaporata, usque ad cuticulæ in superficie generationem, si in loco frigidó detinetur crystalla exhibit, quæ nitri stibiati nomine donantur. Nitrum stibiatum generatur a deflagratione sul-

Nitri aquæ  
ti usus.

pharis antimonii cuncte vitro ; uti accidit in generatione salis polychresti , a quo differt tantummodo , quia aliquam calcis antimonialis proportionem continet . Passim in febribus inflammatorias , biliosis , erysipelate , uteri valida post partum irritatione & similibus omni bishorio ; aut omni quadrihorio propinatur grana decem vel quindecim . pectori stibiat . Effectus admodum ambiguus videtur , quandoquidem neque urinæ multum augmentur , neque sudor copiosus excitatur ; nam in hac compositione basim constituit sal polychrestum : quod si calx antimonii cum nitro copulatur a tenui admodum hujus substantiae quantitate nulla profecto utilitas expectari debet . Antimonium contra diaphoreticum , ab omnibus etiam nitro sejunctum magni certe momenti vires possidet , uti suo loco ostendimus . De nitro subico ab acido nitroso & alcali fossili composto , de sale ammoniaci nitroso ab acido nitroso & alcali volatili facto , atque de sale digestivo sylvii , qui oritur ab acido musciatico & alcali vegetabili , nihil adiiciamus , sunt enim composita salina , quæ nunquam a practicis usurpatur .  
 Sal communis , sive sal gemmæ , sal marinus .  
**Sal marinus.** vel maria constat acido sinuariaco & alcali fossili . In cubos congregetur , qui si purus sit , in nullâ aëris constitutione figura mutant . Est antisepsicus ; experimenta enim Bringiana cum sale culinariorum multa terra referto instituta fuerunt . Sal communis a Ch. Bergman appellatur alcali minerali *Silium* , in Schiagraphia , ubi

ubi ait; uberrimum reperitur nam in terra efficiens strata, plus minus crassa (sal gemmæ), quam in Fontibus (sal fontanum) & lacibus, nec non in magno Oceano (sal marinus).  
 scutatus. Majori efficacia quam reliqua neutra al- Salis marini  
 vum purgat sal marinus, ob copiosum alcali mi- usus.  
 nerale. Hinc unciae decem aut duodecim aquæ  
 marinæ copiosas evacuationes afferunt, & peculiarem etiam resolvendi qualitatem possident.  
 Uncia una aut altera salis communis in aqua  
 soluta feliciter purgantur rustici in motibus bilio-  
 sis, & ubicumque alvum movere oportet. In  
 alvi fluxu immòdico a ciborum corrupteli pen-  
 dente, alvus sale præsertim marino compescitur,  
 quia lucci gastrici vices gerit. Immo in languida  
 admodum digestione, vires ventriculi augen-  
 tur & stomachus firmatur sale marino, cum ali-  
 mentis, condimenti loco, copiosius ingurgitato.  
 Recentiores enim observationes declararunt succi  
 gastrici basim sale marino constare. Ab eas  
 dem substantia in multis mineralibus aquis exi-  
 stente multarum thermalium fontium tonica, ro-  
 borans & præsertim stomachica activitas pendet.  
 Natura vero huic neutro resolutoriam & simul  
 tonicam facultatem largita est; nam alimenta in  
 ventriculo a sale marino emollita tanquam a pe-  
 culiari menstruo, cuius vices gerunt particulae alca-  
 linæ, acidi deinceps activitate & viçiosa corruptione ser-  
 vantur. Fortasse acidi etiam marini in corpore  
 humano existentia periculosem & saepius lethalem  
 phlogisti multiplicationem prohibet? Fortasse mer-  
 curii sublimati corrosivæ efficacia in curatione morbi  
 ve-

venerei ab eodem principio pendet; acidum namque marinum phlogisti avidissimum tenacem viscidam & ideo phlogisticam luis venereæ causam ad se attrahit & per urinæ vias emittit. Mercurius tunc phlogisto etiam saturatus certam revivificationem subire debet, uti nonnulli scriptores suspicati sunt. Sed de hoc argumento suo loco differendum. Insignis rursum facultas resolvens salis marini, & peculiaris efficacia, quam hoc praesidium ostendit in preternaturali humorum densitate evidenter probatur admodum proficuo aquæ marinæ usu adversus obstructiones viscerum naturalium & praesertim adversus tumores scrophulosos, qui a morbosa lymphæ cohaerentia oriuntur. Scrophulae enim balneo marino, aqua marina intus assumpta & frictionibus mercurialibus feliciter curantur. Qui ob hepatis aut lienis obstruktionem leucophlegmatici vel ascitici fiunt, usu interno aquæ marinæ perfecte aliquando sanantur. Mulieres, quæ ob sanguinis menstrui defectum, nempe ob aductam particularum rubrarum spissitudinem chloroticæ fiunt epota ad uncias quotidie decem & ultra aqua marina pristinam sanitatem acquirunt. Mitto salis marini usum chirurgicum.

De sale ammoniaco.

Sal ammoniacus communis, constat acido mu-  
riatico & alcali volatili. Obtinetur ex omnibus  
fuliginis speciebus per sublimationem vel solu-  
tionem. Sequentes possidet proprietates. In aqua  
solubilis. Aeri expositus deliquescit. In aqua  
solutus, menstruum ita disponit, ut majorem  
sublimati corrosivi proportionem dissolvere va-  
leat. Cum sale communi in aqua solutus, insi-  
gne

gne generat frigus. In spiritibus vinosis est solubilis. In modico calore fusilis. Neutro hoc sale frequenter medici utuntur ob summam volatilitatem particularum alcalinarum, unde sal ammoniacus totum peryadit corpus, fluidorum nimiam cohesionem imminuit, circulationem adauget, ac proinde vel sudorem copiosum vel ubiores urinas affert. In lentis ideo febribus, intermittentibus praesertim, utiliter adhibetur a scrupulo ad drachmas duas quotidie; sape etiam in febribus cum cortice peruviano utiliter copulatur, & fortasse febrifugi activitatem adauget. Doses largiores alvum vehementer subducant. Nostrates Medici sale ammoniaco communi utuntur in omnibus febribus indiscriminatim, & pauca tantum grana adhibere solent. Flores dicti salis ammonici, qui celeri vehementique sublimatione obtinentur, a sale ammoniaco puro nullo modo differunt. Ubi sudoris evacuatio desideratur sal ammoniacus una cum infuso calido florum Sambuci, radicis Bardanae & similibus exhibitur. Cum potionibus contra frigidis diureticam facultatem assumit. In faecium lymphatica praesertim congestionis gargarismate utimur ex eodem sale. Tumores durissimi broncocele dicti, si solutione salis ammoniaci frequenter soventur, sape integre dissipantur. Qui sublimatum corrosivum interne adhibent mercurium cum sale ammoniaco conjungunt, ut medicamenti actio facilior reddatur. De ente veneris, panacea cinnabarina, floribusque salis ammoniaci martialibus alio in loco disputabimus. Ammoniaci effectus, qui in

pro-

64  
praxi observantur nūnquam aut valde sensibiles  
aut certi sūnt; ob particulas tamen insigniter  
volutiles ac penetrantes, inter præsidia resolven-  
tia & discutientia, non infimam meretur lo-  
cum.

Tartarum regeneratum, tartarum soluble, &  
sal diureticus sunt synonyma ejusdem neutri ab  
acido vegetabili & alcali vegetabili compositi.  
Quia reliquis neutrī omnino convenit & mitis-  
sime operatur album solvendo. Solubilis est in  
spiritibus vinosis; cum oleis gummī & resinis  
conjungitur; ac metalla in spiritibus vinosis so-  
lubilia reddit. Magnopere laudatur tanquam ca-  
tharticum mīto & validum diureticum a scrupulo  
uno usque ad duas drachmas exhibitum. Lenior  
certe actio pendere debet a minori acidi & al-  
cali vegetabilis proportione, unde non adeo vali-  
da oritur in corpore irritatio.

Sal Rupellensis ab acido vegetabili & alcali  
fossili factus idem est cum sale polychresto de la  
Rouelle, vel sale de Seignette. Non tam faci-  
le deliquescit ac tartarum regeneratum; atque  
inter mitissima cathartica collocatur. Hujusmodi  
tamen sales, uti tartarum regeneratum, & sal  
Rupellensis nūnquam cum acidis aut fortioribus  
aut magis concentratis copulandri; in hoc enim  
casu integrō decomponuntur.

Postremum inter neutra salina locum occupat  
sal ammoniacus vegetabilis, vulgo spiritus Min-  
dereri dictus, atque ab acido vegetabili & alcali  
volutili compositus. Appellatur quoque sal silago-  
ammoniacalis-acetosa. Componitur vero sequenti-  
ratione:

Spiritus Min-  
dereri.

R. Aceti vini distillati acerrimi unc.2. Instilla paulatim sal. ammoniac. cum sale tartari, vel spiritus cornu cervi qu. suffic. ad satur. plenar. asserva in vitro probe clauso. Simplicior formula est:

R. Aceti distillati quant. plac. Instilla paulatim, subinde agitando spirit. sal. ammon. cum calce viva parati quantum sufficit ad justam & perfectam saturationem. Dosis est a drachma dimidia usque ad duas, cum syrupo quodam, vel cum aliis remediis. Cl. Pingle plurimum mixtura hac salina utebatur in febribus acutis, ad resolvendam humorum tenacitatem, atque ad procurandam diaphoresim. Decantatæ adeo vires non integre observationibus confirmantur. Sæpe tamen vidi summam utilitatem spiritus Mindereri externe confricati in vehementioribus rheumaticis doloribus. Quæ nuperrime a scriptoribus memorantur circa usum hujus præsidii, breviter hoc in loco adnotari merentur. Spiritus itaque Mindereri *Ase fœtidæ vires præcipuas antispasmodicas, resolventes insigniter auget & secundat, in obstructionibus viscerum, in mensura suppressione & aliis sanguinis fluxibus: in asthmate, tussi suffocativa; morbis hystericis.* Hinc consulto Millar *Ase fœtidæ uncias duas in bujus spiritus uncia una solvendas suadet, & cum aliquot unciis cuiusdam aquæ distillatae miscendas, ut infantes omni borborigio aliquot cochlearia parva sumant, & adulti majora. Multa non adeo necessaria libenter prætermittimus.*

## SALES METALLICI.

**S. metallici.** Metallorum particulæ ab acidis solutæ, vel a peculiari erosione decompositæ salinas generant substantias, quæ phlogiston metallicum cum acido copulatum pro basi habent. Et quemadmodum neutri sales acutissimam & corrosivam acidorum qualitatem imminuunt, quia alcali relicto acido aëreo quo saturabatur, intime cum acido combinatur; sic contra ubi acidum, metallo phlogisto copiosissimo semper refertum offendit, phlogisticatur insigniter & corrosivam vim nanciscitur. Substantiae illæ, quæ cum phlogisto affinitatem habent, si acido saturantur, saltem acerrimum & corrosivum constituunt, uti accidit in argilla, quæ ob affinitatem quam cum phlogisto gerit, si cum acido vitriolico combinatur, alumem acerrimum componit. Hac itaque ratione non adeo difficile erit intelligere cur ab iisdem acidis, a quibus mitissimi neutri sales exurgunt, combinatione cum alcalinis instituta, dum eadem acida metallicis corporibus adhaerent, salibus corrosivis originem præbent. Hoc etiam ulterius probatur exemplo salium neutrorum, qui ab alcali volatili & acido componuntur. Hujusmodi enim sales acutissimi & pungentissimi sunt, quia alcali volatile procul dubio constat simplici sale alcalino, omni acido spoliato; componitur nempe substantia mere phlogistica, salina.

Dum

Dum opera calcis vivæ e sale ammoniaco educitur alcali volatile, particulæ alcalinæ phlogisto calcis vivæ saturatæ vehementer corrosivæ redunduntur. Hæc necessaria prorsus videbantur ut differentia inter salina neutra & salina metallica quodammodo innotesceret; progrediamur modo ad historiam vitriolorum. Et primo vitriolum cæruleum, quod idem est ac vitriolum Romanum, vitriolum veneris, vitriolum cyprium, est artis utplurimum productio, quæ constat acido vitriolico & cupro. A Cl. Bergman appellatur *cuprum vitriolatum*; reperitur omnibus in locis, in quibus pyrites cupri adest. Crystalla depresso, rhomboidea habet. Saporis est adstringentis, acris, ingratissimi. Est fusile, & in magno caloris gradu calcinatur. Cæterum nomen genericum est *cuprum vitriolatum*, quia cuprum basim salinam constituit. Vitriolum viride est salinum metallicum ab acido vitriolico & ferro compositum; dici itaque debet *ferrum vitriolatum*. Synonyma ejus sunt vitriolum martis, vitriolum anglicum, & sal martis. Est nativum, sed plerumque per artem paratur. Crystalla pellucida rhomboidea exhibet. Saporis est adstringentis, subdulcis. Calcinari potest. In aqua facile solvitur, sedimentum deponens. Denique vitriolum album constat acido vitriolico & zinco; est ideo *zincum vitriolatum*. In fodinis reperitur atque saporis est subdulcis & adstringentis. Ad usum medicum vitriolorum externum aut internum quod attinet, caute omnino incendendum, omnes enim sales metallici causticam, inflammatoriam,

Vitriolum  
cæruleum.Vitriolum  
album.Usus vitri-  
lorum.

ideoque semper irritantem vim possident. Phlogisticatur enim acidum a phlogisto metallico, cum quo perfecte combinatur. Hinc essentialiter salibus metallicis stomachus perturbatur. Vitriolis vomitus excitatur; ventriculum erodit mercurius sublimatus corrosivus. Cur itaque vitriolum cupri aut ferri commendetur a recentissimis medicis, ad vomitum procurandum in Phthisi pulmonali, prorsus ignoro? A multis etiam laudatur vitriolum martis ad drachmas duas cum terebinthinae sufficienti quantitate trituratum, ac deinde quatuor aquæ libris solutum, & quotidie copiose exhibitum in memorato pulmonis morbo. Verum loco vitrioli, tutius semper erit acidum vitriolicum subministrare. Decantatam adeo vitrioli martis activitatem adversus haemorrhagias omnes, & praesertim adversus fluxum haemorrhoidalem, diarrhaem ac dysenteriam raro in auxilium advocari debere existimarem; nam primo sanguinis fluxus accidentaliter evenientes nullo adhibito remedio, ipsa virium debilitate compescuntur; fluxus illi, qui criticam evacuationem constituunt, nunquam fere compescendi sunt; multi denique, qui ab acri, scorbutica, vel corruptoria causa oriuntur, aliis prorsus praesidiis curantur. Fluxus dysenterici, diarrhae & similia salibus vitriolicis tractari non debent, quia irritationem, sive spasmum pro causa agnoscunt. Hujus naturæ perturbationes dulcibus, anodynis, & praesertim balneo ac lacte curantur. De stomachi debilitate, & obstructionibus viscerum natura- lium nihil profecto adiiciam; hisce enim in ca-

sibus semper a salibus metallicis abstinentium.  
 In externa vero vitriolorum administratione pa-  
 sim chirurgi versantur; injectiones enim, colly-  
 ria ophthalmica, lotiones & unguenta ex vitrio-  
 lis parata usurpantur in gonorrhœa virulenta,  
 oculorum inflammatione & ulceribus sordidis.  
 Injectiones in urethram factæ cum vitriolo albo,  
 aut viridi & aqua rosarum in recenti gonorrhœa  
 plerumque noxiæ, versus finem morbi salutares  
 redduntur, quia in vigore morbi magnum in-  
 flammationi momentum adiiciunt vitriolica, &  
 omnia adstringentia. Subsidente inflammatione  
 stimuloque sublato, quæ superest partium debili-  
 tas vitriolo tollitur. Neque simpliciter gonorrhœa  
 inopportune sistitur injectionibus adstringentibus, ve-  
 rum frequenter in molestissimum spermatocele æ-  
 gri incidunt. Hoc vero in casu videndum num  
 simplici inflammatione testes, & potius mem-  
 branæ testium afficiantur, vel hic morbus a ve-  
 nereo veneno ad testes delapso ortum ducat. Ut-  
 plurimum vero spermatocele, mea quidem sen-  
 tentia, mere inflammatorius a stimulo & per  
 consensum ortus morbus est; neque a veneno  
 venereo immediate excitatur. Aquarum ophthal-  
 micarum plures extant formulæ, quæ collyria ex-  
 fificantia, detergentia, & uti vulgo dicitur, re-  
 frigerantia componunt. Celeberrima aqua ophthal-  
 mica cœrulea, sive saphirina, vel famosa Taylori  
 sequenti ratione componitur. Rx. sal. ammon. de-  
 pur. drachmas duas. aqu. calc. viv. rec. unc. 12.  
 stent ad solutionem usque in vase cupreo, vel cum  
 bracteis aliquot cupri, donec aqua colorem sa-

phirinum acquisiverit per 24. horas; a quo aqua colorem saphirinum naæta filtretur & servetur usui. Usus externus aquarum vitriolo saturatarum ad sistendas hæmorrhagias, & præsertim in artuum amputationibus, jam exolevit; etenim vitriolo magnis canalibus insperso sæpe periculæ inflammations, & magis etiam periculoæ suppurationes supervenire solebant.

Lapis infernalis . Acido nitroso & argento componitar substantia salina metallica, quæ *crystallorum lunæ, lapis infernalis, vel caustici lunaris nomine dignoscitur*. Vim possident insigniter causticam crystalla lunæ, & tantum externe adhibentur in curatione ulcerum fôrdidorum, & pro destructione carnium fungosarum, quibus ulcerum sanatio retardatur. Superficies itaque carnium flaccidarum & informium a chirurgis lapide infernali aduritur, & prima secedente lamina, renovatur operatio, usque ad integrum cicatrisationem, quæ ideo acceleratur, quia non solum debilissimæ destruuntur fibræ, verum etiam quia caustici actione carnes irritatae solidiores firmioresque redundunt. In venereis vero ulceribus, si lapide infernali utimur, ob irritationem ulceris veneni absorptio citissime accedit, & statim glandulæ inguinales in bubones intumescunt. Hoc vero non cum caustico tantum lunari, sed & cum reliquis etiam escharoticis evenire consuevit. Verrucæ demum lapide infernali tractatae vel extirpantur, vel suppuratæ decidunt.

Mercurius  
sublimatus  
corrosivus.

Principem inter salina metallica locum tenet mercurius sublimatus corrosivus, ab acido muria-

ti-

tico & mercurio compositus, & insigni corrosiva & admodum venenata qualitate praeditus. Colorem habet album; in spiritibus vinosis facile solvitur, parcus in aqua. Quamvis ad praeparata mercurialia pertineat, qualitates tamen ejus hoc in loco recenseri debent, quia nunc proprie de salibus metallicis sermo est. Vetustiores medici mercurium sublimatum corrosivum merito venenis adnumerarunt, atque ab ejus usu interno penitus abstinuerunt. Causticitate etenim sua ventriculum primario inflamat, dein corredit, ejusdemque naturæ damna intestinis affert. A vehementiori actione vomitus excitatur, os intumescit, fauces inflammantur, convulsiones superveniunt. Prinus omnium Boerhaavius facultatem antivenereum essentiam sali huic metallico inesse suspicatus est, & pro usu interno, re liquis mercurialibus anteferendum remedium obtineri posse dubitavit. Tanti viri auctoritate permotus Swietenius specificum antivenereum suo nomine insignitum, nempe solutionem sublimati corrosivi in spiritu frumenti proposuit. Juxta Cl. viri formulam mercurii sublimati corrosivi grana 12 solvuntur in spiritus frumenti uncis 24; de qua mixtura dantur mane & vespere cochleare 1. 2. 3. superbibendo unc. 6. ad 12. decocti cujusdam demulcentis ex. gr. Hordei, Bardanæ &c. magnam copiam. Alii mercurium sublimatum non in spiritu frumenti, sed in spiritu vini, alii denique in aqua simplici solvunt. Specificum Swietenii omnes indicant sequuti sive medici, neque propriis obser-

servationibus aliquid novi huic praxi adiicie-  
runt. Eodem specifico & ipse multis abhinc annis  
juem venereum confirmatam debellare conatus  
sum. Mercurium sublimatum spiritu vini solu-  
tum saepe magno cum emolumento exhibui;  
criticos sudores & judicatorias urinas obtinui.  
Pilulas eodem remedio, additis simul opiatis,  
non sine optimo successu adhibui. Verum pro-  
gressu temporis non pauci se se obtulerunt ca-  
sus, in quibus post perfectam morbi venerei cu-  
rationem periculosissimi sanguinis sputus superve-  
nerunt in nonnullis; alii rursum macie confecti,  
perfectam ventriculi erosionem, & absolutam  
perforationem post mortem ostenderunt. Cum  
igitur de gravissimis a corrosiva substantia pro-  
venientibus damnis, & simul de insigni ejus an-  
venerea activitate serio cogitarem, usum exter-  
num ad examen revocare constitui; etenim ab  
inversa actione non modo innocuum verum  
etiam utilimum effectum expectari posse existi-  
mavi. Magni sane momenti argumentis mea  
innitebatur sententia. Mercurialia externe appli-  
cata & per cutim suscepta, quibuscumque praæ-  
parationibus intus assumptis anteferenda sunt;  
juvant enim semper nec unquam nocent; quia  
per vasa lymphatica in totam cutis superficiem  
hiantia recta feruntur ad glandulas congregatas,  
nempe lymphaticas, quæ a causa venerea primo  
afficiuntur, & pro morbi sede haberi de-  
bent. Mercurialia lympham venero insipiatam attenuant, & in hac actione decompo-  
nuntur propriamque naturam, magna ex parte  
amit-

amittunt. Tunc dum ad interna organa perver-  
niunt, & sanguinem intrant, nempe ubi ad lo-  
ca pertingunt omni venerea labe carentia, nul-  
lam exercere activitatem poterunt. Si enim  
mercurialium vim integrum persentiunt partes  
veneno venereo destituæ, statim essentialia exur-  
gunt & valde periculosa incommoda; uti certe  
accidit ubi mercuralia per os assumuntur. Ho-  
rum namque remediorum noxia efficacia internæ  
partes & sana organa vexantur, & quod etiam  
magis interest, mercurius post labefactatam per-  
turbatamque recte valentium organorum œcono-  
miam, majori efficacia sua, ac propria antive-  
nerea actione spoliatus, humoribus lue venerea  
depravatis miscetur, sine ullo ægrotantium aut  
saltem parvo levamine. His ita se habentibus,  
ut certa vitarentur incommoda, certaque utili-  
tas exurgeret, externum sublimati corrosivi usum  
instituendum curavi; aliaque aptiori excogitata  
methodo experimenta felicissimo cum successu  
institui, & post certum tempus numerosissimas  
observationes curationumque eventus cum publi-  
co communicavi. Simplicissima admodum ratio-  
ne mercurius sublimatus corrosivus externe ad-  
ministratur. Urguenti primo sive linimenti for-  
mula, ita profecto se habet:

R. Mercur. sublimat. corrosiv. drachmam unam,  
exung. porcinæ n. r. unciam unam m. triturentur  
simil in mortario vitro vel marmoreo per  
hor. vi. ut f. l. a. linimentum.

Semidrachma, aut drachma una descripti mo-  
do linimenti plantis pedum tantummodo, ve-  
spri-

spertinis horis confricantur & per plures dies administratur remedium, augendo dosim usque ad drachmas duas pro singulis frictionibus. Balnea tepidiuscula tempore curationis vel quotidie, vel frequenter sane adhibita utilima sunt; uti etiam decoctum lignis antivenereis compositum & pro potu quotidiano usurpatum, nimiam saepe medicamenti activitatem emendat. Mutarijones quæ in corpore ægrotantium tempore frictionum eveniunt, admodum constantes sunt; nam fere semper primis diebus urinæ copiosissimæ excreuntur, postea albantes fiunt, ac deinde uberrimum cinerei coloris sedimentum deponunt; & hac mediante evacuatione morbus perfecte judicatur. Salivatio nunquam oritur, sudores raro excitantur, rarissime etiam alvus solvitur; & ante curationis terminum nutritio augetur, & amissus carnium naturalis color resumitur. In omni confirmata vel incipienti lue, in gonorrhœa, ulceribus penis, bubone inguinali, tumeribus ossium, fauciūm ulceribus, nocturnis doloribus, gravissimisque aliis ejusdem morbi accidentibus tutissimum, felicissimum, jucundum & certe eradicativum remedium suppeditant frictiones unguento & sublimato corrosivo composito, institutæ. Adversus descriptam methodum insurrexerunt jam dudum vulgares medici, qui dum usum externum mercurii sublimati, tamquam perniciossimum pharmacum damnant, eodem remedio interne utuntur, non sine magno ac certo ægrotantium periculo. Sed opinionum commenta delet dies, & sophismata Neapolitanorum

nume-

numerosis per totam Italiam institutis feliciter experimentis penitus evertuntur. Videndum modo cur mercurius sublimatus corrosivus activitatem reliquis mercurialibus anteferendam possideat, per se; nam de merculialium extenorum actione magis proficia nemo inter rationales medicos dubitare audet. Mercuriaria salina primum omnium efficaciora sunt, vehementiorem activitatem possident, & quam celerrime manifestum effectum gignunt. Calces mercuriales & inter reliquias *mercurius calcinatus per se*, sive *præcipitatus per se*, summam activitatem ostendunt. Sales mercuriales & calces mercurii tantam vim habent ut corrosiva semper composita esse apprehendantur. Sed mercurius salinus & mercurius calcinatus phlogisto, nempe principio inflammabili caret, illoque acidi ope vel ignis actione privatur, hinc mercurii major efficacia a phlogisti defectu pendet. Hoc confirmatur fundamentali observatione, nam efficacia & vis antivenerea mercurii sublimati corrosivi insigniter a viribus mercurii dulcis differt, quia sublimatus addito novo mercurio, ob phlogisti restitutionem valde corrigitur atque mitefit. Acidum etiam salis marini eodem principio supersaturatum, vim etiam pungentem magna ex parte amittit. Hinc mercurius salinus, nempe in statum calciformem ab acido marino redactus dum a lymphaticis cutaneis absorbetur & recta ad glandulas congregatas perducitur, lympham offendit a causa venerea principio inflammabilis, sive principio tenacitatis refertissima præternaturaliter inquinatam.

Pro-

Propria hinc affinitate cum tenaci lympha phlogisto saturata conjungitur , illamque fluidiorem ac satis meabilem reddit . Tenacissimæ profecto lymphæ venereæ particulae , a sublimato corrosivo plantis pedum applicato , cum urina extra corpus feruntur ; ac primis diebus urina tantum albicans & opaca , sine ullo sedimento excernitur ; progradiente dein curatione albae urinæ admodum sedimentosæ redduntur . Tanta enim copia lymphæ venereæ elementa sublimati actione soluta in urina suspenduntur , ut frigefacto , & extra corpus quiescente lotio , major horum morbificorum elementorum quantitas sedimenti forma matulæ fundum petere cogatur . Hæc vero sublimati corrosivi operatio tuta & eradicativam curationem afferens , raro aut a frictionibus simplici hydragro , aut ab internis mercurialibus obtinetur , ob rationes modo allatas . Immo si mercurialia excitato copiosissimo sudore sanitatem ægris absolutam promittunt , tamen precaria fere semper emolumenta inde manare deprehendi . Etenim cutaneæ evacuationes non modo vehementissimam postulant medicamenti actionem , verum etiam crassas viscidasque substantias nunquam secum ferre vel possunt vel valent . Non pauei itaque momenti differentiam inter diversas mercurii præparations interesse existimare , quamvis contrariam sententiam Cl. Johannes Hunterus in Traetatu de lue venerea tueatur . Eruditissimus auctor triplicem mercurio vim tribui posse existimat ; vel enim cum veneno venereo copulatur & illud decomponit , unde actionem

nem irritandi amittit , vel extra corpus secum trahit , vel denique novam in animali economia irritationem venereæ irritationis destructricem gignit , unde morbus curatur . Alteram dein mercurii proprietatem , qua nempe in humoribus corporis humani facile solvitur , docte admodum proponit . Experimentis namque in proprio corpore institutis cum mercurii diversis præparati- nibus , vel interne adhibitis , vel externe usurpa- tri uniformitatem actionis evincere conatur . Mercurius enim dulcis , sublimatus corrosivus , hydrargyrus communis & mercurius calcina- tus per se analogum semper saporem habent , ideoque eadem ratione uniformiterque in humo- ribus dissolvi debent . Quæcumque igitur evacua- tiones post mercurialium administrationem exci- tantur , mercurium semper extra corpus educunt . Addit tantummodo , quod mercurialia facilius in humoribus nostris solubilia , faciliorem morbi ve- nerei curationem reddere valent . Sed omnia , quæ mereurii actionem , & varia præparata respiciunt inferius enucleanda sunt ; satis erit in præsentia numerosis experimentis innixam sublimati corro- fvi activitatem adversus luis venereæ graviora symptomata vobis indicare . Gonorrhææ enim virulentæ , bubones , ulcera , dolores & alia hu- jusmodi , frictionibus cum sublimato corrosivo institutis eradicative curantur . Desinant igitur imperiti quas ignorant doctrinas contemnere , servent suam in jecore masculam bilem invidi , & quæ ipsi neque attigere neque pertractare pos- sunt , aliis perficienda relinquunt . Post detectas

hujus

hujus generis frictiones , inutile prorsus erit aquosus sublimati corrosivi solutionibus ulcera vene-rea , aut tumores inguinales fovere . Ulcera enim irritantibus remediis tractata bubones gignunt , & bubones topicis stimulantibus vel augmentur , vel venenum venereum in externa sede collectum internis partibus communicant . Hinc tempore frictionum partes affectae simplicissimis , dulcissimisque lotionibus detergi tantummodo debent , ut ulterior irritatio & principium inflammatorium avertatur . Quæ usque adhuc de sublimato corrosivo ejusque usu medico dicta sunt reliquis mercurii præparationibus , magna ex parte aptari possunt ; reliqua integrum hujus metallicæ substantiæ historiam medicam complectuntur , & brevi a nobis debent illustrari .

Saccharum  
saturni .

Postremum inter salina metallica locum occupat saccharum saturni , substantia nempe coloris albi , quæ componitur acido vegetabili & plumbo ; *Acetites* hodie plumbi , juxta recentiorem chemicam nomenclaturam appellatur . Facile in aqua solvitur , saporemque habet dulcem & astringentem . Externe solummodo commendatur , & inter exsiccantia & detergentia præsidia collacatur . Chirurgi saccharo sive sale saturni frequenter utuntur in ophthalmia , ulceribus venereis & gonorrhœa virulenta . Solutionem enim instituunt pro lotione & pro injectionibus . Internus usus valde suspectus est quia periculosissimas primo intestinorum ægritudines , colicas saturninas & tabem inducit ; effectus enim gignit oprationi extracti saturni , aquæ vegetabilis & Cerussæ simili-

miliimos; hæc namque plumbi præparata interne assumpta valde noxia sunt.

### DE SALIBUS TERREIS.

**B**reviter admodum de salibus terreis differendum, quandoquidem de duobus tantum agitur nempe de sale cathartico amaro, & de alumine. Sal catharticus, anglicus & epsomensis quoque dictus constat acido vitriolico & magnesia, ideoque magnam cum sale Glauberiano analogiam habet. Magnesia enim quamvis ab alcali fossili magnopere differat, nullam tamen in operatione salis anglici essentialem afferit differentiam. Inter cathartica itaque mitiora, inter aperientia, & non parum etiam diuretica sal catharticus collocatur. Quemadmodum vero rarissime venalis reperitur, ejus loco practici Glauberiano sale utuntur, & huic vulgatissimum salis anglici nomen tribuere solent. Quæ superius de sale Glauberi dicta sunt & huic etiam aptari commode possunt.

Alumen proprie sive argilla vitriolata, substantia est salina ab acido vitriolico & terra argillacea composita. Interdum, uti scribit Cl. Bergman *sponte generatur fatiscentia pyritæ, in argilla vel schisto argillaceo hospitantis*. Ob hanc ideo rationem frequenter occurrit in antiquissimis vulcanis, in quibus a lapidum pyritaceorum decompositione quæ oritur argilia, facile aci-

acidum vitrioli assumit, & facilissima artis operatione in alumen vertitur. Alumen igne liqueficit. Decies quater aquæ pondus requirit ut solvatur; saporis est adstringentissimi. Crystalla octoædrea pyramidalia exhibit. Si alumen igne vehementiori tractatur præbet spiritum vitrioli simul cum copiosa aqua & statim vertitur in substantiam acerrimam pungentem, & non leviter corrosivam, quæ in officinis dignoscitur nomine aluminis usi. Qualitas, juxta generalem sententiam, pendet a defectu aquæ crystallisationis, unde acidum valde concentratum suam actionem valde exsiccantem exercet. Ad usum medicum aluminis crudi quod attinet, inter fortiora adstringentia collocatur, atque in sanguinis fluxu immodico, atque etiam diarrhœa diurna commendatur. Serum ideo aluminosum, aluminis grana quinque, sex, decem, & similia præparata aluminosa in supradictis morbis administrantur. Summa tamen prudentia opus est; siquidem adstringentissima aluminis qualitate alvus intestinalis stypticitatem invincibilem incidit; & intestina styptico remedio insignitur irritata inflammatione corripiuntur. Falluntur itaque nostrates medici, qui alumine crudo, aut aqua aluminosa naturali vel artificiali utuntur pro curatione intermittentiū immo & acutarum febrium in quibus laxantibus, & dein tonicis simplicibus remediis succurrendum nimirum humorum spissitudini. Sæpe collyria alumine & albumine ovi composita exhibentur in obstinatis ophthalmiis, ubi morbus lympham tenaciorē acerrimamque pro

pro causa agnoscit. Ob ægritudinis quoque diu-  
turnitatem, lymphæ circulatio per externa oculi  
vasa retardatur; hinc recte colyrii aluminosi  
stimulo utiliter acceleratur. In inflammations  
contra maximo vigore, ab adstringentibus & sti-  
mulantibus externis omnino abstinentur. Inje-  
ctiones aquis aluminosis in gonorrhœa virulenta,  
passim instituuntur, ut dictum est, sœpissimeque in-  
ipso morbi vigore adhibentur. Rursum in habituali  
stillicidio, post inopportunam curationem perennan-  
te, ad injectiones aluminosas medici deveniunt. In  
primo quidem casu præmatura fluxus interruptio  
gravioribus affectibus & præsertim bubonibus  
venereis ansam praœbet; idem sœpe observatur  
ubi escharoticis & fortioribus irritantibus præsidiis  
glandis penis & præputii ulcera foventur. Ly-  
mphatica enim vasa, quæ in partium genitalium  
superficie aperiuntur, recta ad glandulas inguina-  
les feruntur. Hinc prohibito fluxu gonorrhœico,  
atque interrupta ulceris suppuratione, statim ve-  
nenum veneréum glandulas conglobatas proxi-  
miores adoritur, & majoris momenti morbum  
gignit. Aluminosa itaque hisce in casibus peni-  
tus fere ableganda sunt. Possunt tantummodo  
adhiberi si post absolutam morbi venerei cura-  
tionem, ob persistentem affectarum partium re-  
laxationem ac debilitatem, lymphaticus tenuissi-  
mus humor per urethram adhuc evacuatur. Tuac  
immediata adstringentis præsidii actione, levissima  
illa ægritudo curatur. Solutiones aluminolæ a  
Chirurgis in magnis operationibus, ex. gr. in  
amputationibus artuum adhiberi solebant, adver-

## 82

sus magnorum vasorum hæmorrhagias . Accurati  
vero nostrorum temporum Chirurgi ab hac praxi  
merito abstinent , quandoquidem periculosæ sæ-  
pius inflammations & gravissimæ convulsiones  
usum aluminis sequuntur . Ulcerum denique for-  
didorum consolidatio , & carnium flaccidarum de-  
structio procuratur alumine usto ; hoc enim satis  
vehementi escharotico fibris carnosis tonus con-  
ciliatur, unde corruptæ se junctæque carnes appro-  
ximantur pro efficienda cicatrice . Oportet vero  
ut parcius alumine usto utamur ob qualitates quas  
habet causticas .

DE

## DE INFLAMMABILIBUS.

**H**ac classe comprehenduntur substantiæ phlogisto per superabundantiam saturatæ, & quæ Inflammabilum ignis actione, & aëris vitalis interventu attenuantur & evaporationi aptæ redduntur, flam-mam concipiunt, & atmosphærā noxiis vapo-ribus inficiunt. Huc pertinent oleosa omnia, non solum quæ e vegetabilibus, & animalibus obtinetur, verum, & corpora phlogistica fossilia, uti oleum fos-sile, sulphur, omnia bituminina in genere; spiritus-que ardentes, ac ætheres proprie dicti. Dum de bioluminosis loquitur Cl. Bergman, hujusmodi substantias eandem profecto naturam habere arbitratur, & differentiam inter genera diversa a quan-titate phlogisti repetendam esse existimat. Hanc vero doctrinam, veritati procul dubio valde affinem, non est hujus loci vel temporis ad exa-men revocare. Generales vero Inflammabilium proprietates sunt, primo odor in nonnullis parum, in aliis gravissimus, nauseosus & capiti infes-tus; uti ex. gr. observatur in oleis expressis vegetabilium, in pinguedine animali & simili-bus: hujusmodi enim substantiæ dum recentes sunt, odorem haud ingratum spirant. Verum vel post certum tempus, vel postquam ignis actio-nem expertæ sunt, ingratum ambustorum odo-rem emittunt; atque propriis effluviis caput tentant. Hoc accidit ob superabundantem quam F 2 affu-

assumunt phlogisti quantitatem. Ab eodem certe principio oritur insignis illa mutatio in oleofisis & pinguibus corporis humani substantiis, quæ in nonnullis febrilibus morbis a principio inflammabili fere combustæ, vaporis formam assumunt, & exhalationem gignunt absolute empyreumaticam, odorem cornu cervi usi præferentem. Ab hac causa celerrime corpus macie conficitur, & paucorum horarum spatio arescit. Simili empyreumatico odore donantur, olea empyreumatica, bitumina sive olea fossilia, multæque etiam peculiari fœtore præditæ resinæ. Sulphur tantam cum componentibus suis affinitatem habet, ut in statu concreto nullo fere odore distingui possit; verum ignis actione, dum nexus inter acidum vitriolicum & phlogiston separatur, substantiæ bituminosæ odorem sulphur adipiscitur. Alchool, & spiritus omnes inflammabiles vegetarium, qui fermentatione & distillatione obtinentur, dum accenduntur, bituminosum sive sulphureum odorem emittunt. Hujusmodi etiam substantiæ inflammabiles sulphuris volatilis naturam assument, dum acidis copulantur. Oriuntur hac ratione ætheres diversi, qui in perenni evaporantis statu versantur, semperque odorem bituminosum spargunt. Olea itaque expressa vegetarium & pinguedines animalium sunt substantiæ glutinosæ, ac mucilaginosæ, quæ phlogiston retinent, & coercere conantur, dum in naturali versantur statu; & tunc principium inflammabile nullum præfert peculiarem odorem. Acidum in genere coercientis principij vices gerit in pinguedi-

dine, sebo, & saccharo, in quo copiosa semper, uti in oleis, mucilago acidum abscondit; tunc memoratae substantiae dulces sunt. Acidum vitrioli in sulphure principium inflammabile includit, & tunc sulphur nullo peculiari odore distinguitur. Verum si ignis pinguedinem, sebum, sulphur aliaque inflammabilia adoritur, tunc de-componuntur olea, atque oleosae particulæ ob-acidi defectum, & phlogisti superabundantiam in vaporem attenuatæ odorem bituminosum, empyreumaticum exhalant, & vim summopere gravativam adipiscuntur. Hanc qualitatem naturaliter possident olea fossilia universa, quæ ignis subterranei actionem exp̄erta sunt, ac proinde effluvia empyreumatica foctidissima jugiter præ-bent, coloremque etiam obscurum piecumque, uti corpora omnia combusta nanciscuntur. Idem profecto evenire consuevit in pice communi, quæ ab oleo pini ortum dicit, & ope ignis obtinetur. Oleum enim resinorum odorem gravem & aromaticum, colorem subflavum, & omnes substantiae inflammabilis naturales characteres ha-bet. Verum statim ac ignis vehementia decom-ponitur pro picis compositione, vapores emittit empyreumaticos, atque quod supereft substantia est coloris obscuri, & quæ indolem insigniter inflammabilem possidet. Succini qualitates, quoad colorem & odorem, adnotatam modo doctrinam penitus confirmare videntur. Oleum quoque dul-cissimum, sive principium mucilaginosum natura semper in animalibus & vegetabilibus substantiis collocavit, ut spissitudine particularum quibus

oleum componitur, particulas alimentorum, elementa solidorum, moleculasque admodum volatiles & acutas, vitæ sustinendæ admodum necessarias, retineret, conglutinaretque. Acerimæ seminum Ricini particulæ, oleo ejusdem plantæ involutæ dulcissimum constituunt catharticum; particulæ acres & corrosivæ Euphorbiarum, Daphnidum, Ficuum, oleo destituuntur. Animalia pinguedine destituta corrosivis humoribus absumentur. Tenuissima cutis pinguedine, valde stimulans perspirationis materia obtunditur & corrigitur. Contra si oleosa & pinguia phlogisto ultra modum saturantur, exsiccantia, stupefacientia & syderantia sunt, uti de oleis empyreumaticis, de bituminosis & sulphureis verissimum est. Olea expressa, pinguedinesque recentes animalium, quemadmodum subdulcem potius saporem, ac minus ingratum odorem habent, ideo inter medicamenta demulcentia, relaxantia & antispasmodica collocantur. Sed olea interne usurpara stomachum primario afficiunt, ac deinde internis sedibus communicata, non mediocrem sanitati noxam afferunt; quandoquidem caloris animalis accessione empyreumaticam naturam acquirunt, unde varia in corpore damna exurgunt. Nausea inde orta ab eodem principio nascitur, siquidem emetica ideo suam operationem exercent, quia principio inflammabili scatent. Inflammabilia vero oleosa secretionum abundantiam imminicunt & præsertim insensibilem perspirationem retardant, uti observarunt recentiores practici, qui ab immoderato butyri

ri usu imminutam perspirationem, corpori-  
que pondus quotidie adauctum viderunt. A de-  
fectu perspirationis morbi oriuntur biliosi gra-  
vissimi, ac lethales phlogisticæ ægritudines ge-  
nerantur. Sed de his alio in loco. Substantiæ  
inflammabiles e classe bituminum magnopere  
commendantur in morbis convulsivis, passione  
hysterica, motibus convulsivis infantum aliisque  
hujusmodi. Sunt qui tincturam oleumque succi-  
ni pro specifico anti-hysterico externo atque in-  
terno habent; alii rursum oleum animale empy-  
reumaticum, oleum animale Dippelii, oleum  
cornu cervi interne adhibent in gravissimis con-  
vulsionibus, atque valde inflammabili phlogis-  
ticoque remedio mirificas vires tribuunt. Sed acti-  
vitas antispasmodica horum remediorum non a  
calida & stimulanti qualitate, sed a fluidi ner-  
vei interrupto cursu repetenda est. Substantiæ  
enim omnes inflammabili principio saturatae, flu-  
idum nerveum, scilicet omnium actionum ac sensa-  
tionum instrumentum potenter attrahunt, & cum  
principio vitalitatis strictissime copulantur. Hoc  
autem evenire debet ob summam, quæ inter  
principium inflammabile & materiam caloris in-  
tercedit differentiam. Sed fluidum nerveum ma-  
teriæ electricæ simillimum esse recentissimæ cer-  
tissimæque observationes ostendunt, & scintilla elec-  
trica calorifico principio præsertim componitur,  
hinc inflammabilia, bitumina & olea empyreum-  
atica fluidi nervei quantitatem imminuant,  
motum retardant & efficaciam admodum iner-  
tem reddunt. Aëre inflammabili, phlogisticato,

Inflammabi-  
lium usus.

& fixo per pulmōnes suscepto cordis irritabilitas amittitur, summa virium prostratio deprehenditur, caput stupore & lethargo afficitur, ac mortali pallore facies obducitur. A fumo carbonum similia nascuntur phænomena; pulmōnes enim statim perturbantur, pulsus parvi & admodum inæquales fiunt, homo apoplecticus redditur, ac generali frigore perturbatur. Palustris aët nostrarum regionum, qui æstivo tempore malignos morbos gignit, inflammabilibus scatet elementis, quibus calorem animalem, atque ideo irritabilitatem destruit, omniaque mox allata accidentia gignit. Quæ usque adhuc de natura substantiarum inflammabilium adnotavimus, usum & vires olei animalis, olei succini & similiū adversus morbos convulsivos, nobis indicare videntur. Si enim in pertinacibus convulsionibus parvissimæ horum remediorum doses propinantr, fortasse aliquam utilitatem afferre poterunt, quia celerrimam & præternaturalem fluidi nervi distributionem & actionem prohibent. Abstinendum vero a dosibus valde adauctis, nam hac ratione non minuitur modo, sed deletur omnino fibrae muscularis necessaria oscillatio. De oleo fossili, petroleo seilicet, naphtha alisque bituminosis nihil addam, semper enim noxias, non autem salutares vires possidere existimavi. Veteres petroleo, bitumineque judaico utebantur pro balnamatione cadaverum; mortua enim corpora foetiis hisce & unguinosis substantiis obducta, a corruptione intacta servabantur. Nos picem communem pro simili objecto utiliterque semper adhibi-

hibuimus. De picis qualitatibus, & præsertim de pice navalí alio in loco disputavimus.

Primarium inter inflammabilia locum tenet sulphur, substantia nempe acido vitriolico & phlogisto composita, juxta celebriorum chemicorum sententiam; quamvis alia ratione oriri Galli existiment. Sulphur est vel nativum vel factitium, coloremque habet dilute luteum. Nec aqua, spiritu vini, nec acido quocumque solubile est. Oleis tam expressis quam stillatitiis, ac petroleo solvitur. Cum alcalinis fixis unitur; hinc hepar sulphuris. Igne liquefit. Metallicorum corporum fusionem promovet. Alcalinis volatilibus dissolubile. Vim mercurialium debilitat. Denique a suis constitutivis partibus sulphur appellatur *phlogiston acido vitriolico satiatum*. Loca vulcanica magnam sulphuris nativi copiam suppeditant, aliis saepè mineralibus mixti. Purificatione purissimum obtinetur. Officinæ exhibit flores sulphuris, balsama sulphuris diversa, nempe balsamum sulphuris simplex, crassum, Barbadense, Terebinthinatum, & Anisatum. Parantur etiam artis opera hepar sulphuris, lac sulphuris præcipitatum, tintura sulphuris volatilis, aqua sulphurata, unguentum ad scabiem. Pro præparatione florrum sulphuris sublimetur sulphur ex vase idoneo, & flores qui concrescunt, reducantur in pulvere mola lignea, vel ligneo pistillo, in mortario marmoreo. Flores sulphuris omnium purissimi pro usu interno, & pro compositione remediorum sulphureorum adhibentur. Si sulphur interne assumitur totum pervadit corpus, per-

spicere.

spiratio enim sulphureum odorem acquirit & instrumenta argentea corpori approximata nigra evadunt, uti semper cum sulphure accidit. Hæc simplicissimi sulphuris aëtivitas morborum cutaneorum curationem promovet, juxta generalem sententiam, nam uti sulphure externe confricato scabies curatur, ita etiam ob insigne, quas possidet vires diaphoreticas morborum internorum causas noxiosque humores ad exteriora pellit. Balsamicam quoque, pectoralem, sive pulmonicam facultatem sulphuri tribuunt practici, & ideo balsamo sulphuris Anisato, aut Terebinthinato utuntur in phthisi pulmonali. Internus vero usus balsami sulphuris in ulcere pulmonum ob analogiam commendatur, quandoquidem eodem medicamento ulcera externa admodum sordida repurgantur. Verum aëtivitas hæc detergens externa non solum inutilitatem, sed damna etiam, quæ a balsamo sulphuris interne administrato expectari debent, manifeste declarat. Etenim ut ulcus externum detergatur, oportet ut medicamenta huic indicationi absolvendæ necessaria ab irritantium, calidorum & stimulantium classe defumantur. Sed diversum prorsus est externi ulceris fordes & impuritatè dissipare; stimulatis enim carnibus, & ulceris ipsius fundo exsiccatio, salutaris obtinetur cicatrix, neque ab irritatione externa ullam generalis corporis œconomia noxiam experitur. Contra insigniter stimulans, inflammans atque exsiccans balsami sulphuris aëtio internis sedibus applicata, partibus nullo peculiari morbo affectis, & quæ nullo indigent phar-

ma-

maco primario inhæret, periculosaſque ægritudi-  
nes excitat. Et sane balsamum sulphuris, quo  
ulcus pulmonis curari deberet ventriculum pri-  
mo & intestina perturbat, dein universum cor-  
pus pervertit. Paucæ tantum guttæ, utpote de-  
cem aut quindecim in phthisi commendantur a  
practicis; ipſe vero numquam bonos hujus præ-  
ſidiū effectus expertus sum. Resinosa enim omnia,  
bituminosa, inflammabilia pectori & pulmoni-  
bus infesta sunt. Sed balsamum sulphuris inter  
præſidia pulmonicis proficia collocari posse sua-  
det acidi vitriolici in sulphure præſentia. Hoc  
certe prima facie verum videtur, sed si res fe-  
rio perpendatur fallacia doctrinæ facile apparebit;  
vel enim sulphur non decomponitur, & tunc nul-  
la erit medicamenti operatio, vel contra in pro-  
pria & distincta componentia ſejungitur & tunc  
insignem actionem procul dubio exercebit. Sulphu-  
ream foetidissimam transpirationem exhalant cor-  
pora, quæ flores sulphuris, vel balsamum sulphu-  
ris affumperunt, hinc certe hæc ſubstantia intra  
corpus decomponitur & per omnia tenuiſſima  
etiam vafa diſfunditur. Nam ut odor sulphureus  
perfentiri poſlit, oportet ut ab igneo principio & ab  
oleofis particulis sulphuris diſſolutio perficiatur.  
Oleum enim animale, & pinguedo, una cum calo-  
rificis elementis, sulphuris decompositioni infer-  
viunt. Sed particulae sulphuris hac ratione indo-  
lem æriformem qualitatemque acerrimam nanci-  
ſcuntur; vapores etenim a sulphuris combus-  
tione exurgentes valde irritantes, exſiccantes vite-  
que animali admodum infesti ſunt. His poſitis  
dum

dum sulphur acidum vitriolicum humoribus corporis communicat , acidi particulæ acer- rimo phlogisto saturatæ stimulantem , inflammantem & alterantem facultatem solidis valde no- xiām excent . Neque exanthemata illa , quæ ab interno sulphuris usu in superficie corporis efflo- rescunt , expulsione morbificæ causæ tribuenda sunt ; quandoquidem ab acri sanorum humorum diathesi , ope sulphuris procurata , ortum ducunt . Facultas vero specifica sulphuris in curatione scabiei , nullo modo ejusdem substantiæ efficaciam in morborum cutanearum dissipatione probare aut confirmare videtur . Nam scabies morbus est omnino externus ; quia acarus scabiei cutaneis squamulis absconditus & succis animalibus vivens pustulas efformat , etque simplici frictione lini- menti sulphurei , aut unguenti mercurialis occi- ditur . Falluntur sane medici illi qui scabiem a superficie corporis exturbatam & ad interna ver- gentem gravissimorum morborum causam esse contendunt ; & ideo scabiei renovationem mediante immediato contagio commendant . Si pus in pu- stulis scabiosis abundat , potest aliquando a lym- phaticis cum ægrotantium damno absorberi ; hoc vero rarissime accidit . Tuttissimum igitur sem- per erit linimento sulphureo quamcumque sca- biem curare . Sunt qui sulphur cum pinguedine vel oleo olivarum trituratum adhibent ; alii rur- sum una cum sulphure mercurium etiam subli- matum corrosivum triturare solent . Sed scabies et si celtico conjuncta principio , nunquam tanto indiget remedio , quin sulphure tantum perfecte

cu-

curari non possit. Usitatores præstantioresque unguenti ad scabiem præparationes sunt I. Unguentum e sulphure: Rx. Unguenti simplicis lib.sem. Flor. sulph. non lot. drachm. duas essent. limon. scr. ur. m. & f. l. a. unguentum. Secunda præparatio appellatur unguentum ad Psoram, pro quo: Rx. Sulphur. drachm. unam pulv. radic. Helleb. vel sal. ammoniac. crud. unc. ij. Axung. porcin. drachm. duas. m. f. unguentum. Ne generalis cutis obstipatio a generali frictione eveniat, quarta corporis pars unguento ad scabiem repetito confricatur nocte ingruente, usque ad perfectam curationem. Reliquæ sulphuris præparationes prorsus e materia medica eliminandæ, quandoquidem aut a sulphuræ puro parum differunt, aut nullam prorsus peculiarem efficaciam possident. Denique de spiritu sulphuris suo loco differimus; etenim idem est ac spiritus vitrioli.

Materiæ medicæ scriptores, ipsique sagaciores De aëre sulphureo. præstici vix, ac ne vix quidem de aëre sulphureo loquuntur & tamen qualitates aëris sulphure imprægnata qualitatibus vitalis & respirabilis aëris omnino differunt. Loca omnia vulcanorum effluviis referta genuinum exhibent sulphureum aërem, respirationi inimicum. In hisce regionibus ægtantes phthisi pulmonali affecti celerrime intereunt, quia loco purissimi aëris, vapore phlogistico insigniter noxio saturantur. Decipiuntur itaque medici dum sulphureum aërem phthisicis commendant; miselli enim hoc inspirato aëte celerrime moriuntur; quemadmodum experientia frequentissima cum aëre Puteolanó instituta

patenter evincunt . Neque ulla in aliis morbis ab aëre sulphureo utilitas expectanda ; aër enim sanguini commixtus si purus ac dephlogisticatus est vitam sustentat , morbosque periculosisimos superat ; contra impurus & phlogisticatus , uti aër sulphureus , vitalitati opponitur novoramque morborum fundamentum suppeditat . Aëris itaque sulphurei effectus valde pertimescendi sunt , si quidem circulationem retardat , nutritionem perturbat , ob tenacitatem quam in humoribus inducit , ac proinde æstivo tempore lethales phlogisticos , hyberna vero tempestate chronicos , viscerum præsertim naturalium , morbos gignit . Aquæ tandem acidulæ , quæ ob vaporem , aëris hepatici nomine recte insignitum , sulphureæ dicuntur , salutares , & medicamentosæ sunt , non ob moleculas hepatis sulphuris quas continent , sed quia copiosissimo saluberrimoque acidò aëreo scandent , uti alio in loco adnotatum est .

A sulphure ad spiritus ardentes , nempe De spiritibus ad Alcohole transfundum , atque de componardentibus . sitis a spiritibus hujusmodi differendum . Alcohol itaque , spiritus vini , & spiritus vinotus , unicum designant fluidam substantiam summopere volatilem , principio inflammabili admodum saturatam , oleo essentiali , aqua & acido vegetabili compositam . Oeum vegetabile essentiale , uti ex materia medica vegetabili patet , obtinetur per distillationem vegetarium a foliis , floribus , staminibus , lignis , corticibus , fructibus , seminibus , radicibus , balsamis & resinis . Saporis est odorisque penetrantis , unde subjectum a quo erat sepa-

separatum plane declarat. Spiritibus vinosis solubile. Frigus insigne generat: Cum acido nitroso & vitriolico flaminam concipit. Cum aqua per distillationem uniri potest, unde aquæ officinarum stillatitiae. Cum alcali etiam fixo conjugitur, & saponem philosophicum vel Starkæ constituit; cum alcali vero volatili efformat spiritum volatilem aromaticum. Ab oleo essentiali modo descripto spirituum ardentium primariae qualitates ortum ducunt, summa enim volatilitas, odor valde penetrans, sapor ardentissimus, & inflammabilitas ab oleoso principio nascitur; acidum vero vegetabile per se nunquam accenditur. Contra plantæ resinosæ, quæ oleo essentiali supra modum abundant, non solum igne ad moto facile accenduntur; sed quam æstivo tempore emittunt oleosam atmosphærā accendit admota candela. Oleum itaque essentiale valde solutum & attenuatum occurrit in spiritibus ardentibus, unde flammarum statim concipiunt. Summa inflammabilis principii attenuatio spiritum vini penetrantissimum, & insigniter noxium solidis fluidisque corporis animalis reddit, uti mox demonstrabitur. Sed priusquam ad theoriam actionis spirituum ardentium veniamus, essentiales harum substantiarum proprietates adnotabimus. Spiritus itaque ardens, sive spiritus vini ab oleo essentiali, acido vegetabili & aqua compositus, liquor est pellucidus & volatilis; qui cum aqua facilime miscetur; saporem odoremque habet ardenter ac pungentem. Igne ad moto proutus accenditur; resinas, balsama & olea distil-

lata

lata ex toto dissolvit ; saccharum difficilius ; ceram  
 imperfekte . Acidis per distillationem conjunctum  
 dat spiritum dulcem , nempe æther ; cum alcali  
 volatili caustico spiritum volatilem officinarum .  
 Fluida animalia , quæ coagulabilia sunt coagulat .  
 Fermentationem prohibet . Specificæ gravitatis  
 est fere minimæ . Nullam inter se quoad præci-  
 puam naturam diversi spiritus ardentes differen-  
 tiā habent , nec non depurati & rectificati ean-  
 dem actionem exercent ; hinc spiritus vini , fru-  
 menti , sacchari eodem genere complecti possunt .  
 Ab enumeratione vero præcipuarum qualitatum  
 facile eruuntur effectus , qui a spiritibus ardenti-  
 bus in corpore animali oriri debent . Penetran-  
 tissimus enim , inflammabilis , pungentissimus  
 liquor , stimulo vehementi & qualitate phlogis-  
 tica , a fluidis solidisque maximam caloris co-  
 piā cum insigni danno educit ; liquores enim  
 amissio calore concrescunt & coagulantur , fibræ-  
 que solidæ ob eandem rationem rigescunt , &  
 sicca inflammatione afficiuntur . Hoc probatur  
 exemplo hominum , qui spiritus vinosos , spiri-  
 tumque sacchari affatim bibunt ; primo tempore  
 hebetes facti naturalium actionum promptitudi-  
 nem amittunt , exquisito sensationum exercitio  
 privantur , artuum torpore corripiuntur , sanguinemque  
 possident non solum atrum sed spissum ,  
 valde fibrosum , nempe phlogisticatum . A simplici  
 abusu vini simillima nascuntur accidentia ; quan-  
 doquidem vinum spirituosas & inflammabiles  
 particulas abundanter continet . Verum peculiari  
 animadversione indigent gravissimi illi & sape-  
 dum .

numero lethales pectoris morbi , & præsertim , asthma & hydro-thorax , qui vini , & spirituum ardentium abusum proxime sequuntur . Facillimum tamen erit intelligere cur alcohol potius pulmonis & respirationis , quam aliarum partium æconomiam perturbat . Pulmonum cellulæ , quæ vitiosum noxiunque phlogisticum totius corporis vaporem recipiunt , si ultra modum hoc fluido a spiritibus ardentibus proveniente saturantur , neque necessariam vitalis aëris proportionem suscipere possunt , a causa insigniter noxia obruuntur . Respiratio tunc cum difficultate absolvitur . Rursum spirituum vinosorum coagulans activitas sanguinem crassum , humoresque lymphaticos admodum tenaces reddit ; hac ratione ob retardatam circulationem pulmonalem aqua in cavitate thoracis colligitur ; obstrunctionesque in substantia pulmonali nascuntur . Juxta theoriam modo adnotatam & firmissimis observationibus superstruetam , spiritus ardentes semper æconomiae animali noxii esse debent ; nec unquam medicamentorum nomine insigniri merentur . Neque internus modo , sed externus quoque usus prima fronte proficuus , suspectus esse debet ; nam Chirurgi qui contusis , sugillatis compressisque partibus mederi posse opinantur , frictionibus simplici spiritu vini , vel calidis & aromaticis remediis saturato , magnopere falluntur ; contusæ enim dolentesque sedes , quæ nova irritatione vexantur , periculosa inflammatione & gangræna corripi poterunt , ut sæpe praxis ostendit . Attamen quamvis recta materiæ medicæ intelligentia experimentis suffulta internu-

spiritus vini usum improbare conatur , non defunt multi, qui spiritu vini , & præsertim spiritu sacchari interne utuntur in catarrho , tufsi , & rheumatismo. Apparenti enim calore decepti , cœtionem hoc præsidio procurari existimant . Magis vero reprehendendi sunt practici illi , qui Swietenii aliorumque auctoritati innixi mercurium sublimatum corrosivum in spiritu vini , vel spiritu frumenti solutum interne adhibent in lue venerea . Gravissima ab hac praxi damna oriuntur ; corpus enim urenti calore comburjatur ; pulmonalia vasa saepe lacerata sanguinem emittunt , & ventriculus non ulcere tantum sed corrosione affectus saepenumero deprehenditur . Hoc autem pendet ab actione combinata sublimati corrosivi & spiritus ardantis . Alcohol tamen quia facile dissolvit substantias resinosas & gummosas vegetabilium commode pro menstruo adhibetur . Tineturæ enim spirituofæ omnes, particulis essentia libus & peculiaribus plantarum saturæ, spiritu vini tantummodo obtinentur . Et quamvis tinteturæ spirituofæ parcus prudenterque administrari debeant , quia caloris non modo, verum etiam ardoris sensationem in ventriculo excitant ; possunt tamen stomachi ipsius languorem , viscerumque naturalium debilitatem dissipare . Spiritus itaque ardentes potius tamquam instrumenta pro medicamentorum præparatione , quam ut præsidia per se considerari debent , & potius damna vitare quam genuina emolumenta expectare oportet .

**Aether** spiritum vini pro basi habet , atque

**De æthere.** est productio artificialis, quæ obtinetur per distillationem

lationem spiritus vini rectificatissimi , cum. acido vitriolico , nitrolo , muriatico vel vegetabili concentrato . Odor fragrantissimus est . Fluidorum omnium maxime levis , volatile , inflammabilis , subtilis . Nec aqua , spiritu vini , nec liquoribus acidis , vel alcalinis conjungitur . Olea , resinas & balsama dissolvit . In proposita operazione prodit primo spiritus subtilissimus fragrantissimus ; qui liquoris anodyni mineralis Hoffmanni nomine insignitur . Repetita deinde distillatione prodit naphtha vitrioli ; & si residuo affunditur nova spiritus vini quantitas , denuo spiritus exurgit odoratissimus . Æther in genere inter antispasmodica , anodyna & sedativa remedia collocatur , summisque extollitur laudibus . Medici utuntur passim liquore anodyno minerali in convolutionibus hystericis , in internis externisque doloribus , & in morbis quoque renum & vesicæ , quia vires sedativas revera possidere existimant . Multi in gravi capitum dolore embrocationes hoc remedio factas adhibent . Dosis pro usu interno est a guttis 20. ad 40. & ultra . Vulgus medicorum , qui vim anodynam cum opiate confundit , doses ubiores liquoris anodyni damnat , & ultra decem vel duodecim raro progreditur . Experiencia tamen docente asserere possumus liquorem anodynū non modo non suspectas sed magni momenti vires nunquam possidere . Frustra potius , & sine apparenti saltem utilitate hujus liquoris uberrimas doses , variis in morbis , s̄epissime que adhibuimus . Multi etiam primi subsellii pratici de ineffacia liquoris anodyni conqueruntur

tur . Quamvis enim in hac compositione insignis utilitas manare possit , ab acido vitrioli mediante spiritu vini in vapores attenuato , nunquam tamen res bene succedit , quia acidi particulae nullo modo intactae servantur , immo decomponuntur , propriamque naturam omnino amittunt . Ob eandem certe rationem spiritus vitrioli simplicissimus usurpatur . Æther resinas , olea & balsama dissolvit , hinc tamquam menstruum sepe poterit usurpari .

---

### M E T A L L I C A .

*De metallis.* **C**orpora metallica , quæ præcipuam constituunt classem in regno minerali , non solum valde compacta , solida ac insigniter ponderosa sunt , verum etiam ob componentium indolem , ad substantias inflammabiles proxime accedunt . Quæ metallicam formam diutius retinent , vehementiori quamvis igne tractata , perfecta magis atque nobiliora ; quæ vero , uti Cl. Bergman scribit , *sub vulgari fusione aëri atmosphærico exposita* , cito in superficie exarescunt , & terrestrem porrigit cremorem , & in pristinum statum restitui nequeunt , nisi addito principio inflammabili , nobilia vocantur . Historia metallorum & metallicarum substantiarum omnium ad chemiam pertinet . Medici enim neque metalla in universum , aut integra pro morborum curatione , neque omnia adhibent , sed tantum acida metallis conjuncta ,

Etā , sive salina metallica superius descripta , vel terras singulis metallis peculiares usurpare consueverunt . Utuntur ex.gr. calce antimonii , aut mercurii aliisque terris metallicis , quibus essentialis inest facultas medicamentosa , juxta generalem sententiam . Non pauci vero inter recentiores calces metallicas omni phlogisto orbatas , nulloque acido copulatas omnino inertes , & quacumque activitate destitutas esse contendunt . Stibium ideo diaphoreticum bene lotum , stibium fixum & similia pro frustaneis præsidiis habent . Contrarium porro dicendum de calcibus nonnullorum metallorum , quæ non terreæ aut inertes , sed alterantes vehementerque corrosivæ sunt , quemadmodum accedit præsertim cum mercurii calcibus , etiam simplicissima methodo paratis . Nos vero quoad terras metallicas diversam a communi sententiam tuemur , uti inferius apparebit . Materia medica pauca tantum metalla inter medicamenta complectitur , nam aurum & argentum , quas vulgus imaginatur vires non possident , & potius empiricis sunt relinquenda . Tinetur omnes aurificæ , sales ex auro parati & similia , quæ magno comparantur pretio remedia , nullam ægrotantibus utilitatem afferunt . His itaque posthabitis ad genuina e metallis comparata medicamenta describenda gradum faciamus .

## DE HYDRARGYRO.

De hydrargyri sive argenti vivi nomine designatio.  
**H**ydrargyri sive argenti vivi nomine designatur mercurius ab omnibus metallis dividissimus, quandoquidem insignem habet fluiditatem, nec concrescit, nisi adhibito frigore graduum 380.; tunc concrescit & malleo tractari potest uti plumbum. Argentum vivum post aurum ponderosissimum est. In igne est volatile, sed actione ignis lente procedente, post longum tempus in calcem rubram vertitur, & nomen *precipitati per se*, acquirit. Metalla & semimetalla plurima, caloris vel triturationis ope solvit. Maxime dissolubile est, particulæque divisæ figuram semper sphæricam assument. Balsamis, sulphure, vel corporibus unctuosis per triturationem uniri potest. Agitatione diuturna in pulverem mutatur. In acidis mineralibus solubile est; facilis tamen in acido nitroso solvit, & pro solutione in acido virriolico ebullitione opus est. Color mercurii currentis splendens, vivacissimus est. Saporem nullum habet mercurius vivus non solitus; ubi vero solvit in humani corporis humoribus gustum præbet subdulcem. In saliva humana, & fluidis lymphaticis facile solvit, uti in substantiis gummosis, unde mercurius gummosus. Generalis, quæ in corpore humano actio a mercurio dignitur primo in pulsuum elevatione & præternaturali plenitudine versatur. Post quatuor

tuor enim vel quinque frictiones arteriæ ampliores, magisque resistentes deprehenduntur; & quo major quantitas mercurii adhibetur, non solum major fit arteriarum diameter, sed pulsationes inæquales factæ undositatem & frequentiam assument. Hæc autem mutatio de critica aliqua futura evacuatione nos admonet, ac præfertim ostendit vel proximam salivationem, vel salutarem urinæ fluxum. Salivatio est primaria mercurii operatio, quæ variis conjungitur initio, variisque in progressu accidentibus copulatur. Primo enim salivæ sapor naturalis admodum dulcis redditur, densiorque antea saliva summam tenuitatem fluiditatemque nanciscitur; hujusmodi qualitates una cum quantitatis incremento observantur. Salivatione ultra modum & per plures dies adaucta saliva fœridissima quoque redditur; atque gingivæ initio tantum tumidæ ac dolentes, lordidis ulceribus & molestissimis aphthis afficiuntur. Tempore salivationis palatum & fauces excoriantur, & ob glandularum omnium intumescientiam deglutitio difficulter absolvitur, ac respirationis integras perturbatur. Fœtida saliva, spiritus fœtidus, & ulcera oris ac faucium cum generali perspirationis ac sudoris, pessimo odore, nec non cum urinæ sæpius fœtore conjunguntur. Memorati effectus satis manifeste ostendunt essentialiē mercurii actionem in corpore humano pendere a certo corruptelæ gradu in humoribus excitato; attenuari enim atque inde evacuari lymphæ tenacissimæ elementa non possunt, nisi antea corruptori principii vim persentiant, uti inferius

demonstrabitur. Peculiariter etiam coloris descedatione vexantur, qui mercurialem salivationem experiuntur, non solum quia generalem humorum corruptionem patiuntur, verum etiam quia hoc tempore digestio ciborum essentialiter pervertitur. Mercurius salivationem gignit, non quia post integrum veneni venerei subactionem, cum hac morbosa causa conjunctus per os exitum sibi parat, verum quia peculiarem cum saliva affinitatem habet. Hinc chemica potius attractione ad glandulas salivales fertur, salivæ attenuationem & corruptionem gignit, stimuloque vehementi gingivas ac totum os penetrando salivationem copiosissimam procurat. Quæ in morbo venereo mediante mercurio accidit salivatio, in hominibus quoque perfecte valentibus & mercurio tractatis, constanter deprehenditur. Mercurius etiam extra corpus cum saliva ope triturationis perfecte miscetur, atque extinguitur. Falluntur ideo vulgares practici, qui morbum venereum absque salivatione mercuriali curari non posse existimant. Contraria prorsus doctrina locum habet, quandoquidem salivatio aut præcox, aut valde copiosa, vel diurna morbum non solum insanatum relinquit, verum aliis incommodis, sæpe gravissimis fundamentum suppeditat. Et sane si salivatio post primas frictiones appareret, de mercurii per totum corpus rapidissimo progressu certi sumus; intacta hinc remanebit morbi causa, quia mercurius cum saliva simplici conjunctus foras egreditur. Hoc probatur frequentissimis exemplis ægrotantium, qui præmatura sali-

vatione correpti, dum perfecte se curatos esse existimant, paucis elapsis mensibus confirmatae luis accidentibus denuo afficiuntur. Salivatio itaque mercurialis nunquam pro certo absolutæ curationis indicio haberi debet. Rursus si haec evanescatio mercurii opera procurata per longum tempus sustinetur, non solum molesta & periculosa macie corpus conficitur, verum nova & magni momenti incommoda oriuntur. Febricula primum hebeticae febri simillima vespertinis horis exsurgit; tussis oritur primo sicca, dein humida, neque raro alvi etiam fluxus oritur periculosus. Frequenter itaque post diuturnam salivationem mercurialem ægrotantes phthisici fiunt. Ulcera etiam, quæ hoc tempore pertinaciter fauces occupant, morbis pectoris originem praebent. His positis a salivatione mercuriali, eradicativam morbi venerei curationem nunquam expectare debemus; eo magis quia tuta perfectaque curatio absque salivatione semper obtinetur. Nam si tempore fricationum unguento communi institutarum certæ in usum revocantur regulæ, & præsertim si balnea tepidiuscula administrantur, ad præcavendam salivationem, morbus omnino curatur. Si unguentum mercurio sublimato corrosivo paratur, morbi causa medicamento attenuata, & lympha venerea ad certum corruptionis gradum perducta, lues venerea urinæ sedimentosæ profluvio eradicative curatur. Haec breviter, arrepta occasione, de salivationis natura, effectu & causis lubenter adnotavimus, ut essentialis circa operationem mercurii doctrina illustraretur. Qua vero ratione pertinet.

pertinax & noxia salivatio coerceri possit , hoc  
 in loco videndum , ut hujus theoriæ historia ,  
 quantum fieri possit , perfecta evadat . Ex dictis  
 eruitur balneorum usum salivationem arcere ; hinc  
 in salivæ fluxu immodico eodem præsidio utendum .  
 Lotiones deinde dulcibus medicamentis , uti solutio-  
 ne gummi arabici in aqua roscarum & similibus  
 factæ , admodum utiles esse solent . In genere vero  
 copiosissimus aquæ usus optimum in hoc casu ef-  
 etum gignit . Sunt qui alvum frequenter pur-  
 gantibus pharmacis laxare solent , ad avertendam  
 salivationem ; verum qui hac ægritudine laborant ,  
 sunt valde extenuati , ideoque numquam sine pe-  
 riculo purgantur ; immo diarrhæa sæpe in mor-  
 bo gallico diuturno suspecta est . Ab opiatis in  
 eodem casu non mediocris certe obtinetur utili-  
 tas ; imminuto enim generali stimulo , ac retar-  
 dato circulationis impetu , minor semper erit ver-  
 sus partes superiores humorum affluxus . Pilulæ  
 itaque e cynoglossa aut styrace , ad grana quin-  
 que vel sex quotidie exhibitæ proficuæ sunt ;  
 immo in universum mercurialia cum opiatis  
 utiliter semper copulantur . Ubi tempore fri-  
 ctionum , vel salivatio exoritur , vel alii  
 effectus deprehenduntur , ab aëre frigido cave-  
 re debent ægrotantes ; quæ enim in atmos-  
 phera eveniunt mutationes actionem medicamen-  
 ti penitus evertere possunt . Veteres medici aërem  
 externum frigidiusculum omnino vitandum esse  
 clamabant ; ægrotos angustissimo & perferte clau-  
 so conclavi detinebant , puriorisque externi aëris  
 accessum arcere conabantur portis , fenestris , vitrisque  
 per-

perpetuo firmiterque occulis. Igne assiduo aër artificialiter incalescebat, indusum ægrotantes unicum ab initio ad finem curationis retinebant, neque unquam lectuli linteal mutabantur. Mæphiticum aërem alcalicis, phlogisticae effluviis saturatum ægri spirabant, & dum medici morbum venereum debellare nitebantur, putridarum magni momenti ægritudinum fundamentum statuebant. Ab aëris vitijs, & phlogistica indole coloris defædatio, macies lentæque febriculæ, cum maximo ægrotantium detimento oriebantur. Nostra vero ætate contraria prorsus methodo frictiones mercuriales administrantur; omnia enim, quæ ægro inserviunt purissima ut sint a medicis imperatur; aër frequenter renovatur, balnea saepè usurpantur, ut copiosa eveniat perspiratio, atque ut mercurius facile intus suscipiatur. Certæ circa numerum frictionum, & circa quantitatem unguenti, quod adhiberi debet, regulæ constitui nequeunt; nam juxta morbi accidentia, tempus, corporis habitum, anni tempestatem, aliaque non pauca vel diuturnius progrediendum vel maturius abstinentiam. In genere vero ab una tantum drachma initium facere oportet pro singula frictione, & dosis ad duas usque drachmas quotidie augeri potest. Primo enim parciores doses salivationem, fere semper noxijs, prohibent. Secundo mercurius ob operationis suæ tarditatem, per satis longum tempus intra corpus retinetur, unde venenum venereum integre decomponere, & penitus evacuare potest. Contrarium profecto accidit si affatim intus suscipitur medicamentum; nam

mo-

motu circulationis insigniter accelerato, non solum celerrime versus glandulas fertur, sed statim extra corpus eliminatur mercurius, causa morbi ex parte tantum subacta. Hinc imperfectæ illæ curationes, & tantum temporariæ utilitates, quæ luis venereæ regenerationi nullo modo opponuntur. Nunquam ideo a curatione cessandum, nisi prius accidentia morbosa omnia, mediante sensibili aliqua evacuatione penitus evanuerint; quod enim relinquitur in morbis, recidivas facere consuevit. Plethorici & biliosi homines lentam curationem, & tenues medicamenti doses adhibere debent, nam vehementiori actione, & quacumque nimis valida irritatione summopere perturbantur. Eadem prudentia cum melancholicis, aridis strigosisque incedendum, atque in hujusmodi subiectis, magis quam in aliis humectantia, diluentia, aquosa & demulcentia, immo & opiate etiam cum frictionibus mercurialibus sunt copulanda; ne aut ultra modum incalefcant, aut insigniter corrugata & irritata corpora omnino exarscant. Liberalius ac largiori manu administrantur frictiones in phlegmaticis, humidis ac pituitosis, in quibus calor corporis impune augetur, & lenti viscidique humores, a validiori actione mercurii promptius attenuati, facile evacuantur. Varia morbi venerei accidentia, diversum prorsus in administratione mercurii methodum postulant; atque ipsius morbi diversa tempora absolutam in curatione mutationem requirunt. Inter dogmata tamen fundamentalia statuendum primo, quod recens morbus nulla interposita

mo-

mora nulloque palliativo præsidio præmisso, frictionibus tractandus sit, ut eradicative curetur. Gonorrhæa igitur aut benigna sit, aut virulenta, ulcera, bubones, spermatocele a gonorrhæa proveniens, & alia hujusmodi, diluentibus internis & frictionibus tractari debent. Nam parvi quamvis momenti ægritudines venereæ aparenter curatæ, diuturni morbi firmissima fundamenta constituunt. Inter symptomata vero majoris notæ, & quæ morbum jam confirmatum esse significant, sunt ulcera penis aut præputii, quæ non solum in tumorem inguinalem definunt, sed causam morbi humoribus omnibus & glandulis lymphaticis præsertim, jam communicatam esse declarant. In ulceræ venereo & in tumore inguinis, statim ad frictiones confugendum, ne integra fluidorum, ac progressu temporis solidorum etiam & organorum œconomia pervertatur. Cavendum vero ne mercurio inungantur, aut alio medicamento foveantur partes affectæ; suppuratio enim omni modo, totisque viribus prohibenda est; magis operationes chirurgicæ ferro, magisque caustico remedio institutæ ablegandæ sunt a tumoribus inguinalibus. Suppuratio quantumvis copiosa ac diurna nunquam corpus a veneno venereo repurgare valet; post longum enim puris fluxum gravissima morbi symptomata, dolores, pustulæ, nodi & similia superveniunt. Si emplastrum causticum crudio atque immaturo tumorí applicatur, ut nullum resorpti causa morbificæ tempus relinquitur, juxta vulgarium medicorum sententiam,

non

non pertinacissimæ modo suppurationes ; & si  
nuositates oriuntur, non solum sanguinis fluxus  
immodici , & mortificationes nascuntur , sed te-  
tanus , insanabilis ac lethalis morbus exoritur ,  
uti practicæ observationes quotidie nos admo-  
nent . Methodus inungendi mercurium , sive ipsa  
topica confractionis operatio suas quoque pecu-  
liares regulas , & differentias habet . Qui un-  
guento mercuriali communi utuntur initio a  
plantis pedum facto , tibiis , femoribus , brachiis  
humerisque in progressu mercurium confricare  
consueverunt ; alia enim ratione remedium per  
omnia ferri , omnesque partes subire non posse  
contendunt . Hoc vero minime verum est , nam  
si pedibus tantum confricatur , salivatio sæpiissime  
excitatur , adeoque de generali remedii actione du-  
bitari non potest . Generaliter tamen mercurio  
partes omnes simul inungere noxiū profecto  
est ; nam a pinguedine excalēfacta & a metalli-  
co principio in urentem substantiam penitus  
mutata , varia cutis loca irritantur inflam-  
mantur , pustulisque acerrimis eroduntur . Rur-  
sum insignis & superflua mercurii quantitas ,  
cito exitum querens , nondum absoluta ve-  
neni venerei subactione sive decompositiōne , ex-  
tra corpus fertur , sanorumque etiam humorum  
particulas secum trahit . Hac methodo inoppor-  
tunæ damnosæque eveniunt salivationes , quæ mor-  
bum venereum palliative curant , dum novas  
diversi generis ægritudines in corpore excitant .  
Hunterus meliori consilio unguento internas fe-  
morum regiones confricandas monet , quia exter-  
na

na horum locorum lymphatica proxime ad organa sexus glandulasque inguinales feruntur. Mercurialia vero linimenta delicioribus partibus dum insigni, & necessaria semper vehementia confricantur, præternaturalem calorem ac superficiem saepe inflammationem afferunt. Hæc itaque accidentia omnia avertuntur, neque remedii efficacia ullo modo minuitur, si tantummodo pendum plantis unguentum applicatur. Ab extremo pede, per suras & femora lymphatica numerosissima ad genitalia progreiduntur & glandulas conglobatas subeunt; ac proinde mercurius recta ad affectas sedes perducitur, nimioque immo noxio carens impetu, lentam actionem cum magna utilitate exercet. Tumores inguinales, ulcera, irritationes gonorrhœicæ, & nunquam irritandæ testiculorum intumescentiæ, quæ spermatocele constituant, tarda mercurii activitate, evitata irritatione & inflammatione ad resolutionem per gradus feruntur. Ob memoratas igitur potissimas rationes, nostram methodum reliquis anteferendam esse existimamus. Ut curatio rite procedat operatoris manus facculo ex corio, pinguedine sive axungia communi saturato & emolito tegenda, dein absque linimento per octo aut decem horæ minuta planta utriusque pedis confricanda, usque ad mediocrem incalcentiam. Unguenti dein mercurialis dosis illa, quæ morbosis accidentibus, ægroti temperamento, atque ætati convenientior existimabitur blandiori prius, dein celeriori fortiorique frictione adhibita, sedulo & repetito inungi debet, ut facile ac magnopere attenuata a lym-

lymphaticis suscipiatur. Operatio vero protrahenda usque ad integrum linimenti evanescen-  
tiam, quæ nunquam a sensibili pedum calore disjungitur. Vespertinis horis frictiones utilius instituuntur, nam relaxato æquabiliterque tem-  
pore somni perspirante corpore, majori cum fa-  
cilitate secretiones mercurii actione promoveri  
possunt; hac etenim via morbosæ etiam causæ  
facilior evacuatio procuratur. Urinæ post somnum  
überiores magisque concoctæ, veneni venerei par-  
ticulis copiosius saturantur, & abundantior etiam  
perspiratio nocturna & matutina curationem ac-  
celerat. Tandem mercurii operatio, quæ multis  
post prandium horis incipit, a ventriculi aëstro-  
ne, & digestione ciborum, minime perturba-  
tur. Frictionum numerus eradicatione curationi  
necessarius exæste determinari nullo modo po-  
test; pendet enim a natura morbi, atque a  
promptiori tardiorique medicamenti effectu;  
nunquam vero celeriter agendum, immo sem-  
per cunctando, diligenterque observando sa-  
nitati consulendum, præsertim in morbo vene-  
reo. Judicatur vero morbus evacuationibus a mer-  
curio procuratis; hinc quo citius criticæ separa-  
tiones, atque quo copiosius eveniunt, & majo-  
rem aut minorem utilitatem afferunt, absolvenda  
vel longius protrahenda est frictionum admi-  
nistratio. Si urinæ uberrimæ, crassæ, albicantes  
copioseque sedimento resertæ apparent, nunquam  
de optimo medicamenti effectu dubitandum.  
Hæc vero urinarum qualitas non modo curatio-  
nis tempore deprehendi solet, sed ad plures  
etiam

etiam menses superest, semperque beneficam mercurii activitatem declarat. Sudores qui aliquando mercurii opera excitantur in lue venerea, et si saepe salutares & palliativi, raro tamen eradicatori evadunt; quia cito attenuata & vehementiori medicamenti actione volatilem naturam adepta causa morbifica, ex parte tantum eliminatur, tenaciorque, quæ relinquitur, post certum tempus multiplicata recidivam affert. Hinc mercurius dum per urinæ vias fertur, perfectam semper curationem promittit. Cavendum magnopere ne diarrhæa a mercurialibus excitetur; ob hanc enim evacuationem æger in languorem incidit, humores vix superabilem corruptionem nanciscuntur, atque tunc organa interna, ob generalem corporis imbecillitatem in essentiales morbos incident. Non omnes anni tempestates pro frictionibus opportunas esse medici docent; ideoque vere & autumno frictiones instituunt; ut fieri solet in aliorum etiam medicamentorum administratione. Hyemali etenim tempore non solum a perspirationis impedimento plura oriri possunt essentialia damna; verum ob solidorum rigiditatem, ac retardatam simul fluidorum circulationem, magna medicamento obstacula opponuntur. Particulæ siquidem metallicæ ægre suscipiuntur difficulterque angustioribus canalibus communicantur; ideoque curatio imperfecta semper evadit. Æstas contra statum corporis oppositum affert; nam ob generalem solidorum relaxationem, nimis facile mercurius per omnia ducitur, nullaque retardatus oppositione sive reactione, immu-

mutatus feras egreditur. Intensus etiam atmosphæræ calor salutarem attenuationem, nempe necessariam corruptionem a mercurio procuratam, in pessimam scorbuticam resolutionem putredinemque vertit. Bina vitantur extrema, ubi pro frictione mercuriali media anni tempora feliguntur. Ipse vernam tempestatem autumnali anteferendam semper esse existimare; nam postremum curationis tempus æstate excipitur, atque ideo faciliori perspiratione, ac moderata vasorum relaxatione medicamenti effectus adjuvantur. Autumno contra aër semper frigidior factus minime opportunam totius animalis economyæ constrictiōnem rigiditatemque gignit. Attramen quamvis hæc omnia verissima esse videantur, nos qui frictionibus sublimati corrosivi utimur, curationes quoconque anni tempore, cum æquali semper utilitate instituere solemus; quia a mitissima operatione, & quæ prudentis medici industria, non ultra votum suas exerit vires, nulla a nimio calore nimioque frigore damna sunt pertimescenda. Frictionum mercurialium historiam, indolem & usum peculiariter illustrare conati sumus, quia hoc tantum praesidio multiplices a lue venerea pendentes ægritudines penitus profligantur. Reliquæ præparations mercuriales, & præsertim illæ, quæ interne usurpanatur, raro eradicativæ, saepè palliativæ, saepissime vero damnosæ esse solent. Hujusmodi sunt Pilulæ Bellostianæ, Pilulæ Russeri a Gallis celebratæ, mercurius gummosus D. Plenck, syrupus mercurialis, mercurius præcipitatus, sive cal-

calcinatus per se , solutiones mercurii sublimati corrosivi , sive specificum antivenereum D. Swietenii , Panacea mercurialis , Panacea D. Thompson , Æthiops mineralis , Æthiops alkalisatus , Cinnabaris nativa , mercurius dulcis sive Calomelanus , innumeræque aliae præparationes a vulgaribus medicis usitatissimæ . De omnibus modo adnotatis mercurialibus nihil addendum , nam internæ præparationes improbandæ semper sunt ; magis vero illæ , quæ nudam acutamque metalli actionem valde irritabilibus simulque sanis sedibus communicant , uti mercurius gummösus , sublimatus corrosivus & mercurius alkalisatus : hisce enim præparatis magnæ perturbationes , periculosique morbi in corpore excitantur . Mercurius contra cum sulphure conjunctus in cinnabare & æthiopè minerali propria inutilitate distinguitur ; quia a sulphure admodum difficulter separatur , ideoque suam activitatem exercere nequit . Frustra igitur remedia cinnabarina prædicantur tanquam summæ activitatis præsidia in capitibz nervorum que morbis ; omnes etiam medici in apoplexia , epilepsia , paralyssi , convulsionibus hystericis , cinnabare nativa vel factitia a granis . quatuor usque ad decem utuntur , sapissimeque etiam cinnabarinis pulverem valerianæ sylvestris adiiciunt . Multiplici diuturnaque praxi edocti ab hujusmodi modo remediis semper abstinemus . Tandem quid de mercurio dulci , nempe de substantia salina mercuriali a medicis usitatissima sentiendum ? non modo enim adultis , sed puerulis etiam passim propinatur : alvum mediocri-

ter subducit, & inter remedia anthelmintica principem locum tenet. Nec desunt qui moderato attamen diuturno hujus remedii usu, confirmatae luis venereæ curationem aggrediuntur; immo non quidem spernenda præparatio, quæ pulveris alterantis plumbieriani nomine in officinis distinguitur, mercurio dulci & cerussa stibii præsertim componitur. In gonorrhæa denique usurpatum non solum interne verum etiam externe, quandoquidem injectiones frequenter aquis vitriolicis & mercurio dulci parantur. Vim anthelminticam aliquando ostendit, quia mercurialia omnia, magis quæ salina sunt, parva animalia & vermes occidunt. Rursum mediocris illa irritatio, quæ mercurium salinum catharticum reddit, dum alvum purgat, vermes etiam intestinales educit. Parcius vero calomelano utendum magis in ætate infantili, quippe non raro longam & periculosam salivationem affert. Dosis est a granis quatuor usque ad quindecim in adultis. Atque hæc de mercurialibus satis; si enim cum nostris de sublimato corrosivo superius expositis doctrinis conjunguntur, satis accurate hujus metalli historiam medicam constituere posse videntur.

## DE ANTIMONIO.

**A**ntimonium vulgo stibium, ultimum inter imperfecta metalla occupat locum; attamen quamvis nobilitate sua & pretio reliquis comparari nequeat, insignes vero possidet qualitates medicamentosas, magnæque admodum utilitatis præparata nobis exhibit. Componitur substantia ponderosa, attamen friabili, partibusque constat tenuibus, acutis, splendentibus, quibus miscetur obscurior plumboque similis materia. Reperitur frequenter in Germania, Hungaria, Gallia & Anglia, & ignis ope ab heterogeneis corporibus sejungitur & in massas conicas redigitur. Optima species illa est, quæ majori pondere & densitate, striisque amplioribus distinguitur, atque vehementi adhibito igne integre evaporatur. Substantia hæc mineralis constat essentialiter metallo sive parte regulina, cum sulphure intime combinata; tunc purissima obtineri potest eadem ratione ac reliqua metalla. Antimonium in aqua regia solubile est; in acidis aliis & alcalinis difficulter & imperfecte. Igne sublimatur in flores. Sulphure conjunctum, vel cum nitro ex parte calcinatum, activitatem suam virulentam magnopere deponit. Calcinatione fortiori, phlogisto in integrum spoliatum, in calcem mutatur inertem ponderis incrementum acquirentem. Veteres antimonium inter

venena collocabant illoque externe tantum ute-  
bantur pro collyrio antiphlogistico in morbis  
oculorum. Præparationes nonnullæ antimoniales  
etiam a recentioribus lethales esse pronunciantur.  
Calces denique inertissimis substantiis adnume-  
rantur. Crudi antimonii nullam esse actitatem  
doctiores chemici merito contendunt, quia prin-  
cipio inflammabili copiosissimo particularum me-  
tallicarum actio integre coercetur. Hinc pro fru-  
stranea habetur antimonii crudi additio in Prisanis  
purgantibus antivenereis; multique etiam inutilem  
esse pulverem antimonii interne assumpsum in  
morbis cutaneis, afferunt. Verum quæ praxis no-  
bis suppeditavit observata, ostenderunt pulverem  
antimonii per certum tempus usurpatum, gravissi-  
mas sœde attrulisse ægritudines. Insignis enim inter-  
nus externusque ab hoc remedio oritur calor, ma-  
cies supervenit, ulcera sicca igneum ardorem affe-  
rentia, integrum sœpe corporis superficiem infestant;  
nec deest incommoda & periculosa febricula.  
Quomodo hoc evenire possit, non adeo facile  
erit explicare. Fortasse partes sulphuris antimo-  
nii cum oleosis & pinguibus animalibus elemen-  
tis conjunctæ acerrimam salinam substaniam,  
caloris etiam accessione constituunt, & hac ra-  
tione scorbuticæ gravioris ægritudinis modo de-  
scripta species oritur. Summa igitur prudentia  
opus est etiam in antimonii crudi administra-  
tione. Qui morbos a scabiei retropulsione anti-  
monii pulvere curare nituntur imaginariæ æ-  
gritudinis curationem, cum genuini novique mor-  
bi generatione commutant: Quemadmodum in  
cru-

crudo antimonio sulphuris intima cum metalli-  
cis elementis combinatio, substantiam hanc fere  
inactivam reddit, sic contra dissipato sulphure  
vel integre vel ex parte, quæ supersunt parti-  
culæ metallicæ, & quæ regulum antimonii com-  
ponunt vehementissimum gignunt effectum; pur-  
gant enim per superiora & inferiora, sudorem  
excitant, validissimisque saepe afflunt convul-  
siones, cum frigidis sudoribus, animi deliquis-  
tus, pulsuque interno coniunctas. Adnotatas proprie-  
tates regulus antimonii, cum omnibus perfecte  
phlogisticis substantiis communes habet. Si abun-  
danti quo scatet inflammabili principio regu-  
lus calcinationis ope privatur, suam activitatem  
suamque virulentiam amittit, uti accidit in sis-  
bio diaphoretico, fixo, aliisque hujusmodi. Calx  
vero antimonii vehementiori igne tractata abit  
in vitrum, & sub hac forma amissas proprieta-  
tes denuo resumit. Hac posita antimonii indo-  
le, præparationes omnes, quæ ab hoc semimetal-  
lo obtinentur suam efficaciam majorem aut mi-  
norem, a minori, aut majori sulphuris quanti-  
tate accipiunt. Quo enim partes regulinæ ma-  
jori sulphuris proportione privantur, magis acti-  
væ redundunt; ac rursum si regulus calore calc-  
nationis principium inflammabile amittit, suas  
vires omnino deponit. Sulphur facilime me-  
diante nitro, nempe deflagratione, ab antimonio  
separatur; atque dum varia adhibetur nitri pro-  
portio, diversæ activitatis regulus efformatur.  
Nonnullas tantum, & quidem usitatores præ-  
parationes indicabimus, reliquæ ex libris mate-  
riza.

riæ medicinalis erui poterunt. Et primo crocus antimonii medicinalis, crocus antimonii mitior, & crocus metallorum sunt præparata antimonalia, quæ fiunt ab antimonio crudo & nitro, in crucibulum immisis & post deflagrationem in pulverem redactis. Crocus antimonii medicinalis fit cum antimonii partibus octo, & nitri parte una; hinc mitissime operatur, & exhiberi potest usque ad grana viginti, quia regulus non paucas sulphuris particulas adhuc continet. Crocus antimonii mitior duabus componitur antimonii partibus & una parte nitri, majoremque habet efficaciam quam descripta modo præparatio. Crocus deinde metallorum constat antimonii & nitri partibus æqualibus, ac proinde sulphur omnino absimitur, regulinæ particulæ tunc nudæ, activitatis suæ vehementiam ostendunt. Quamvis vero tenuissimæ admodum doses, utpote unius vel duorum granorum croci metallorum incredibili vehementia operentur, a prudenti tam medico hoc antimoniale præsidium in multis gravissimis casibus summo cum emolumento posset adhiberi. In acutis enim morbis a nimia humorum tenacitate, atque ab actionum pigritia pendentibus, medicamenta quæ parva dosi propinata, omnium functionum œconomiam perturbare, retardatos motus excitare, & deficientes evacuationes renovare valent, inter heroica habenda sunt. Idem de diuturnis quoque morbis, ac præsertim de congestionibus lymphaticis & glandularibus dicendum; medicamenta enim alterantia principem locum occupare merentur, ut infe-

ferius apparebit. Sed præparations antimonii distinguedæ sunt in duas classes, prior includit calces antimoniales vel simplices vel ferro etiam copulatas, uti est ex. gr. Cerussa martialis: altera continet præparations regulinas, nempe particulis metallicis magis minusque refertas, uti sunt crocus antimonii, tartarum emeticum & similia. Quacumque ratione antimonii & nitri ope insignis conflagratio instituitur, juxta nitri proportionem, magis perfecta aut imperfecta antimonii calx obtinetur. Quo vero major ad antimonium nitri proportio adhibetur, antimonium amissu sulphure in albam vertitur terream substantiam, odoris saporisque omnino experitem. Hujus naturæ sunt præparations illæ, quæ apud nos nomine stibii fixi vel diaphoretici diagnoscuntur, atque ab omnibus simplici calcis antimonii appellatione designantur. Memorata calx metallica paratur ab antimonii parte una & tribus nitri partibus, & dum genuina est dicatur peculiariter antimonium sive stibium dia-phoreticum nitratum, vel non lotum. Aqua pro repletitis calcis antimonii lotionibus usurpata, post filtrationem & evaporationem exhibit Nitrum stibiatum, vulgatissimum nempe nostrarium medicorum febrisfugum, diureticum & diaphoreticum præsidium. Calces antimoniales primo inter heroica medicamenta, & ideo summa prudenter administranda, collocabantur; in desperatis gravissimisque morbis sudores critici a stibio, calidissima metallica substantia expectabantur. Recentiiores vero chemicis imbuti doctrinis contrariam sen-

sententiam proposuerunt, ac stibiala terris inertissimis, nulloque effectu distinctis adnumeranda esse contenderunt. Hanc prima facie veritati maxime consonam doctrinam fallacissimam esse supicatus sum; nam ipsis chemicorum principiis innixus dubitare cœpi de jactata terrarum metallicarum inactivitate. Et sane dum calces metallicas tanquam peculiares terras, quæ ob phlogisti privationem naturam metallicam amittunt habendas esse existimabam, & simplici addito principio inflammabili metalla peculiaria repristinari cum memoratis terris certus essem, calces tamen metallicas in morbis a causa mere phlogistica ortis, principii inflammabilis elementa propria affinitate resumere posse credidi. Hac eveniente mutatione corpus a causæ morbificæ insigni activitate facile liberari poterat. In morbis itaque febrilibus acutis, in quibus summa deprehendebatur humorum spissitudo, congestionesque ob lentescentiam in sedibus organicis aderant; in lethalibus febribus ab aëre palustri, nempe phlogisticato ortis, doses stibii diaphoretici uberiores, utpote viginti ac triginta granorum, singulis diebus cum magno ægrotantium emolumento adhibui. Secretionum defectus, urinarum suppressio, cutis ariditas, caloris absentia, coloris defœdatio, & alia magni momenti accidentia penitus diffabantur. Calor enim naturalis superveniebat; cutis madefacta sudore copiosissimo calidoque diffubebat, urinæ copiosæ obtinebantur. Criticæ hujus naturæ evacuationes a calce antimonii oriebantur; phlogisti enim morbos particulæ, quæ periculo-  
sissimæ.

fissimam humoribus tenacitatem conciliant, calcis metallicae statim adhaerent, unde morbi gravissimi causa decomponitur, ut itam dicam, suamque naturam omnino mutat. Sed si mediante hac operatione terra antimonii in corpore animali cum phlogisto conjungitur, facilissimum erit determinare maximam hujus calcis utilitatem in morbis modo adnotatis. Nil igitur mirum si calx antimonii imperfecta, quæ procul dubio præstantissimum D. James pulverem febrifugum constituit, tantam in desperatis etiam febrilibus morbis afferre utilitatem soleat. Nonnullæ enim in hoc remedio regulinæ partes supersunt, quæ necessariam in corpore criticam perturbationem excitant, dum moleculæ calcis proprio munere incumbunt. Quamvis inter incognitas formulas collocetur, nuperrimi Scriptores sequenti ratione pulverem D. James componi afferunt.

**R. Antimonii ad vitrum conficiendum  
calcinati,**

**Nitri pondera æqualia.**

Commixta & in crucibulo indita terantur, ita ut per horam rubeat materia; quæ demum e crucibulo exempta, conteratur, & aqua calida saepius lavetur, donec saporis expers sit. Multi sunt etiam qui pulverem febrifugum D. James pulveri antimoniali Pharm. Londinensis similem esse credunt. In hac compositione cum antimonio copulatur rasura cornu cervi, cùjus terra post calcinationem cum calce antimonii conjuncta fervatur. Processum pulveris antimonialis adnotavimus in nostris formulis medicamentorum. Calx hæc

hæc antimonii nitrata admodum salutares in morbis febrilibus effectus gignit ; quandoquidem saepe vomitum, alvum & sudorem movet, saepiusque copiosissimas urinas educit . In biliosis , rheumaticis , lymphaticisque morbis, in quibus nulla in organo aliquo peculiaris congettio aut inflammatis deprehenditur, magniū affert emolumentum ; & ubi alia, et si decantata præsidia, incassum adhibita fuerint , solo hoc remedio felicissimæ obtineantur curationes . Non raro evacuationes non apparent & ægroti in eodem permanent statu; symptomatum tamen vehementia nullo modo augetur. Aliquo dein temporis spatio elapsso criticæ evacuationes beneficum morbi judicium afferunt . Dosis a granis duobus vel tribus in infantibus, usque ad scrupulum unum , omni sexhorio propinatur usque ad manifestam operationem . Frigidæ potiones penitus vitandæ, neque æger frigido aëri exponendus, ne corporis primo relaxatio, dein perspirationis evacuatio prohibeatur ; nam ut crises eveniant , oportet ut omnia laxa & perfecte pervia sint . Criticæ evacuationes , quæ per diaphoresim aut urinæ fluxum perficiuntur , cæteris paribus , alvi fluxibus & anacatharsi præferendæ sunt ; hac enim ratione de majori materiæ morbificæ attenuatione certi sumus . Juscula ideo tenuissima cum pulvete febrifugo abundantiter propinantur , neque ullis aliis præsidiis a sua operatione natura perturbatur . Non raro post secundam aut tertiam medicamenti dosim , & post profusum sudorem alvinæ evacuationes necessariae sunt ; tunc commode repetitis dosibus olei seminum

num Ricini alvus repurgatur. Hæc ab observationibus practicis immediate deponstra de pulvere D. James adnotare potui. Reliqua remedia quæ calcem antimonij perfectam pro basi habent, & peculiariter in pharmacopœis reperiuntur libenter prætermittant, alterantem enim semper, attenuantem & deobstruentem facultatem possident, & a granis quatuor vel quinque usque ad decem vel duodecim administrari possunt. Kermes mineralis est sulphuris aurati antimonii species, quæ componitur antimonio crudo & sale aliquo alkalino fixo, sive lixivio alkalino. Post longam coctionem & filtrationem, dum refrigeratur liquor, Kermes mineralis forma pulveris obscure-rubri fundum petit. In hac compositione, quæ etiam *pulveris carbustianorum* nomine dignoscitur, non solum sulphureæ, sed regulinæ etiam particulæ reperiuntur. Hinc non raro vomitus hoc remedio gignitur. Sed si sulphuri tantum fidendum esset, frustranea Kermes administratio evaderet. Ob hanc igitur qualitatem repetitæ paucorum, utpote duorum vel trium granorum doses utilissimæ sunt in morbis lymphaticis lenti, congestionibus pituitosis, ac præsertim in catharro diurno, asthmate, & hydro-thorace. Acuti pectoris & suppuratorii simul morbi, uti pleuritides ac pneumoniae hoc remedio ad grana decem vel quindecim quotidie utiliter tractantur; nam Kermes aliquando sudorem, sæpe urinam, sæpiusque etiam expectorationem promovet. Qui magna a largioribus dosibus damna reformat, dubitatibunt semper dum materiæ medicæ fundamenta ignoscunt.

Prie

**De tartaro emetico.** Primaria atque omnium utilissima pro praxi medica antimonii praeparatio appellatur proprie tartarum emeticum vel stibarium, quia facultatem insigniter emeticam habet. Varia ratione paratur, nempe cum croco antimonii loto & crystallis tartari, vel cum cremore tartari & vitro antimonii, vel cum pulvere Algarotti, juxta methodum a Cl. Bergman indicatam. In omnibus vero praparationibus partes regulinæ a salinis substantiis solutæ mitiores redduntur, & vehementissima nudis reguli actione spoliantur. Quo vera elementa metallica puriora pro compositione tartari reperiuntur, laudatus Bergman loco croci antimonii, vel vitri, pulverem Algarotti, sive mercurium vitæ adhibuit; hic enim pulvis obtinetur solutione butyri antimonii in aqua pura, atque post repetitam lotionem cum tartaro conjungitur. Summa principii metallici puritas differentiam facit. Tartaro emetico vomitus procuratur; sudor ingnitur, & alvus solvitur; hinc merito in acutorum principiis, cum maximo ægrotantium emolumento propinatur. Dum enim materia turget, natura ipsa monstrante viam, tartari granum unum aut alterum purgat per superiora & inferiora, sæpiusque sudorem affert. Non unico tamen haustu tartarum assumere necesse est, siquidem doses solutionis per intervalla exhibentur, usque quo manifesta medicamenti operatio animadvertitur. Vomitu namque superveniente diluentia tantum affatim ingurgitanda, uti aqua tepida, juscule tenuia, & decoctiones chamæmeli theiformes. Si operatio diuturnior ac juxto vehementer

mentior erit, jusculis pinguioribus, atque opiatis moderanda. In acutorum principio si lingua tartaro crasso tegitur, si nausea adeat, ac vires ob viscerum vitiosam repletionem languent, repetita ad tartarum emeticum deveniendum est, etiam contra vulgarium medicorum sententiam, qui assiduis vociferationibus de tartari venenata qualitate, & de gravissimis ægrotantium damnis loquuntur. Etenim revera unico hoc remedio opportuno tempore administrato, morborum gravissimorum initiiis opponi potest medicorum industria; frequenterque periculosa accidentia, quæ supervenire solent omnino prohibentur. In chronicis quoque febrilibus morbis, qui plerumque a lymphæ præternaturali tenacitate, & a secretorum impedimento oriuntur, ipse tenuissimas tartari emeticæ doses quotidie adhibui, & non quam eradicativa curatione ægri frustrabantur. Eadem methodo debellare constanter soleo pertinaces nervorum morbos, & præsertim paralyticum aratum, emiplegias, & epilepsias; dato enim quotidie tartari emeticæ grano dimidio, una cum infuso aliquo diaphoretico, curationes absolvuntur spatio duorum mensium. Hæc de antimonio dixisse satis, reliqua ex libris hauriri poterunt.

Inter metallica, quæ a medicis pro morborum curatione usurpantur non iustum certe locum tenet ferrum, sive mars chemicorum vel chalybs, unde medicamenta, quæ ab hoc metallo parantur vulgo chalybeata aut martialia nuncupantur. Qualitates chemicas ferri longum sane esset enumerare in præsenti temporis angustia; hinc sat

*De Ferro,*

sis erit animadvertere ejus colorem ex nigro-purpureum & quandoque violaceum esse, præster-tim dum igne tractatur. In statu vero calciformi, & postquam aëris atmosphæri actionem sustinuit, in rufum & proprie ferrugineum colorem, nempe in veram æruginem sive rubiginem mutatur. Ubi cumque ferrum rubigine inducitur, uti accidit si humido ac magis si marito aëri exponitur, particulae metallicæ propria natura relicta, nempe phlogisto spoliaræ in calcem ru-fam, sive mineram ferri calciformem vertuntur. Hæc autem mutatio, quæ pro vera ferri decom-positione haberi debet, magno facienda ac peculiarter a medicis intelligenda est; nam ferri proprietates medicinales ab hac proprietate tan-tummodo pendent, uti mox eluiscet, Medicamen-ta roborantia nempe tonica, emmenagogæ in chloroticis mulieribus & in cachecticis valde laudata, sæpiissime vel purum ferrum, vel præparata ex hoc metallo pro basi habent. A sa-pore styptico particularum hujus metalli, ab in-cremento virium ventriculi, atque a generali robore, quo mediante, ferro partes antea debiles firmantur, præcipuas vires practici deduxerunt. Ideo varia usurpare consueverunt martialia, in-ter quæ vulgatissima sunt limatura ferri vel chalybis, dulcedo martis, syrups chalybeatus, tintura martis in spiritu salis, sal martis, vi-num chalybeatum, & innumeræ aliæ ex eodem metallo factæ compositiones. In stomachi debi-litate, ventris fluxu diuturno, lyenteria, chloro-si, mensium defectu, confirmata cachexia, mor-bisque

bisque omnibus a solidorum debilitate & lymphæ tenacioris congestionibus & aliis hujusmodi, chalybeatis quotidie utimur, quia amissus solidorum tonus hisce præsidii denuo restituitur. Sed memoratae ægritudines, quæ semper cum secretionum retardato munere, ac vitalis principii inertia, ac proinde cum generali frigoris sensatione conjunguntur, pro morbis phlogisticis haberi debent. Metallica & medicamenta a perfectis metallis deprompta nullam utilitatem, immo potius detrimentum afferre possunt, quia metalla perfecta principium inflammabile copiosissimum & insigniter noxiū corpori communicant. Verum ferri præparata, quamvis metallicam penitus naturam habere existimentur, ab inferioris ordinis medicis, sunt tamen substantiae calciformes, quæ vel aëris actione, vel acidorum actilitate proprium amiserunt phlogiston. Rubigo etenim ferri utilillum reddit in adnotatis morbis vinum chalybeatum rubiginosis ferri frustulis, & ferro, vini, nempe acidi vegetabilis aetione decomposito, paratum. Syrupus martialis oriatur a solutione ferri in acido vegetabili, saccharo deinde sive syrupo communi edulcorata. Idem dicendum de omnibus fere medicamentis cunctis ferro compositis. Calces itaque ferri, quæ magna ex parte principio inflammabili privantur, denhloclificantes esse procul dubio debent. idem.

edit in aquis nostris chalybeatis acidulis, in quibus ferrum ab acido aëreo solutum existit; ideoque ob tenuitatem & dephlogisticationem suam, majorem semper activitatem habet. Attrahunt igitur particulæ calciformes ferri tenacissima humorum elementa, & fluidis lymphaticis naturalem tenacitatem restituunt. Redit post chalybeatorum usum digestionis vigor, musculi roborantur, secretiones fluunt liberæ, defœdatus faciei color in naturalem floridumque transit. Atque hac ratione martialium operatio in corpore humano facile intelligitur. Præparationes quoad titulum diversæ, magnam tamen inter se analogiam habent; quæ fluidæ sunt, cæteris paribus, anteferendæ, quia particulæ medicamentosæ facilis penetrare, facilisque humoribus misceri, solidisque aptari possunt. Vinum chalybeatum cum incredibili emolumen-  
to ad uncias quinque vel sex, ante prandium exhibere solemus in cachexia, & menstruorum defectu. Eodera cum successu administratur quotidie syrups chalybeatus ad unciam unam, in decocto graminis officinalis. Remedia hæc re-  
stius usurpantur vere vel autumno, quam hyeme  
aut æstate, quia hisce tempestatibus corpora hu-  
mana laxiora, magisque pervia sunt. Cum mo-  
derata exercitatione martialia conjungenda sunt,  
quia hujus naturæ medicamenta, quæ debili ple-  
rumque stomacho committuntur difficulter dige-  
runtur. Omnia denique ferri præparata a parva  
dosí incipienda, utpote a quinque vel sex gra-  
pis, atque ad scrupulum unum augenda, Exci-  
pi

pi tantum debet mars solubilis, sive tartarum solubile martiale. Hoc remedium inter omnia calybeata utilissimum, sequenti ratione paratur:

Rx. Limatur. ferr. &

Crystall. tartar. singulorum part. æqual.

Aqu. pluv. qu. lu. ut redig. in mass. calore arenæ exsiccand. f. dein pulv. humect. & denuo exsiccerur. Hoc per plures vices facto, materia redigatur in pulverem impalpabilem.

In hac præparatione crystalla tartari ferrum in humoribus corporis humani solubilem reddunt; hinc majorem semper ac reliqua martialia utilitatem affert. Dosis est a granis quinque usque ad drachmam unam.

De plumbo, stanno, zinco & bismutho in calce materiæ medicæ mineralis disputare frustraneum profecto est; externas plumbi qualitates alio in loco recensuimus; vires stanni antihelminticæ incertæ sunt; atque florum zinci facultatem antiepilepticam imaginariam esse experientia practicorum ostenderunt. Heroica remedia indicavimus, actionem veram a componentibus, ab analogia, ab effectu investigare conatus sumus, magnam molem oculis vestris subjecimus, nunc vestrum erit utiliora feligere, adhibere, experiri, & philosophica temeritate impritorum turbam funditus evertere.

## I N D E X

## R E R U M .

<i>Substantiae saline</i> . . . . .	pag. 3
<i>Saliūm characteres generales</i> . . . . .	5
<i>Sales acidi &amp; alcalini</i> . . . . .	7
<i>Acidum vitriolicum</i> . . . . .	9
<i>Acidum vitriolicum phlogisticatum</i> . . . . .	10
<i>Acidi vitriolici usus</i> . . . . .	12
<i>Inflammationis causa</i> . . . . .	16
<i>Ratio administrandi acidum vitrioli</i> . . . . .	18
<i>Acidum nitrosum</i> . . . . .	21
<i>Usus Acidi Nitrosi</i> . . . . .	22
<i>Acidum muriaticum</i> . . . . .	25
<i>Usus acidi muriatici</i> . . . . .	ivi
<i>Aer muriaticus</i> . . . . .	27
<i>Novae acidgrum species</i> . . . . .	ivi
<i>Acidum arsenicale</i> . . . . .	28
<i>Acidum aereum</i> . . . . .	29
<i>Acidum succini</i> . . . . .	33
<i>Sales alcalini</i> . . . . .	35
<i>Alcalinorum usus</i> . . . . .	37
<i>Aqua calcis</i> . . . . .	42
<i>De Salibus Neutri</i> . . . . .	50
<i>Saliūm neutrorum usus</i> . . . . .	54
<i>Nitri usus</i> . . . . .	56
<i>Nitri stibiati usus</i> . . . . .	59
<i>Sal marinus</i> . . . . .	60
<i>Salis marini usus</i> . . . . .	61
<i>De</i>	

	133
<i>De sale ammoniaco</i>	62
<i>Spiritus Mindereri</i>	64
<i>Sales metallici</i>	66
<i>Vitriolum cœruleum</i>	67
<i>Vitriolum album</i>	i vi
<i>Usus vitriolorum</i>	i vi
<i>Lapis infernalis</i>	70
<i>Mercurius sublimatus corrosivus</i>	i vi
<i>Saccharum saturni</i>	78
<i>Sales terrei</i>	79
<i>De alumine</i>	i vi
<i>Inflammabilia</i>	83
<i>Inflammabilium usus</i>	87
<i>De sulphure</i>	89
<i>De aëre sulphureo</i>	93
<i>De spiritibus ardentibus</i>	94
<i>De æthere</i>	98
<i>De metallicis</i>	100
<i>De hydrargyro</i>	102
<i>De Antimonio</i>	117
<i>De tartaro emetico</i>	126
<i>De Ferro</i>	127



## *AVIS AU PUBLIC.*

LE Docteur Cirillo Professeur de Medicine dans l' Université de Naples vient de publier les trois premiers Cahiers d'un Ouvrage d'Histoire Naturelle , qui a pour titre : *Entomologie Neapolitana specimen primum &c.* in fol. grand papier . L'Ouvrage regarde les insectes rares du Royaume de Naples , qui ont été decrits & non gravés par les Auteurs , ou les especes inconnues jusqu'a présent . Ces trois Cahiers consistent chacun de quatres planches de différentes insectes dessinés & colorés d'après nature par l'Auteur lui même , & enluminées avec le plus grand soin . Tout l'Ouvrage , frontispice , preface , descriptions &c. est gravé avec beaucoup d'attention . Le prix de chaque Cahier est de six ducats , monnoie de Naples , & sera toujours le même pour la suite de l'Ouvrage .

Le quatrième Cahier sera publié vers la fin de l'année 1792.

# O P E R E .

## DEL DOTT. DOMENICO CIRILLO.

I.	Osservazioni pratiche intorno alla Luce <i>Venerea</i> in 8. . . . .	duc. gr. I
II.	Nosologiae Method. rudimenta in 8. . . . .	60
III.	De essentialibus nonnullarum Plantarum characteribus in 8. . . . .	I
IV.	Riflessioni intorno all' acque adoperate per la Concia de' Cuoi; seconda edizione in 8. . . . .	20
V.	Fundamenta Botanica; sive Philosophiae Botanicae explicatio, in 8. Vol. 2. Pars secunda complectitur materiam Medicam Regni Vegetabilis . . . . .	2
VI.	Oratio pro Studiorum Instaurazione, in 4. . . . .	10
VII.	Plantarum rariorū Regni Neapolitanī Fasciculus primus, & secundus, in fol. cum Tab. 12. . . . .	4
	Idem cum figuris ad naturam coloratis. . . . .	12
	Fasciculus tertius sub prelo.	
VIII.	Entomologiae Neapolitanae specimen primum, fol. maj. cum Tab. 12. ad viv. colorat. & explicationibus arte incisis . . . . .	18
IX.	Discorsi Accademici, in 12. Napol. li 1789. . . . .	60
X.	Tabulae Botanicæ Elementares quatuor prime, in 4. . . . .	I. 20
	Reliquæ diverso tempore lucem videbunt.	

PRO PEDIE M EVULGARI DEBENT.

XI.	Cyperus Papyrus. Monographia fol. maj. cum tabulis duobus, typis Bodonianis . . . . .	
XII.	Formulae Medicamentorum usitatores Ec. in 8. . . . .	I. 20
XIII.	Materia Medica Regni Mineralis in 8. 1792. Jam evulgata est . . . . .	50

VA11542099